

السيد عبد الحسين الشيرازي

تصوير الكتاب  
صين الخزاغي  
إيران - قم المقدسة

# مَنْهَا الشَّرْحُ

الجزء الثاني

قَدَمَ لَهُ

فَضِيلَةُ الْخَطِيبِ الْإِجْتِمَاعِيِّ  
السَّيِّدِ جَوَادِ شَبْرَا



منها الشيخ

مِنْهَا الشَّرْحُ

السيد عبد الحسين الشَّرع

قَدَّمَ لَهُ

فَضِيلَةُ الْخَطِيبِ الْإِجْتِمَاعِيِّ  
السَّيِّدِ جَوَادِ شُبْرَانِ

ردمك الكتاب ٩٦٤-٥٠٣-٠٩٣-٥

**ISBN:964-503-093-5**

الكتاب / منهل الشرع

المؤلف / السيد عبدالحسين الشرع

الناشر / انتشارات المكتبة الحيدريه

عدد المطبوع / ٢٠٠٠ جلد

عدد الصفحات / ٢٢٤ وزيري

الطبعه / الاولى

سنه الطبع / ١٣٨٥ - ١٤٢٧

الطبعه / شريعت

السعر / ١٥٠٠ تومان

بِسْمِ اللَّهِ الرَّحْمَنِ الرَّحِيمِ

## الأهـل

سيدتي مثال الطهر والعفاف

ورمز البطولة والشهامة

من التفت فيها طهارة السماء وبطولة الارض

العالمة غير المعلّمة

(بطلة كربلا زينب)

بسبيلك - أرفع - كتابي هذا


الى :

العقد بين بحري النبوة والامامة

البتول الطاهرة ... امك فاطمة

لتكون شفيعتي يوم الجزاء .

عبدالحسين الشرع



صورتي تنبيك عما أكرم  
لمعت أسرارها نيرة  
فهي عنوان حياتي الواضحة  
في سطور بين عيني لائحة

بقلم: فضيلة الخطيب الاجتماعي المجدد السيد جواد شبر  
كثير اولئك الذين زاولوا نظم الشعر وقرضه واحكموا سبكه وعرفوا أوزانه  
والوانه، ولكن قليل منهم وقليل جداً من يهز وتر القلب ويحرك العواطف ويستخدم  
المشاعر ويتصرف بها كما يشاء له الفن.

ومن اولئك القلة شاعرنا الرقيق السيد عبد الحسين، لقد امتاز بالشجاء وعرف  
بالذكاء حتى ليكاد شعره يسيل رقة وعذوبه وكأن استدرار الدموع من مميزاتة، وكان  
يقول: ان الكلمة القوية لتعرض لي في الشعر فاعافها واستبدل بمكانها كلمة رقيقة اللفظ  
والمعنى جميلة الارنان والايقاع.

حاز شاعرنا ابو محيي على شهرة واسعة ومحبوبة أوسع وقل ماتجد منبرياً من  
رجال المنبر الحسيني لا يستظهر شعره حفظاً يردده في مناسبات خطابية وعلى كثرة  
رجال هذا الفن وعلى كثرة من يزاول قرض الشعر في الامام الشهيد ابي عبدالله الحسين  
فان ادب الطف يكاد يتعذر جمعه اقول من كثرة الشعر وكثرة قائلية وكثرة رواته فان  
لشاعرنا النصيب الاوفر من هؤلاء الرواة.

والسيد الشرع فاضل كامل ويعد في الطليعة من الطلاب الروحانيين درس مبادئ  
العلوم الدينية والمسائل الشرعية على اساتذة اعلام عظام، اخص بالذكر منهم العلامة  
الحجة الشيخ خضر الدجيلي والعلامة الجليل الشيخ حسن الدجيلي.

وقد زاول قرض الشعر باللغتين الفصحى والدارجة ونظم فيهما معاً واكثر من  
النظم باللغة الدارجة فغطت الثانية الاولى وعرف بها واشتهر، لقد رأيت البعض يعجب  
عندما يقرأ البيتين الذين نظمها حول صورته المحبوبة، ظنا منه بان شاعرنا لا يحسن  
غير النظم باللغة الدارجة. قلت له: لا تعجب فان السيد الشرع لا يقل عن اقرانه وارباب



فنه ممن اجادوا النظم باللغتين امثال : السيد مهدي الاعرجي . والشيخ قاسم محي الدين . والشيخ مهدي الظالمي والشيخ مهدي الخضري . ومن فحول الخطباء كالشيخ كاظم سبتي والسيد صالح الحلبي والشيخ قاسم الملا . وهؤلاء كغيرهم من الطبقة الاولى الذين امتازوا بقرض الشعر بنوعيه كالشيخ محمد نصار والشيخ جواد محي الدين والسيد عبدالمطلب الحلبي والسيد باقر الهندي والسيد صادق الفحام والشيخ عباس الأعسم والشيخ عبد الحسين الحياوي . فكل واحد من هؤلاء تحتفظ له المكتبات العربية بديوانين احدهما بالفصحى والثاني بالدارجة لقد زاول شاعرنا نظم الشعر منذ اول صباه فاكثر واجاد وطرق فنون الشعر وابوابه ، وكنت اشاهده يجلس في الصحن العلوي الشريف وتكون حوله حلقة واسعة من طلاب الشعر وهواته . وتقوم بجنبه قراء المراثي ملتسمين منه متطلعين اليه متوجهين بكلهم عليه ليحبوهم من درره الغالية وسبائك المنضوده بمعانيها الشجية .

لقد التقيت به قبيل وفاته رحمه الله فانشدني بصوته الخافت وهدوئه الصامت قطعة شجية نظمها جديداً . وقد تمثلت له حوراء النساء وعقيلة الوحي زينب الكبرى وهي تسرع الخطى الى نهر العلقمي لتلوذ بحميها وابن والدها حامي الضعينة ابي الفضل العباس تخبره بما جرى من سلب ونهب على عقائل الوحي فيقول :

لمن لقانه العسكر اصفوف	اوسلب براجعنه والشفوف
تعنيت الك واللون مخطوف	ردتك لحالي اوذلتني اتشوف
لقتيت العلم عالنهر ملفوف	اوراسك لقيته ابعدم مخسوف
اوشبجت عليك ارماع وسيوف	عذرتك يمن ما عندك اچفوف

اجل خدمت هذه الشعلة الوهاجة وانطفأت هذه الشمعة الوقادة ولكن اثرها في القلوب وانوارها لم تزل تنير العقول وكأنه لم يمت .

جواد شبر

## تقاريض

ذا منهل الشرع وديوانه  
يداعب الانفس انشاده  
قد صاغه كالتبر في سبكه  
في حلبت الشعر اذا ما جرى  
عواطف هيجهها حب من  
اضرمها الوجد فشبت اسي  
اذابها الحزن فسالت جوى  
فشفها في نظرة ثورة  
امضى من السيف بيوم الوغى  
في كل حفل ذكره لامع  
وينشد الجيل فتصغي له  
يكفيه ذكراً انه خالد  
ذخيرة المرء الى حشره

الخطيب الشيخ جواد قسام

## تقاريض

فزت ابالهادي بحسن الثنا  
خلدت اثاراً لها شانها  
وفي مراثيك اللتي اصبحت  
دين عليهم لك اضحى وهم  
مادمت حياً دون زيغ ومني  
قرت بها للفاطميين عني  
لايتركون للموالين دين  
فوعدهم صدق وتاريخهم  
كالاى تتلى فهي بين اليدين  
(ثق انه يشفع فيك الحسين)

الشيخ علي البازي

وفزت في عقبك بالحسينين  
هم شفعاء الخلق في النشأتين  
(يحيا وانت راثيا للحسين)

الشيخ علي البازي ١٣٥٨

عبدالحسين اهنأبلغت المنى  
وانت من ابناء آل العبا  
ذكراك في نضمك تاريخهم

وهو كفيل صار في نجاته  
(عبدالحسين الشرع في جناته)

الشيخ هادي القصاب ١٣٨٥

فدى حسين الشرع في حياته  
واليوم ان تسأل عن تاريخه

### للقصاب

افرض انته الشيعة جثمانه  
او هذا تاريخه انكتب بلسانه

\*\*\*

للشرع لتأبنه او لتگول مات  
حسين بالدم كتب تاريخ الحياة

هم يضيع اسمه او يروح او يندرس  
وابواليمه ايظل يشع مثل الشمس  
مثل ذچر الحمد بفروض الخمس  
الصالحات او ينمحي وجدانه  
درر منظومه ابوسط ديوانه

\*\*\*

اشتعتقد بحسين ابن فارس مظر  
الكون يفنه او يضمحل كل البشر  
او هذا ويه حسين خالد بالدهر  
اولوگلت ما تظل غير الباقيات  
انه اگول الباقيات الصالحات

اوهاي نعرف بيها منزلة الفقيد  
ثاني مره الوادم اتمله او يبيد  
اشما تسمعه اتگول چن بعده جديد  
من ضميره المخلص وايمانه  
او تختم ابشعر الشرع واللحانه

\*\*\*

ابنظره استرعي انتباه المجتمع  
انشوف بعض الشعر لو مره انسمع  
لاچن اتصور المنظوم الشرع  
هذا طالع صافي من كل الجهات  
التعزیه تبتدي ابمحمد والصلات

اثنين چان اللهن مثل روح ابجسم  
هوه من اهل الفضيله والعلم  
هو سيدها وامير اهل النظم  
والعلم تاجه اويلوگ الشانه  
العبد رغماً يخضع المعلنه

خدمة حسين اوشرف خدمة الدين  
تحجي عن اهل الفضيله الطيبين  
تحجي عن خدمت ابواليمه الحسين  
الشعر عرشه اوبي تحف المكرمات  
والدهر عبده اولجل هاي الصفات

\* \* \*

العنده والرافه البگلبه والحنان  
اوگلبه گلب الوالد اعلى احبابه چان  
اويحجي واقع ما يراوغ باللسان  
شرف هذا اومفخر الخوانه  
حگنه لو نتعفر ابتربانه

هذا فضله اوبعد شوف العاطفه  
روحه روح الوالده المستلهفه  
بروحه يسخي اوما يداعيك ابوفه  
واليصير ابها الصفه اوطيب الذات  
هذا روضة شرف منبع طبيبات

\* \* \*

اوهوه هيبه مجتمعهه ابكل محل  
اوهوه قافيت النظم والمستهل  
اوللجنان او عالم العلوي ارتحل  
خل يجي او يتصدر ابديوانه  
اتمثل اوجوده وتحل بمچانه

هو صدر المجلس اوهوه العمد  
اوهو راس واحنه تتوصف جسد  
با الله هذا اليوم من عدنه انفگد  
ياهو يحمل هالصفات البيئات  
مابعد من عگبه غير الذكريات

\* \* \*

اوهاي منزلته ابميادين الفخر  
اتگول مات اوراح اسمه بالدهر  
خالد اويه حسين بجيال الدهر  
اوصار ترفيعه اوظعن لجنانه  
اومنهله او بحر الشعر طوفانه

هذا ابوهادي اوامير اهل الكمال  
المثل هذا تگدر او عندك مجال  
هذا للعز والفخر اشرف مثال  
اده بالخدمه جميع الواجبات  
اوهذا نعشه صار اله فلك النجاة

\* \* \*

والشكر من عدنه الكم يا الوفود  
اوگامت اعلينه ضميركم تجود  
وانتو عگبه انشالله العز والوجود  
بدر عزنه اللي يشع بسمانه  
بالسمه اوبيكم يرف اللوانه

الله يمنحكم ابتيجان الشرف  
جيتوا من ادياركم لرض النجف  
الشرع من عدكم او من عدنه انخطف  
غاب من عدنه ابليالي المظلمات  
وانتو من عگبه البدور الزاهرات

\* \* \*

### الفقيد يؤبن نفسه وهو في قيد الحياة

اشلون بيه وثگل وزن احسابي وانترس من المعاصي اکتابي

\* \* \*

اشلون بيه لو قرب مني الاجل  
وظلت اعيوني تدير اعلى الاهل  
وخذ سمعي الموت ولساني انشجل  
اتشوفها اتهل الدمع لمصابي

\* \* \*

اشلون بيه النفس مني لو خمد  
وللمغيسل طلوعوا مني الجسد  
ومنى ملج الموت اخذ روحي وصعد  
وقام المغسل يجر د اثيابي

\* \* \*

اشلون بيه ابچفن لو لقوني  
ونزلوني ابحفرتي او واروني  
وللقبر عقب الغسل شالوني  
وقام حفاري يهيل اترابي

\* \* \*

اشلون بيه لو مسيت ابحفرتي  
لا عمل وياي ويرد وحشتي  
دار غربه اويل حال الغررتي  
وبعدت عني هلي وحبابي

\* \* \*

اشلون منكر لو لفاني للقبر  
اشلون منكر لو لفاني للقبر  
شنهو ذاك الوكت من عنده العذر  
شنهو ذاك الوكت من عنده العذر  
او قام ينشد بيش قضيت العمر  
او قام ينشد بيش قضيت العمر  
وشنهو عن ذيج المعاصي اجوابي  
وشنهو عن ذيج المعاصي اجوابي

\*\*\*

اشلون بيه امننفر د بعمالي  
اشلون بيه امننفر د بعمالي  
ودري منكر ما يروف ابحالي  
ودري منكر ما يروف ابحالي  
والذنوب اتصير كلها اگبالي  
والذنوب اتصير كلها اگبالي  
ولا بحكم الله عليه ايحايي  
ولا بحكم الله عليه ايحايي

\*\*\*

اشلون بيه لوضغظ جسمي القبر  
اشلون بيه لوضغظ جسمي القبر  
اشلون حالي امن اوگف ايوم الحشر  
اشلون حالي امن اوگف ايوم الحشر  
وقام من خشمي حليب امي يدر  
وقام من خشمي حليب امي يدر  
وياخذ المعبود بستجوابي  
وياخذ المعبود بستجوابي

\*\*\*

اشلون بيه امن اوگف ايوم الحساب  
اشلون بيه امن اوگف ايوم الحساب  
شنهو عذري وشنطي للباري جواب  
شنهو عذري وشنطي للباري جواب  
شايل اذنوبي وجدامي الكتاب  
شايل اذنوبي وجدامي الكتاب  
من يعاتبني ويزيد اعتابي  
من يعاتبني ويزيد اعتابي

\*\*\*

اشلون بيه امن التفت يسره ويمين  
اشلون بيه امن التفت يسره ويمين  
مال ما ينفع ولا تنفع بنين  
مال ما ينفع ولا تنفع بنين  
ايوم هولاه ايشيب من عنده الجنين  
ايوم هولاه ايشيب من عنده الجنين  
ولا ندم ينفع وعض ابنايي  
ولا ندم ينفع وعض ابنايي

\*\*\*

ما يظل عندي وسيله ولا امل  
ما يظل عندي وسيله ولا امل  
حاشه لانه ايعيفني ابذاك المحل  
حاشه لانه ايعيفني ابذاك المحل  
غير حب المرتضه خير العمل  
غير حب المرتضه خير العمل  
ونوخ ابوادي حماه ارچايي  
ونوخ ابوادي حماه ارچايي

\*\*\*

وصد للمحشر وعارين للحسين  
وصد للمحشر وعارين للحسين  
الشيعة اغفر يلاه العالمين  
الشيعة اغفر يلاه العالمين  
موجب اينادي شفيع المذنبين  
موجب اينادي شفيع المذنبين  
ابجاه دمي المنه صار اخضايي  
ابجاه دمي المنه صار اخضايي

\*\*\*

امهيت لجلك يا الاهي بالشمل  
امهيت لجلك يا الاهي بالشمل  
وراحت اعياي سبايه اعلى الهزل  
وراحت اعياي سبايه اعلى الهزل  
حتى يا معبود عبدالله الطفل  
حتى يا معبود عبدالله الطفل  
عقب ذبح اهلي وحرگ اطنايي  
عقب ذبح اهلي وحرگ اطنايي

\*\*\*

اشريت منك شيعتي ابدم رگبتي حتى تغفر بالقيامه الشيعتي  
شوف حالي وشوف حالة چبدتي صوبوني وطحت من اصوابي

\* \* \*

### في حق النبي ﷺ

امست الليله الوديعه اتصيح وتهل الدمع  
آيو ابراهيم فقدگ وسم اچبدي صدع

\* \* \*

امست الليله الوديعه اتصيح يا سيد الرسل  
ريت كل الكون يفنه وتبقه بس انت عدل  
قوم شوف الحسن وحسين مدامعهم تهل  
والاصل لو غاب نوره اشحال من عقبه الفرع

\* \* \*

هاجت اعليه امنلنصار واصحاب الفتن  
وصبحت چني غريبه يبو الزهره ابهلوطن  
الحسين اينوح يمي وتهل عبرات الحسن  
والوصي گاعد اگبالي وغيره امسه المتبع

\* \* \*

خانوا يحيدر وصيك بس غبت يلمصطفه  
اوفتك امتك ولاچن شوف يلهادي الوفه  
اصبحت كلها اعلى حيدر بالوئن متحالفه  
ولا بگاله امعين عگبك غير اربعه امن الربع

\* \* \*

امست الليله المدينه عكب عينك مظلمه

وظايگه ابعيني الوسيعه ونار حزنك مضرمه

خانت اهل الغدر بينه وفردو حامي الحمه

وبايعوا تيم وعديها وصار للباطل جمع

\*\*\*

نكروا البيعه الخذتها منهم ابيوم الغدير

وصبح المامور على الناس يسبوا الزهره امير

ريتنى وياك اموت ولا بهل الفرگه اصير

ولا تصد عيني المنبرك بيه خصمك مرتفع

\*\*\*

والله يابويه اهضموني ولا لعد حگي رعو

وخذو من عندي انحلتى ولقدك منى اغصبو

بعد يومين ولدارى يسبوا ابراهيم اعتنوا

وصگطوا بالباب حملى وهشمو منى الضلع

\*\*\*

في حق الزهراء عليها السلام

قبل ميلفك وصيك حيدر ابثوب الچفن

هاجت امنمتك على اهلك يبو ابراهيم الفتن

\*\*\*

قبل ما ترضعن اونورك عنها يلهادي انخفه

وافتك امتك لاچن ريتك اتشوف الوقه



كل فرد منهم عهلك جذب بالشر مرهقه

اوقاموا يطلبون يطلبون بيهم منك اديون المظن

\*\*\*

اصبحت بضعتك لاجن گابعه ابثوب المصاب

اوتنحب اويسجب دمعا وتعتب على اهل الدباب

افردوني اتصيح عقبك يا رسول الله الصحاب

وخانوا بحيدر يطاها اوركنوا الصوب الوثن

\*\*\*

گوم شوف اشجره عليه امن الطوا غيت امتك

وعاين ابعينك فعلها اشلون بالشر وافتك

خذوا ميراثي يبويه ومني غصبو نحلكتك

وعيني بچوها يبويه وبچو احسين وحسن

\*\*\*

ريت عينك تصد ليهم لمن الداري لفو

اوگفوا اعلى الباب كلهم ولحطبهم جمعوا

بالحبل قادو وصيك وعلى چتله اتحاشموا

عقب ماگطعوا جنيني والظلوع اتهشمن

\*\*\*

وانه اصيحن يهل الوادم خلو عن حامي الحمه

لا افرع وشچي كل الصابني الباري السمه

ليه رد العبيد بالصوط وممتني ولمسه

قوم شوف امتون بتك بالسياط اتوسمن

\*\*\*

وصد للانصار نوبه ودمعتي اعلى الخد تهل  
ليش هيچي اغدرتو بينه وگدتو حيدر بالحبل  
ماني يا گوم الوديعة وبضعه من سيد الرسل  
بالعجل ماختتوا بينه ولنكم انسيت السنن

\*\*\*

### في حق الزهراء عليها السلام

يا حيدر اباب الدار      تسمع صرختي او وني  
ما تنهض تحاميني      شنهو العوگك عني

\*\*\*

انتہ الماتهاب الموت      وحرورك فلا تنعد  
بيك اهل السمہ تدري      وكل اهل الارض تشهد  
خصمك يوصل الداري      وبوجودك يدوس الحد

يضم على الباب النار \* ونه تشوف يا كرار \* جدامك يحامي الجار  
بين الباب والحايط      قام النغل يعصرني

\*\*\*

عصرني وهشم اضلوعي      وصدري انعاب بالبسمار  
محسن سقط من عندي      وانه اصرخ اباب الدار  
دمي امن الضلع يجري      ودمعي على اوليدي اعبار

اصيحن والدمع سجاب \* يفضه الصدر مني انعاب \* محسن سقط يم الباب  
قوميلي يفضه ابساع      عن القاع شيلي ابني

\*\*\*

عدمن اشتجي حالي      وهضم اللي جره عليه

وضلعي اللي قطع حيلي      ودمي اليكت جاريه  
ماني اوديعة الهادي      وننته اتجفلت بيه  
جدامك يضربوني \* حتى اسودن امتوني \* اوما تنهض تقف دوني  
وانه اعليك ادير العين      چا شنهوا العذر مني

\* \* \*

الوجن من ولم صدري      وبيدي لازمه اضلوعي  
وعاين محسن ابعيني      وتجري المحسن ادموعي  
وننته ابصبرك امجتف      ولا تنهض تردد روعي  
دمي ايسيل من صدري \* ودمعي امن الهظم يجري \* وننته يصبر ما تدري  
هذا اصواب البصري      ورضات الضلع ذني

\* \* \*

غصبو فذك من عندي      بوجودك وهضموني  
وليهم رحمت للمسجد      اطالبهم وطرردوني  
حتى امن البچه ابداري      على المختار منعوني  
هذي هضمتي وذلي \* وصبري اعليهن تكلي \* والله الموت اهونلي  
ولا ذل من بعد عزي      وصوط العبد يضربني

\* \* \*

اذن من بعد عزي      وننته اللي تعز الجار  
وتجري ادموع ويلادي      ودموعي تهل اعبار  
للمسجد طلعت اويك      من قادوك يا كرار  
يسيل امن الضلع دمي \* وقومن وگع من همي \* اصيحن خلوا بن عمي  
وجدامك يرد ليه      وعلى العين يصطربي

\* \* \*

گالوا تون ليل انهار      وحنه الصوتها نسمع

يو عن المدينة انشيل      يو من نوحها تهجع  
قمت اخذ حسن وحسين      بيدي وللبيع اطلع  
اتفيه ابذره الشجره \*      وجرى اعلى النبي العبره \*      ومن ضلعي ومن كسره  
طلعوا قطعوا الشجره      چه لنها تضلني

\* \* \*

روحي امن الهظم خلصت      وعمرى اليوم تاليه  
اريد الحگ يبوي اليوم      وحيله اشجره عليه  
لاچني ارید اوصيك      يا ابا الحسن بوصيه  
عدوانك الهضموني \*      ماريدن يحضروني \*      والگبري يشيعوني  
غسلني ابظلام الليل      يا كرار ودفني

\* \* \*

### في حق الزهراء عليها السلام

عندك وديعه اتچفلت بيها      اخلاف واليها  
ليش ابوجودك جسروا اعليها      اخلاف واليها

\* \* \*

من قرب موت بن عمك      سيد الكونين طاها  
ونته يا كرار يمه      وحالته عيونك تراها  
گالك عندي وصيه      ما يهم قلى سواها  
الزهرة يحيدر بضعتي      خايف عليها امنمتي  
عندك تراها اوديعتي      احفضها يا حامي حماها  
يا ابا الحسن خايف يضلموها      ولا يرحموها  
تغصب فذك منها وعواليها      اخلاف واليها

\* \* \*

ولا اعز منها عليه	ما اعز منها على الله
ودنت من عندي المنيه	لا چن اشبيدي عليها
قومي ترجع جاهليه	ادري بس تغمض عيوني
تطلب ابثارات المذن	وعليكم اتهيح الفتن
بالغسل مشهدوه بيه	ونته يبوحسين وحسن
ولا يعرفوها	بعيتك يا حيدر ينكروها
اخلاف واليهي	وتمنع البضعه من بواچيها

\* \* \*

بيت للزهرة وحزنها	بالبقيع ابني يحيدر
وعلى افراگي ايزود ونها	حتى بي تبجي عليه
يا علي ردها الوطنها	ومن يصير الليل بيدك
مهضومه مكسورة گلب	تسبگه يچشاف الكرب
ابليل ما يغمض جفنها	ودموعها اعلى الخد تصب
ونار بضلوعي	وانه ابضريحي تسجب ادموعي
اخلاف واليهي	من تشتجي وسمع شچاويها

\* \* \*

اظل يا كرار حاير	امنسمع ابها الوصيه
تسيهت بيك البصاير	وقبلي كثره الناس مثلي
شردا گولن منته حاير	من وصل خصمك الدارك
ومن عدها للمسجد رحمت	ونته الحمهاها اتچتفت
للخوف عندك ما هو صاير	ولو گلت من عدهم خفت
ساعة العصره	يو ما دريت ابحالة الزهره
اخلاف واليهي	يو هلوصيه چنت ناسيها

\* \* \*

## في رثاء الامام علي عليه السلام

وين ابنعش ابونه تريد      بي ريض يشياله  
مجبل على الناس العيد      ليش اتيتم اطفاله

\* \* \*

لا تبعد ابهامي الجار      ريض والنعش رده  
ما تسمع يتامه الناس      تبجي وتنحب الفقداه  
يا هو اليحن على المسكين      وعلى الأرملة بعده

خله ايتتم اصيامه \* ويقضى العيد ويامه \* ظلت حرم ويتامه  
تبجي وتصرخ الفرگا      ومنها العين هماله

\* \* \*

فجعها ابجته المرادي      وخلاها عليه اتنوح  
والمنبر يون عليه      والمحراب دمه ايفوح  
ما چان ايخطر على البال      منها الفحل برده ايروح

راسه ينجسم نصين \* ويحوم عليه البين \* يا وسفه على ابوالحسنين  
ريته امن الچتل يسلم      ويفنه العالم ابداله

\* \* \*

حيدر شيد الاسلام      صمصامه ورفع شاناه  
وجاهد دون دين الله      لمن شيد اركانه  
داحي الباب بالميدان      تشهد بيه عدوانه

هو السيف المجرب \* و صمصامه طبرمرحب \* لوطب للحرب وغضب  
ابدن ما يهاب الويد      يوم الحرب وهواله

\* \* \*

حيدر ما يهاب الموت      چيف الرجس ماهابه

تغناله وطبر راسه      وهو ساجد ابمحرابه  
خضب شيبه ابدمه      ورج الكون بمصابه  
وخله الوادم ابعبره \* حسره اتجر بثر حسره \* وسفه اعلى آية الكبره  
ابن ملجم يصل حده      وسيفه ايصير چتاله

\* \* \*

ابهيده اويه الوصي الكرار      لوردتم تغسلونه  
كلف جرح الذي ابراسه      خافنكم تلچمونه  
ظل الدين لفراگه      ينوح وتسچب اعیونه  
دين المصطفه وشرعه \* لفراگه يهل دمه \* رج امصابه الوسعه  
عسن لاهل شهر رمضان      ريسته وبين اهلاله

\* \* \*

ابلیلة گدر من رمضان      فجعتها ابچتل ابوالحسنين  
وخله الوادم ابحيره      ما تدري الوجه لاوين  
يبن ملجم شلك عتبه      على الأمه وشلك من دين  
تطرحيدر اعلى الراس \* ومنه اتخمد الأنفاس \* وتسبب يتامه الناس  
يا هو اليحن على المسكين      عقبه ويعطف الحاله  
ظل روح القدس ينعا      او ما بين السمه اينادي  
تهدم ركن دين الله      وطاح ابسيف المرادي  
وقع مصيوب بالمحراب      ابوالحملة وصي الهادي  
بالدم انخضب حيدر \* ولجله العالم اتغير \* ياريت الفجر لا طر  
البیه انصاب ابو الحمله      وفقده يتم اعیاله

\* \* \*

## في رثاء الامام علي ؑ

يا عجب يا ماضي الحدود يصمصام الحتم  
بيك المرادي ايتنومس ونته طاعون الزلم

\*\*\*

يا عجب منك يمدوح ابصورة هل اته  
وليث ابن عمك بلحرب وفارس رايته  
چيف صمصام ابن ملجم نثر طبرته  
ونته مثل الطود والطود فلا يهزه النسم

\*\*\*

انته يوم تكون بالكون قطب لرحه الحرب  
ولا رجعلك بالميادين ابجملاتك قطب  
چم وچم عن ابن عمك بالوغه اچشفت الكرب  
ولحرب لو ثگل وشتد بيه ثغرك يبتسم

\*\*\*

من چتل مرحب وغيرك من صرع عمر ابن ود  
ومن شبه مثلك بلحروب يكرار ابأحد  
ما برزلك بالميادين الا ويورد  
خايف وللحرب ميعود وبالذل ينوسم

\*\*\*

چم وچم بالكون سيفك خذم اقروم العرب  
وذلت الفرسان ومنه ودومه منشبها الرهب  
اشلون ابن ملجم يمهيوب لعد حدك قرب  
وصابك ابسيفه اوراسك منه صبح منجسم

\*\*\*



آه بالمحراب لمن طحت يا حيدر جدیل  
وقام دم راسك يكرار على شيبك يسيل  
صاح جبريل ابصلاته انچتل حماي الدخيل  
وركن دين الله اعلى فقدمه اليوم صبح منهدم

\*\*\*

سمعت ام چلثوم صوته ولقت تصرخ للحسن  
نادته نايم يخويه وعينك اتشوف الوسن

قوم شوف الكون صوبين انرجن

بالسمه اينادي المنادي  
سبح بالدم وصي الهادي  
وصوبه ابسيف المرادي

اوطاح بالمحراب فارس كونها اوليث الصدم

\*\*\*

من سمعها انتهض لاچن ينتهض قام ويطيح  
ويصفج ابيمينه ابشماله وياعلي والله ايصيح

لفه المحرابك وشافك نايم وراسك جريح

گعد يمك يهل عينه

ويصفج ايساره ابيمينه

يصوصح يا عزنه اوولينه

من وصل يمك ولاهاب ثنيتك يا شهم

\*\*\*

شالك الدارك ولاچن من وصل بيك الهلك

گامت اتحوم اعلى شخصك يبو احسين اعويلك

لاچن تنادي اعلى والينه بين ملجم شك

راسه بالمرهف تصيبه

ومن دماه اتخضب شيبه

هله هله اشهالمصيبه

راح ابونه الفحل برده ولوح اعليه اليتم

\*\*\*

في حق الامام علي عليه السلام

يا حيدر انت الوسيه ونته اليحامي دخيله

اشلون المرادي عليك بالمرهف تجسر

\*\*\*

يا علي با الحرب غيرك يا هو للفرسان يدب

من چتل بن ود يحيدر ورده بالميدان مرحب

اشلون ابن ملجم دناك ولعد محرابك تقرب

ما هاب باسك \* صابك ابراسك \* خمد انفاسك

وشيبك ابدمك تخضب

اوقام المنادي ينادي حيدر ابي سيف المرادي

طاح او عليه الكون والعالم تغير

\*\*\*

سمعت ام چلثوم صوته صرخت ومدمعها ساجم

اگبلت للحسن صاحت يبو امحمد ليش نايم

گوم ابونه انچتل برده ونفگد عز الهواشم

من نومك اگعد \* وگصد المسجد \* وعليه انشد  
شوفه ميت وله سالم

گلبني علمني ابمياته من راح ابوي الصلاته  
يا ريت كل الكون يفنه ويظل حيدر

\* \* \*

طلع من الدار يعدي وگصد للمسجد ابهمه  
شافه بالمحراب مرمي وفيض المحراب دمه  
ذب عليه الحسن روحه ايجلب ابجرحه ويشمه  
راسك يبو حسين \* منجسم نصين \* والهاشميين  
صارت اعلى الفحل لمه

قامت تون الونينه ولمصاب حيدر حزينه  
من شافته مطروح وبدمه تعفر

\* \* \*

شالوا الكرار لهله والحزن تلتهب ناره  
عگب ما عصبوا راسه والجرح دمه ايتجاره  
موجه على الباب زينب والدمع تسچب اعباره  
صاحت ابونه \* يهل المحنه \* عودي اضنه  
جايبينه لعد داره

ناداها اخوها يزيب عودچ ابراسه اتصوب  
لطمت وجهه ونادته يا علم الاكشر

\* \* \*

ريت كل الكون يفنه ويظل حيدر بالسلامه  
يا هو من بعده البناته وللأرامل واليستمه  
راح ابوالحسنين برده قبل ميتم اصيامه

المدمع تهله \* وسفه تگله \* شفه المذله  
ولليتم لاحت علامه  
فگدك يفارس بدرها      گرب بناتك يسرها  
ساعه ومشينه الكربلا وببها انتيسر

\* \* \*

ريت كل الناس تفنه      ونته ياكرار تسلم  
چم طفل عگبك وطفله      لو غبت عنها أتيتم  
ابچتلته اشسويت بينه      اسواد وجهك يبن ملجم  
العيد مجبل \* وكبعنه بالذل \* والدمع يهمل  
عگب والينه المشيم  
عگبك يحامي دخيله      امست بناتك نحيله  
من گرب منك يبو الحسنين المگدر

\* \* \*

### في رثاء الامام علي عليه السلام

حيدر يحيدر \* بضعتك زينب والعيال \* امست ايبا حال  
من گمت توصي الحسن بالعيله ويتاماها

\* \* \*

اشحال زينب والفواطم      من مست هاي المسيه  
ومن گمت توصي الهواشم      والحسن بالفاطميه  
وسمعت ابناتك يحيدر      واليتامه ابهل الوصيه  
صار الها حنه \* ونه اعلى ونه \* گطعن الضنه \* من دنت ليك المنيه  
حيدر يحيدر \* غدت تبجي ازغار واكبار \* ودموعها اعبار  
والضيم والذل يا على لجلك تعلاها

\* \* \*

نادت ام الحزن زينب      يالحسن لاچن ابونه  
 هلمسيه اشلون ابونه      والطيب اشگال عنه  
 اسمع ابوصيك بيينه      واشرف اعلى الموت چنه  
 ننطي الوجه وين \* من عگب ابو حسين \* ما انصف البين \* راح برده الفحل منه  
 حيدر يحيدر \* نادته ياريت نفاك \* وتبگه اليتاماك  
 والدين والاسلام عينك تظل ترعاها

\*\*\*

وين ننطي الوجه بعده      هالأرامل واليتامه  
 مجبل العيد وعليها      لليتم بانتم علامه  
 ليش ابن ملجم يصيبه      قبل ميتم اصيامه  
 خصمه ابماته \* أمن حياته \* ابده الشماته \* وزين الميشوم شامه  
 حيدر يحيدر \* عيد صار اليوم بالشام \* وخصمك غفه ونام  
 وعيون هاشم مسهره ويسيل مجراها

\*\*\*

يبو امحمد ما تگعده      وشيل عن راسه العصابه  
 وشوف اكو بالجرح طيبه      يو مضمه ابعودك اصوابه  
 يبو امحمد هدم حيلي      ابونته ولوعه امصابه  
 ونته للوالي \* عذبت حالي \* شفته اگبالي \* وشيبه من دمه اخضابه  
 حيدر يحيدر \* ريت روحي اتروح وياك \* ولا شوف فرگاك  
 شلي ابحياتي اخلاف عينك يا وصي طاها

\*\*\*

اشحالها اخلافك بناتك      لو غبت يلوالي عنها  
 تگبع ابثوب الهضيمه      ويكثر الفرگاك ونها  
 يبو حسين ايام فگدك      لا لفت ليئه عسنها

الوادم يـبونه \* عهدك تخونه \* ويگاومونه \* وتصيح اهلك غرب چنها

حيدر يحيدر \* والفلك بالعكس يندار \* ونصبح يكرار

غربه وعلينه اهل الغدر تعلق رواياها

\*\*\*

ريـتني وياك اموت ولا اشوفن هلنوايب

ومسي من بعدك ذليله وگبع ابثوب المصايب

ومشى لرض الغاضريه وتعلق عليه الحرايب

ونمشي يساره \* القصر الاماره \* وحنه حياره \* يسر ما بين الاجانب

حيدر يحيدر \* هاي كلها اخلاف عينك \* انشوفها هناك

والحرم تمشي على الهزل وبولية اعداها

### في رثاء الامام الحسن عليه السلام

على الحسن لمن طب ابواليمه شافه يلوج وبالطشت يجذف چبدته

سالت دمعته

\*\*\*

طب العضيده وگام يشچي الحاله من شاف طشت البيه چبده اگباله

ناده او عينه امن الحزن هماله چبدك يبحر الجود من سمه

وبالطشت ثلثينه ببو امحمد جذفته سالت دمعته

\*\*\*

ما بين ماويه الحسن يحچي حسين ان يسمع اعلى الباب ابو اليمه اونين

صاح الحسن لاچن يهل دمع العين يحسين قوم وللطشت ضمه

زينب لفت يمچن اوحن گلبه على اخته سالت دمعته

\*\*\*

طسبت لخواها اترید تتعافاله  
شافت طشت لاچن امغظه اگباله  
على الوجه گامت تلطم اوونت الونته  
گامت تنشده ام الحزن عن حاله  
چشفته وشافت چبده من دمه  
سالت دمعته

\*\*\*

طشتين زينب شافت ابها الايام  
لاچن الأزيد هظم راس الضرغام  
بالخيزرانه ايوسمه او يضرب ابشفته  
يم الحسن واحد او واحد بالشام  
ليزيد شافت والطشت يمه  
سالت دمعته

\*\*\*

نادا يبو السجاد اگعد يمي  
عندك اوليدي اوديعتي بين امي  
عگبي ارید اتعرسه وتحضر ابزفته  
بالك تطالب عگب عيني ابدمي  
وحط ايد جسام اعلى چف عمه  
سالت دمعته

\*\*\*

### في رجوع السبايا الى كربلاء

زينب تنادي وتسچب العبره  
من اليسر والهظم يالسجاد ملينه  
انريد والينه

\*\*\*

والله يعمه من كثر هظم الشام  
چم دوب اظل ابحكم هاي الظلام  
ليمته نبگه وهلخلگ تفرج اعلينه  
ما اهجع ابليلي ولا عيني اتنام  
قلبي خالص من الهظم صبره  
انريد والينه

\*\*\*

متنه يعمه امن اليسر ودروبه  
سميه وهند بقصورها محجوبه  
ودور من كتر الكتر هاي العده بينه  
ودموعنه ابكثر الهظم مسچوبه  
وحنه يعمه اعلى الهزل يسره  
انريد والينه

\*\*\*

هظم الخرابه اللي گعدنه بيها  
گوم الودايح للولي وديها  
خاطر نخبره اخلاف عينه اشكر ذلينه  
ارخص يعمه ادموعنه جاريها  
دلينه ابسوك ابسا كتر گبره  
انريد والينه

\* \* \*

تدري يماي العين عندي والي  
ورد اعتيله وشچي ذلي وحالي  
تقبل حميته ابهل الهظم والذل يخلينه  
بـيه تجفل بالدرب يبرالي  
ونشوف شنهو بن الفحل عذره  
انريد والينه

\* \* \*

انهض او وديني الراعي الرايه  
كـليوم لني اميسره لولايه  
انهض لعد راعي العلم والجود ودينه  
ارد اعتنيه امسن الهظم شچايه  
گـلبي بعد ما ينجبر كسره  
انريد والينه

\* \* \*

### في رثاء الامام الحسن عليه السلام

اليوم الحسن لمصيبته او سمه  
اشحال ابواليمه  
ايعين الچبده او ينتحب يمه  
اشحال ابواليمه

\* \* \*

اشحال گلب حسين لمن  
بالطشت ممروده كلها  
يسو امحمد صاح چنها  
سولفلي يحزام الظهر  
جاوبه ودلاله انكسر  
عاين الچبده عضيده  
وشاف اخيه العود بيده  
علتك صعبه او شديده  
يا هو العلى سمك جسر  
شنهو يحسين التريده



ثارك يگله ارد آخذه منه الحسن جرونه  
واقسم عليه ابجاه ظلع امه اشحال ابواليمه

\* \* \*

عليك اقسام يبو اسكينه  
مني لو گربت منيتي  
بالك او اياك تطلب  
خليني اموت ابعلي  
با الحشر انشر دعوتي  
بيش ابن ابوسفیان يطلبني  
ونمرد دلالي ونزف دمه  
ابراس ابوي و ضلع امي  
وگوضت من هذا سمي  
يا عضيدي ابثار دمي  
ومظلوم ارواح الحفرتي  
وشچي للمعبود همي  
حتى ايسمني  
اشحال ابواليمه

\* \* \*

لو گضت يحسين روحي  
انته غسلني يخويه  
انته طوفني ابضريحه  
مروان ليكم لو طلع  
والنعشي يعضيدي منع  
وخلص يا مظلوم چبدي  
وشيل نعشي القبر جدي  
حتى اجدد بيه عهدي  
وم الجمل ويا تبع  
بالبقيع احفرلي لحددي

\* \* \*

### في حق الامام الحسن عليه السلام

من بني العليه الغوالب نعش يا ماجد ضعن  
اصبح احسين اعلفگده اينوح والكون انرجن

\* \* \*

يا علي ايضمك ضريحك واصبح اليوم الحسين  
ظهره معطوف العضيده اوتهل من عنده العين

ايصيح يا بدر الغوالب يبو امحمد شلت وين

يا عضيدي انقصم ظهري

من عكب عينك يضخري

انهدم ركنى او طود صبري

اونامت اعيون الخصيم او حاربت عيني الوسن

\*\*\*

والمصيبه حين زينب لفت يمه اتودعه

او عاينت للطشت شافت بي چبدته امگطعه

لظمت او صاحت ابونه الصخر منها اتصدعه

يبو امحمد جاوب اختك

من مرد بالسّم مهجتك

او بالطشت گطع چبدتك

ما تحاچيني يخويه اهروش گلبى اتگطن

\*\*\*

يا هو عگبك لليتامه اوبيها مثلك من يروف

اوياهو بعدك على الارامل يحن چلزوج العطوف

المن الوفاد عگبك بعد تگصد والضيوف

اوياهو عگبك للوازم

يا بدر عز الهواشم

يتمت بالزغر جاسم

اوچان ضني اتشوف عرسه او خاب هليوم المضم

وانگطع منك رجاها وخاب هليوم المضم

\*\*\*

من سمعها احسين اجاها اوقامت ادموعه تهل

صاح لا تبچين يختي اوللخدر ردها النفل

غسل اعضاءه اييمينه او عكب ما تم الغسل

صاح يشبول الهواشم

ودعو بحر المچارم

اگبل ابن الحسن جاسم

يتمتني ايصبح بويه او طاح ودموعه جرن

\*\*\*

من غضه اوداع الهواشم صاح ابواليمه النفل

ياالله شيلو النعش زوروه گبر سيد الرسل

اگبلو بالنعش لاجن لگوا بت ذاك العجل

علبغل طلعت مفضبه

او على القبح والشر محربه

اتصبح ابنكم ذاك دربه

ردو عن بيتي يهاشم لا اشب نار الفتن

\*\*\*

صاح ابواليمه اعلهونج ليش عشر مجهده

نعش اخوي ابقبر جده انريد عهده انجدده

نادته هيات وومت بيدها الصوب العده

گام نبل الگوم يعصف

وعله نعش الحسن يخطف

اوبينهم مروان يحلف

ما يطب الحسن و فلان غضه او بره اندفن

\*\*\*

والنعش بين الهواشم والسهام عليه ترش

والحسين ايشوف ذاك النبل يعصف علنعش

جرد العباس سيفه اوصاح لاچن يرتعش

يلعلي والله يغالب

يا ضخر يوم النوايب

بيكم اشهود الحرايب

والسيوف ابين ادينه اوينضرب نعش الحسن

\* \* \*

والحسين ايصيح هون لا يبحر الفضل هود

هذ مو يومك يخويه ابرهد يا ضنوت العود

الك يوم البي تصول عالنهر حامل الجود

والسهم يوگع ابعينك

عگب يسراك وايمينك

والعمود ايصك جبينك

وانه ضامي انچتل عگبك والحرم يتيسرن

### في هلال محرم

اهلال الحزن يفجعنه بمصابين بس تشوفه العين

ذلت يسر زينب وچتل حسين بس تشوفه العين

والله يا شهر النوايب حين ما تجبل عليه

وبا السمه ايبين اهلالك والموالي اتشوفه عينه

كل گلب ينعاك منه ويكثر ابحزنك وتينه

يا شهر تدري من تطب اهلالك يروع چم گلب

وچم عين جاريتها يصب على الذي گطعو وتينه

ينصدع گلب المصطفى المختار والوصي الكرار

وگلب الوديعه ينجسم نصين بس تشوفه العين

\* \* \*

تدري يهلال النوايب  
حين نتذكر مصايب  
چم طفل لحسين تشبه  
بسهم عدوانه انفطم  
وحسين رد بي للخيم  
وتصير يمه امن الحرم حنه  
وامه تهل الدمع على الخدين  
چم گلب منه كسرته  
سلوة الهادي ومحنته  
لعد بدر التام غرته  
والماي من عنده انحرم  
دمه يسفح من رگبته  
من يشوفنه  
بس تشوفه العين

\*\*\*

والله يهلال المحرم  
اله وتذكر ابشهرك  
چم گلب للنبي الهادي  
امست غريبه اعلى الثره  
وچم طفل طوگ منحره  
وامه تون وتصيح يوليدي  
گلي يطلبك حرمله ابيادين  
ما يمر ذچرك عليه  
هظم يوم الغاضريه  
وروح للبضعه الزچيه  
وبفيض دمها امغفره  
حرمله ابسهم المنيه  
رحت من ايدي  
بس تشوفه العين

\*\*\*

بيك يا شهر المحرم  
اذكر المذبوح ضامي  
وگال اذكروني يشيعه  
ذكروا يشيعه امصيبتي  
وبچوا على حالي ومحنتي  
شلته على صدري وبني رحمت لعداي  
ضامي ورموه العده ابسهم البين  
لو هجست الماي برده  
والمثلث مرد چسبده  
لو شربتوا العذب ورده  
وسهم الرماني ابچبدي  
وعلى طفلي الراح برده  
وطلبته الماي  
بس تشوفه العين

\*\*\*

لو شرب واحد اميه  
ولا تضيعون الوصيه  
وما سكوني اجلاف اميه  
ولا ضغت كطره امن الورد  
وانه مرمى اعلى الوطيه  
ومنه يسكوني

بس تشوفه العين  
لو سمعتوا ابجد ضامي  
والعده رخت اعضامي  
وچتل اهل بيتي وعمامي  
التمت اخلافي ابلا ولي  
ولالهها واحد يحامي  
وانه با الوادي  
بس تشوفه العين

شيعتي اوصيكم اخلافي  
خله يذکر عطش چبدي  
اطلبت من الماي كطره  
حتى انفطر منى الجبد  
للماي اعاین من بعد  
عیوا یشیعه العده ایرحمونی  
كطعوا طریجه اولیه اجیبه امنین  
شيعتي ذكروا چبدي  
ذابت امن العطش والحر  
وذكروا عبدالله رضیعی  
وذكروا یشیعه اعویلی  
تبجي وتنادي یا هلی  
وزینب علی التل قامت اتنادي  
لاچن ابشخصی دایره الصوبین

\*\*\*

فاجده عزها اوليها  
اعلى الهزل ومچتفيها  
زجر يتحكم عليها  
واللسي يباريها زجر  
وهيه تستر بديها  
ابروح ملهوفه  
بس تشوفه العين

حرم لو شفتوا یشیعه  
ذكروا اعایلی الخذوها  
عگب فرسان الغوالب  
متحیره ابذل اليسر  
مجلوبه من كتر الكتر  
وراسي اعلى راس السمھري تشوفه  
رمحه ایتمايل بي يسار ایمن

\*\*\*

اعليل لو شفتوا يشيعه	يكسر الخاطر ونينه
ذكروا سجادي وعليلي	العلی الناگه امگيدينه
يشوف عماته وخواته	وتسجب العبرات عينه
كل ساعه يتمنه الچتل	ولا بين هلوادم يذل
ويشوف بمتونه الحبل	فوگ هضمه امچتفينه
كليوم لنه طاب الديوان	ابوليت العدوان
ويا يتامه ولمت انساوين	بس تشوفه العين

\*\*\*

### في هلال محرم

هل المحرم والحزن يبراله  
يا صاحب الثار بحوالك اشصار  
من شافت اعيونك الليله اهلاله

\*\*\*

سيدي يبن الوديعة	اشحال قلبك هلمسيه
من گمت تذكر مصايب	هظم يوم الغاضريه
ما اعز منك على الله	با السمه ولا بالوطيه
انشراچفوفك للده	وخل يهل جفك مدمعه
ونادي يرب الواسعه	ابجاه ظلع امي الزچيه
عجل ابو عدي المنك انترباله	
ليلي ولنهار	وقلبي يشب نار
	ودموع عيني امن الهظم هماله

\*\*\*

يا الاهي اسرع ابوعدي	ما بعد للگوس مدفع
ملت امن الصبر روعي	وناظري امن الهظم يدمع
هذا ديني وثار جدي	بيه تهتف وانه اسمع
چم دوب اظل ابها الصبر	والگلب يتواگد جمر
عجل يلاهي با الأمر	حتى اسل السيف واطلع
دين الحيا جدي الرسول وآله	
وشيده الكرار	لمن عليه صار

رايد يهدمه الأعور اوجهاه

\*\*\*

اشلون اخلي الدين وحده	ابوليت احزاب الجهاله
والعجل يامر وينها	ويحكم اويفتي ابخياله
يدعى لفض الشهاده	الثالته بدعه وضلاله
اوبياها الامر منك نزل	والدين للأمه كمل
حلل حرام اهل الجهل	والشرع حرم حلاله
يرضي النواصب مكصده بفعاله	
ولا همته النار	وفضيحه العار

يفتخر گام اعلى الخلگ بعماله

\*\*\*

يا الاهي وثار جدي	يستغيث وينخه بيه
يا ذنب لحسين حتى	اعليه تجور اشرار اميه
عاف من عدها المدينه	وگصد لرض الغاضريه
بسما وگف بيها المهر	ونزل اضعونه بن الظهر
گامت رواياها تجر	وشحنت افجوج الوطيه



گامت الحربه الكفر تتناخاله

من اربع اکتار بيه الفزع دار

گطعوا الماي اهل الرده اعلى اطفاله

\*\*\*

رادته ايطاوع لمرها وعيت ايبايع حميته  
سامت اعليه المذله وشتره العز ابمنيته  
حشم انصاره الضياغم للحراب وهل بيته  
هاجت وبذلتله الجهد والوالد ايحشم الولد  
لمن نزل ليها الوعد غدت تتهاوه ابشنيته  
خلصت چتل بالغازيه اگباله  
اهله ولنصار جادت بلعمار

على الكاع نومه وغدت تبجي الحاله

\*\*\*

ظل وحيد ايدير عينه وغده اعليه الجيش داره  
گام يحمل على الكتايب مثل ابوه اليحمي جاره  
حته صاب السهم چبده اووگف بحدود المعاره  
دارت عليه من كل كتر وتولته طعن او طبر  
لمن وگع من المهر ودم اصاويبه ايتجاره  
أمنت منه وغدت تتدنااله  
عليه الفزع غار وليت الكفار

گامت تدوسه ابخيلها الخياله

\*\*\*

فر للمخيم احصانه وگام بين الخيم يسهل  
يظن يلگه امن الهواشم واحد وعلى الخيل يحمل

طلعت امن الطنب زينب  
صاحت وناضرها دمع  
هالعسكر اعليمن فزع  
گلى عليمن فزعت الرجاله  
والحرم تصرخ وتعول  
چاوين خيالك وگع  
ليش دمعت عينك اتهل  
وبياكتر صار  
مہجۃ المختار  
ولياكتر عگبه تروح اعياله

\*\*\*

### في رثاء الامام الحسين عليه السلام

دمعچ على الخد خل يهل يا عين  
شوفي النوايح عجت الصوبين  
على الغريب حسين  
على الغريب حسين

\*\*\*

خل يهل يا عين دمعچ  
عاد شهر الحزن لينه  
بيه كتبوا لبو اليمه  
بسمما وصل ليها الضعن  
تطلب ابثارات المضم  
نزل اضعونه ونصب صيوانه  
چن الها من سابچ طلب يو دين  
والگلب يجذب ألونه  
او عود اعلينه حزنه  
او بالضعن ليهم تعنه  
هاجت عليه نار الفتن  
وخاب من الناس ضنه  
اولفت عدوانه  
على الغريب حسين

\*\*\*

والله يا شهر النوايب  
اوبالسمه ايبين اهللك  
كل گلب ينعاب منه  
حين ما تجبل علينه  
والموالي اتشوفه عينه  
ويكشر ابحزنك ونينه

يا شهر تدري من تطب  
وچم عين جاريها يصب  
ينصدع قلب المصطفى المختار  
وگلب الوديعه ينجسم نصين  
اهلاك يروع چم گلب  
على الذي گطعو وتينه  
والوصي الكرار  
على الغريب حسين

\*\*\*

والله يا شهر المحرم  
اله واتذكر نوايب  
چم گلب للنبي الهادي  
امست ضريبه اعلى الثره  
وچم طفل طوگ منحره  
وامه تون وتصيح يوليدي  
ويظل دمعه ايهل على الخدين  
ما يمر ذچرك عليه  
هظم يوم الغاضريه  
وروح للزهرة الزچيه  
وبفيض دمها امعفره  
حرملة ابسهم المنيه  
رحت من ايدي  
على الغريب حسين

\*\*\*

جرت عليه الروايه  
تريده يصبر على المذله  
عيت الضيغم حميته  
نفس ابن حماي الحمه  
سل سيفه دون امخيمه  
دارت روايه الشام وصفوفه  
سبعين الف وكثر امن السبعين  
ولزمت عليه الشرايع  
والكفر هم يمسي طابع  
لبن مرجانه يبايع  
على الضيم ما هي امعلمه  
ودون عزه والودايح  
وجيمة الكوفه  
على الغريب حسين

\*\*\*

يا مصيبة البيك هينه  
سوڈ التاريخ يومك  
بيك يا شهر المحرم  
طاعت لعد طاغي الكفر  
وما يهل الدمع بيها  
ابد ما صاير شبيها  
خانت الامه ابنيها  
وسلمت ليزيد الامر

گامت روایاها تجر  
یا دین الها اعلى النبی الهادی  
والغدر جادم علیها  
وخیول غیها تلعب امیادین  
العترته اتعادی  
علی الغریب حسین

\*\*\*

تدری یا شهر النوایب  
حین نتذکر مصایب  
چم گلب منه کسرتہ  
سلوة الهادی ومحنتہ  
لعد بدر التام غرتہ  
والمای من عنده انحرم  
وحسین رد بی للخم  
وتصیر یمه امن الحرم حنه  
ویگومن ایحومن یسار ایمن  
دمه یسفع من رگبتہ  
من یشوفنه  
علی الغریب حسین

\*\*\*

### ندبة للحجة (عجل الله فرجه)

هذا المحرم يغايب ليك ناعيه قصد  
ما تقوم اتلوح غوجك بعد يا الهادي اشبعد

\*\*\*

غیبتک بالدهر صارت ینضرب بیها المثل  
او حارت الناس ابو صفها او کل عقل منها انذهل  
الوحه والعجل والغوث یغایب والعجل  
طالت الغیبه علینه  
والخصیم اشتمت بینه  
والغوث عجل یاولینه  
ما یظل للقوس مدفع لو ردت تصیر بعد

\*\*\*

والله لو بالكون غيرك للشدايد يندب

چا ندبناه او غدينه اعليه يالمهدي انعتب

لچن ما بالكون غيرك وننه شخصك منحجب

اشلون يا لمهدي البصيره

صرنه عگبک بشد حيره

بالرخه الوادم چثيره

اولمن اتصير الشدايد يا مقل ذاك العدد

\*\*\*

لا تظن بالأرض بين العسچري شرگ او غرب

بالشدايد تصح صفوه اليضمدا اعليها الكلب

مثل الانصار الحظ ابها احسين بديار الغرب

من وصل للغاضريه

او خسيم ابذيج الثنيه

اودارت اعليه آل اميه

اورادته ايبايع يزيد او خانت اوياه العهد

\*\*\*

لم هذاك الوكت گومه او گام يخطب بالخيم

او صاح جري الأمر بيه انعكس يصحاب الشيم

اليريد ايروح منكم خله يسرع بالجدم

قبل ما يعتلگ شرها

اوبيضها اتنادم سمرها

او بالمحجه اگطع عذرها

اويكفر العان اعلچتلى والذي الحربي شهد

\*\*\*

ونتو يليوث الحميه او يا صنايد الحرب

ما عليكم حرج مني اوبيعتي ماهي غصب

اليريد ايروح منكم راشد او ذاك الدرب

وانه خلوني اتم وحدي

ونچتل ما دون حدي

وفدي روجي الدين جدي

او من يعز الدين عندي الموت احله امن الشهد

\*\*\*

حين سمعوه الهواشم گام ابوفاضل الحيد

صاح چيف انروح ونته تبگه يعضيدي وحيد

تدري يحسين الهواشم عدها يوم الحرب عيد

لا وحگ جودك او مجدك

ما نروح او تظل وحدك

حته نخلص دون حدك

من عگب عينك يخونه العيش لا صبح رغد

\*\*\*

ولنصار انوب گامت جادم اعليهم حبيب

ايصيح چيف انروح ونته ابكريله تبگه غريب

وحنه اجينه اليوم دونك تنچتل شاب اومشيب

انته سيدنه اوفخرنه

وانته بالمحشر ضخرنه

يبو السجاد اشعذرنه

لو گلت للهادي جدك وحدي خلوني يجد

\*\*\*

## في نهضة الحسين عليه السلام

يشهد التاريخ حررت البشر كلها  
بالطف نهضتك على الظلم والجور يحسين حررت البشر كلها

\*\*\*

بالطفوف أنهض نهضه يشهد التاريخ بيها  
من عفت دار المدينة وگصدت بالشمل ليها  
هدمت عرش ال اميه وضاگت الوسعه عليها  
ونطيت للعالم درس بحروف اضوه امن الشمس  
والغانمه وعزت النفس بيش تمهي وتشترها  
واليينصر الدين للعليه يعاملها  
وانته يبو السجاد بنصارك الطيبين حررت البشر كلها

\*\*\*

لون ما نهضتك هاذي الناس ردت جاهليه  
والأمير ليزيد صار ولبن مرجانه الدعيه  
لاچن اعلى الضيم تغضي عسيت انفوس الأبیه  
هاجت او وياهم هجت للفاضريه وخيمت  
گمت وعلى الناس خطبت وثبتت كفر آل اميه  
وحليت للناس محنتها ومشاكلها  
من آل اميه وجيشها الجار واعلى الدين حررت البشر كلها

\*\*\*

نهضتك يحسين هذى مولجل كرسي وزعامه  
لاچن انريد النبوه تثبت ونص الأمامه  
با لولايه احلفت لك هالكفر تسعي ابعدامه

يو تمسي على الغيره خذم  
وترفع الدين الله علم  
راية الاسلام  
ولا يظل سالم بالخيم  
والربح يوم القيامه  
ما تقبل تنزلها

بيدك شلتها ابجيشك الواحد وسبعين حررت البشر كلها

\*\*\*

وگفت بالميدان وگفه  
اله داحي الباب عودك  
بينت بيها العد اله  
وثبت ليزيد الكفر  
وتضح للناس الامر  
گصدك الاصلاح  
ما وگف ماجد مثلها  
والنبي سيد رسلاها  
وثبتت للوادم جهلها  
وگطعت من عدها العذر  
الخلافة انتم اهلها  
موقصدك تجاملها

والأثر هذا وبالعقل شفنا وبالعين حررت البشر كلها

\*\*\*

ظن بن هند الدعيه  
يستفرد بالملك وحده  
ويحكم الوادم ابجوره  
ما يدري دمك لوجره  
يفني الضلال وعسكره  
ويصير مذياع  
لو هدر دمك ابيفه  
ويمسي على الوادم خليفه  
ويامر وينهى اعلى كيفه  
ويسعفر ابفيضه الشره  
وياخذ امن الظلم حيفه  
بالدنيه ومحافلها

وتعتقد بيك الناس يا نسل الميامين حررت البشر كلها

\*\*\*



## في زيارة الحسين عليه السلام قبر جده عليه السلام

لمن راد ابو السجاد      يضعن من وطن جده  
راح الكبره ايودعه      ويشجي من امته عنده

\* \* \*

تعناله ابظلام الليل      يشجي الهظم ويودعه  
لاچن من كثر همه      ابعينه ضايگه الوسعه  
شاف الكبر بعيونه      وسال امن الجفن دمعه  
يويلي وخنكته العبره      وذب روحه على كبره

يگله اگد يبو الزهره

شوف امتك عليه اشلون      كلها اصبحت مشته

\* \* \*

اضعن من وطن طيبه      يبو ابراهيم يردوني  
ولا ادري الوجه لا وين      لو جدت بضعوني  
يجدي ضاگت الدنيه      ابكثر الهم على عيوني  
سويلي يجد چاره      من هالدهر وشراره

خلني ابگبرك اتواره

روحي ملت الدنيه      ولا تهوالها الرده

\* \* \*

يجد أنه العزيز احسين      ولمهجتك ريحانه  
امتك ما رعت حگي      وكلها اصبحت خوانه  
يردوني اطيع ايزيد      واخضع لبن مرجانه

ومري يصير تاليه \* ابوليت هند وسميه \* يجدي يصعب عليه

عزي لو فگدته اليوم      شلى بالعمر بعده

\* \* \*

من كثر الهظم والههم  
لنه بالمنام يشوف  
عمري بعد ما ريده  
وقلبي من الهظم والظيم  
اخذني للكبير وياك  
نامت على القبر عينه  
جده ويسمع ونينه  
ولا ريذن حياة الذل  
والظيم ذاب وبعد ما يحمل  
وبساحتك خل انزل

ضاق امن الهظم صدري \* ولا ريذن بعد عمري \* ياهو اللي صبر صبري  
وهمي جاوز احدوده  
يبو ابراهيم وتعهده

\* \* \*

من كثر الهظم والههم  
لنه بالمنام يشوف  
يگله مردت گلبي  
نامت على الكبر عينه  
جده ويسمع ونينه  
ابواچيك يبو اسكينه

اصبر على الهظم يحسين \* وتحمل ينور العين \* يبني واعدت هالدين  
اخذ اهلك يبعد اهلي  
ووفى بكر بلا وعده

\* \* \*

دين الي تعبته عليه  
ظل مفرد يدير العين  
ابنى لا تخلي الدين  
وعودك شيد اركانه  
ما يا جد العوانه  
وحده ابين عدوانه

روح الكربلا وعينه \* وخذ اهلك يبو اسكينه \* وقر بمرهفك عينه  
يبنى چه يهون عليك  
دينك من يظل وحده

\* \* \*

يبنى چنى ما شوفك  
شيبك يقطر امن الدم  
بلمثلث يصيبونك  
موجب بالحرب وحدك  
وتحامي حرم جدك  
يويلى ويوگع ابچبدك

وتلوج بظهر مهرك \* وتخلي على السرج صدرك \* وتطلع السهم من ظهرك

وتروح الخيمة عيالك وختتك بيدها تشده

\* \* \*

يجدي ريتني حاضر ابوادي كربلا يمك

وشندن جرح البچبدك وخضب شيببي ابدك

علي امصبتك يحسين مثل امصاب ضلع امك

شبيدي عليك يا جدي \* ابچچيك مردت چبدي \* ادري من امتي اشيسدي

ولا بد ما اخاصها يجدي ابساعة الوحده

\* \* \*

### خروج الحسين عليه السلام وملاقاته مع الحر

ليش امن المدينه حسين شال ابليل بضعونه

وهاشم گامو ينوحون لفراگه ويودعونه

\* \* \*

شال ابليل من يثرب تظن خايف طلع منها

لا والمصطفى جده وضلع امه ومحسنها

هاشم ما تعرف الخوف يو يخطر على ظنها

لاچن للظلام اختار \* ويحرم للكرام \* خايف لو ضعن بنهار

ليه الناس يتعنون ولضعنه يشوفونه

\* \* \*

من يثرب طلع طلعه بيها الدهر يتمجد

ابدن ما طلع سلطان مثله اعلى السفر معتد

ديباج الخيم كلها والعمدان من عسجد

والسبگ عليها رخوت \* ابدر امرصعه وياقوت \* شبل البضنك منعوت

بالعز كل ملك بالكون دون امخيمه ودونه

\* \* \*

جأبو للمسير انياگ للسياگ مجنبها

هو ادج فوگها من العاج بالهيه امبرگعها

من يقدر يوصفها وراعي العلم حادها

حين اللي نوت تبعد \* وبذاک الظلام اتمد \* گام ابصوته ايغرد

وگامت تجد بالبيده وكل الحرم مامونه

\* \* \*

ناشر رايته بيده اوجدام الضعن يحدي

ونوگ الضعن بالبيده اعلى صوت بن الفحل تعدي

وبواليمه غده اينادي يدين المصطفى بيدي

عفته اديارنه اوجيناك \* نخلصك من عذاب اعداك \* يدين المصطفى العيناك

يو اتلف وجود اعداك يو راسي يگطعونه

\* \* \*

ما بين الهجن تسري لن الحر والف خيال

مالو على الضعن وحسين ليهم بالغوالب مال

شاف العطش ضر بيهم وسگاهم وهو بذاک الحال

لمن برد اضماهم \* ومن الماي رواهم \* ركب غوجه وتعناهم

گام حسين ينشدهم وهم گامو يجيبونه

\* \* \*

نده يالحر وجاه الحر لاچن وگف متأذب

خايف يغلط ابچلمه وعليه ابن الفحل يغضب

يگله اشعندك امحورب ابهاي الوادم اومحرب

عليه جاي يوانه \* سكت لاجن جذب ونه \* صدله وصاح يمجنه

عليك الناس ملتمة والچتلك يسريدونه

\* \* \*

يقله انتم كتبتولي وليكم جيت بضعوني

ارد انچانكم هلحين يا حر ما تريدوني

اجيم ويه الوحش بالبر ولا چنكم تعرفوني

بعد تسدر يگله امنين \* وبيكم دارت الصويين \* للکوفه امش يحسين

شوف الوادم اعلى الخيل والشخصك يدورنه

\* \* \*

يگله ثكلتك امك يحر انچان اروح اويك

يسير اتريد تاخذني لبن زياد وبگه اهنك

صاح ارشد يحادي وسير جدام الضعن بهواك

وتجدم الحادي اوحده وعباس سل امهنده

الهلحد ينادي يا لعهه خلو الضعن يهل الرده

\* \* \*

تناخت كل غوالبها وسلت كل مواضيها

وصاحت لا تحث النوگ بالمسره يحاديها

هاي اضعون ابو السجاد من يگدر يصل ليها

وحنه الذي انحامي الضعن ونعيّد ابيوم الطعن

شاهدنه بحروب المضن نفدي الرگاب بلا ثمن

\* \* \*

يزينب أمني صاحوا اوخل تأمن فواطمها

اسباع الحرب جدامچ والموت ابصوارمها

تهلهل بالضعن گامت من سمعت هواشمها

امن گلبها امن الخطر ولا بالت ابغدر الدهر

ويلاه من يوم العشر \* من طلعت اتريد النهر \* شافت قمر هاشم وذر

صاحت غدو يا عباس عدوانك يسلبونه

\* \* \*

### نزول الحسين في كربلا

من عاف المدينة حسين والكربله اتعناها

فزعت جيمة الكوفه اوجرت كل رواياها

\* \* \*

من شاف الحزم تتره اعلى حربه وشحنت الوادي

ركب غوجه وتعناها اوگام ابينها اينادي

انه الطاهره امي وجدي المصطفى الهادي

يا گوم اشتطلبوني \* انتو اللي دعيتوني \* والكم جيت بضعوني

وطلع كل رسايلهم وگام حسين يقرأها

\* \* \*

ناداه الجمع كله ما تدري اشتگول الحين

لاچن بايع بن زياد وسلم بالاهل يحسين

عابن للروايه وشوف بيكم داره الصوبين

سلم گبل ما تندم \* حتى من الچتل تسلم \* عليك اعراگنه ملتم

هذي جيمة الكوفه وجيش الشام يتلاها

\* \* \*

گاللهم يگوم انچان لنکم ما تریدوني

اقوض عنکم اخيامي ورد للوطن خلوني

يو اقطع افجوج البید ویه الوحش بضعوني

هيات اذل لب ن ازىاد \* و عمر الضىم ما ىنراد \* گالوله ىبو السجاد  
تسدر للمدینه امنىن و ضعونك ولىناها

\*\*\*

سدر ما ىوس من عدهم لاچن سدر ىتحسر  
طب لخمىته مكظم و نار الهظم بى تسعر  
شافت زىنب بن امها گلها انخمش و تطىر  
عرفت غدر عدوانه \* و راحت لعد صىوانه \* منها الروح ولهانه  
طبت قعدت اقباله و تجرى ادموع عىناها

\*\*\*

گالتله ىبو السجاد اشوفك رحى ىم القوم  
وطالت وگفتك ىمهم و منهم سدرت مهظوم  
سولفلى اشچوا وىاك و شجاوبت ىا مظلوم  
منكها الحرم شترىد \* اسمع هضل لها اووىد \* بىن امى وطنه ابعد  
وصبحنه غرب ىحسین و الگوم ابثواىاها

\*\*\*

گالها اگصدت لىهم و منهم خابت اضنوى  
اباع لب ن مرجانه و طىع اىزىد ىردونى  
ولو عىت ىا زىنب نىتھم ىكتلونى  
وعزمى بىت حىدر صار \* اسجر بلحروب النار \* ما ىنحمل ىختى العار  
منه الموت اهونلى و حى الله ابمناىاها

\*\*\*

گالتله ىبو الیمه ىخویه اشلون چا بینه  
من تنچتل با المىدان عگبک من ىحامینه  
گوم و حمل اضعونك و سدر للوطن بینه

ما نكدر الذل اليسر \* والگوم عدوان الكفر \* يسبونه من كتر الكتر

يخويه الحرم ما تنهاب لمن تفگد الوليان

\* \* \*

يطمع بيهن الطماع من توليهن العدوان

سوي الهل الحرم چاره گبل ما تطب للميدان

لا يبگن اخلافك غرب تنحب ومكسوزة گلب

ودموعها اعلى الخد تصب

\* \* \*

### في نزول الحسين عليه السلام كربلاء

اودعت غالب وطن هاديا بأمر باريا

شالت ابليل وگطع حاديا بأمر باريا

\* \* \*

ليش غالب من وطنها ابليل شالت بالضعينه

وخذت وياها حرمها وعافت اديار المدينه

بالضعن عباس يحدي ورايته اتمرف ابيمينه

لاوين شايل هلضعن بي حافه اليوث الطعن

ظل ينحب عليها الوطن وشابح اعلى الضعن عينه

ليش الغوالب سارت ابهل الليل على اظهور الخيل

گالو هتف دين النبي بيها ابأمر باريا

\* \* \*

اشلون يرضون الغوالب دين جدهم يظل وحده

يستغيث امن الاعادي ولا يصح عوان عنده



عهد منطي حسين لجله      وليه رايح يوفي عهده  
 ماخذ عمامه وخوته      تفدي الرگاب النصرته  
 ايداويه من دم رگبته      حتى يحي الدين بعده  
 احشم عمامه احسين ونصاره      وگامت الثاره  
 وگصدت لعند اجيوش اعاديها      بأمر باريتها

\*\*\*

گام يحلف بالولايه      حسين من مدت اضعونه  
 يو علم يرفع الدينه      يو يضحى ابروچه دونه  
 گامت اهل الشيم تحدي      وشابحه اعليهم اعيونه  
 لمن وصل طف كربلا      ونزل اضعون اعويله  
 گامو بني عمر العله      على الموت ايباعونه  
 هاجت وبسم الدين نخواها      حين نادها  
 وسلت بني هاشم مواضيها      ابأمر باريتها

\*\*\*

حين صدت للروايه      زينب وشافت الخيمه  
 بالوجل هيس گلبها      وگبعت ابثوب الهضيمه  
 قصدت الخيمه وليها      شافته ابذروه الخيمه  
 قاتله والمدمع يصب      بالنايبه حس الكلب  
 وحنه يبو اليمه غرب      والخصم طاح ابخصيمه  
 هاي الروايه اللي لفت لينه      ودارت علينه  
 ما ذكرتها وما تحاچيها      ابأمر باريتها

\*\*\*

غرب يبن امي صبحنه      ودارت العدوان بينه  
 خاف نستيسر عگبكم      واليسر يصعب علينه  
 حمل اضعونك يخويه      وبينه سدر للمدينه

خافن عگبکم ننولي      وافگد عمامي وکل هلي  
ولا يظل من عدکم ولي      يرد عنه اليعتنيه  
هاي الودايع وين منواها      اخلاف ولياها  
عدمن عگب عينك نخليها      بأمر بارياها

\* \* \*

هم يظل منكم شريده      الهل الحرم يجمع شملها  
يو تخلوها غريبه      وحايه الام ابطفالها  
من سمع زينب وليها      لا يبت حيدر يگالها  
ما يظل عد مطفل طفل      وتحير بيه وتنشغل  
كلها يزيب تنچتل      والخيم تخله امنهها  
لابد يزيب تخلص اطفالي      وتنسبي اعياي  
وهاي الضحايه اللي تشوفيا      بأمر بارياها

\* \* \*

ما الهاي الحرم غيرچ      يبت حمای الحميه  
انتي باريهن يزيب      لو مشن عگبي سبيه  
کلچن تروحن سبايه      وحنه نبگه اعلى الوطيه  
نومه نظل فوگ الشره      بالدم جثته امعفره

ايض المواضي امودره

\* \* \*

بعد شحچيلچ يزيب      من مصايينه وهضمنه  
شفتي ميت يظل عاري      ولا يصح واحد يدفنه  
ناده زينب يخويه      ريت كل الكون يفنه  
تبگه ثلاثه ابلا دفن      وبگه عگب عينك تظن

ويطبگ العيني جفن

\* \* \*

ريتنى يحسين عميه      ولا اشوفك على الوطيه  
اموزع ابيض المواضي      ونته على الغبره رميه  
وبگه من بعدك ذليله      ومشي على الهزل سبيه  
نمشي على الهزل يسر      وطوف بينه اهل الغدر

يحسين من كتر الكتر

\*\*\*

استعلام الحسين عليه السلام بقتل مسلم بن عقيل

لمن ودعت عدنان      طيبه اوگبر هاديها  
شال الضعن عنها ابليل      واظلمت نواحيها

\*\*\*

شال امن المدينه حسين      بضعونه وگطع بالبر  
حتى الناس لا تسمع      واعلى الحرم تتفكر  
غدت نوگ الضعن تعدي      ويعدي اويهاها المگدر

هاشم راجبه اعلى الخيل \* من عدها الدموع اتسيل \* ليش حسين سار ابليل

عادات البدور اتسير      وتغيب ابلياليها

\*\*\*

ما بين الهجن تعدي      وجادم على الضعينه حسين  
وهاشم دايره عليها      مثل دور الجفن على العين  
حداي الضعن يحدي      او يتلفت يسار ايمن

لن ذلال بسالبيده \* رايه امن الحزن بيده \* صاح اوصيخته امچيده

المن هل الهجن تعدي      اوين ايريد حاديها

\*\*\*

قالوله الضعن لحسين      گاصد بيه للكوفه  
 ابهونك صاح يالحادي      لمن عيني اتشوفه  
 دلوه اعلى ابو اليمه      اوحب رجليه وچفوفه  
 صاح اويهل دمع العين \* ناوي اهل الزمل لاوين \* سدر بالضعن يحسين  
 مسلم غدرته الكوفه      وابن زياد طب ليها

\* \* \*

لمن سمع مسلم راح      سالت دمه عيونه  
 وصاح ابناو الخيام اهنا      ونزل بيهن اظعونه  
 گاموا هاشم اينوحوون      والمسلم يندبونه  
 وابو السجاد وياهم \* ابداك النوح واساهم \* لمن هود ابچاهم  
 عاين ليهم ابعينه      اوقام ايسيل جاريها  
 قاللهم يهل بيتي      ونستم يالتبعوني  
 مسلم غدرته الكوفه      وبها الناس خانوني  
 ردوا يخوتي منا      اوويا القوم خلوني  
 بعد هيات ارد انه \* وديني ابين عدوانه \* ما ياجد العوانه  
 منطي اعهود للباري      واريد ابكربلا اوفيهها

\* \* \*

گامت تضرع الوادم      من عشره ومن عشرين  
 ما ظل بلخيام اوياه      غير انصاره السبعين  
 لمن راحت الغربه      دار اعلى اهل بيته العين  
 گاللهم يهل بيتي \* اعرفتوا مقصدي ونيتي \* عليه هانت امنيتي  
 لابد للطفوف امشي      اوعلت الدين اداويها

\* \* \*

وانتم يا بني عمي      خذت من عدكم الراده

مسلم راح من عدكم      اومسلم عين القلادة  
ردوا يـخوتي الطيبه      وخذوا اويـاكم اولاده  
كفاكم چتل مسلمكم \* علي عزت فـجيدتكم \* روحوا ابقوا ابثـيتكم  
غيري اعداي ما يردون      وانه المـعـتني ليها

\* \* \*

من سمعت بني هاشم      حـچي احسين سيدها  
يـريد الكـربلا يظـعن      وهـيه اليـثرب ايـردها  
سلوا بيضهم كلهم      وكـسروا كل مـغامدها  
هاجوا هيـجت المشـبل \* گاموا والدموع اتـهل \* صاحوا ببواليمه الكل

\* \* \*

عنك چه نرد يحسين      واضـعونك نـخليها

\* \* \*

نريد اليـثرب انـسدر      اوكلـمن يگـعد ابداره  
اويـذهب ثار مسلمنه      اوـتغـمض عين فـجاره  
لا والمـرتضى عودك      اوـضـلع امك اوبـسماره  
عنك لا تظن انرد \* حمل بالـضـعن وارشد \* وين اليـ تريـد اگـصد  
كل ارواحـنه دونك      يـبـو السـجـاد نـفـديها

\* \* \*

عنك من نرد يحسين      بيـنه النـاس شـيـگولون  
عافوا ضـعن سيدهم      حـتى امن الـچـتل يـنجون  
بالذل نـگـبـع اخلافك      يـبو الـيمه عليـك ايـهون  
چه نمشي وتظل هناك \* مفرد بين جمع اعداك \* هاي اخوانك الوياك  
من تنچتل بالميدان      يـاهـو اللـي يـحـامـيها

\* \* \*

عرف نيات اهل بيته      اونيت البگه امن انصاره  
وهو من عالم التكوين      كلمن يعرف اسراره  
جزاهم خير عن دينه      ودمع العين يتجاره  
گام الخيمة اعياله \* ومنه العين هماله \* زينب شافها اگباله  
گاللها حميده وين      يسختي اساع جيبها  
\* \* \*

جابتله حميده اوگام      بيده ابراسها يمسح  
تجري دمة اعيونه      ونار الحزن بي تگدح  
گالتله يبو اسكينه      علي چنه اليتم لوح  
من شفتك ابراسي امسحت \* باليتم والذل هيست \* چني امن ابوي اتيتمت  
\* \* \*

گاللها يبعد اهلي      يعمي والذچ أنه  
ونتي المهجتي سلوه      اولعد الروح ريسحانه  
لمن سمعت العيله      غدت تصرخ ابصيوانه  
ييجي اعلى حاله او غربته \* او من عقب هضمه اوچتلته \* بالحبل جروا جثته  
يبدو طاهر يچتلونك      ابديرت غرب تاليها  
\* \* \*

### مكالمة الحسين مع الانصار

يا وطن غالب من وطن جدها      وليه مگصدها  
گالوا الدين انتة ايسيدها      وليه مگصدها  
\* \* \*

ليش غالب من وطنها      ابليل مدت بسالضعينه

اوخذت وياها حرمها      وهجرت اديار المدينة  
 بالضعن عباس يحدي      ورايته اترف ابيمينه  
 لاوين شايل هلضعن      بي حافه اليوث الطعن  
 عليه ظل يبجي الوطن      وشابح اعلى الضعن عينه  
 گالو هتف دين النبي بيها      ارد احاجيها  
 وراحت تنصره ابأمر ماجدها      وليه مگصدها

\*\*\*

اشلون ابو السجاد يرضه      دين ابوه ودين جده  
 يستغيث امن الاعادي      اويظل بين اعداه وحده  
 عهد منطي حسين لجله      وليه رايح يوفي عهده  
 ماخذ عمامه وخوته      تفدي الرگاب النصرته  
 ايداويسه من دم رگبته      حتى يحي الدين بعده  
 حشم عمامه حسين ونصاره      وگامت الثاره  
 وسويوفها كسرة مگامدها      وليه مگصدها

\*\*\*

گام يحلف بالولايه      حسين من مدت اضعونه  
 يو علم يرفع الدينه      يو يضحى ابروحه دونه  
 گامت اهل الشيم تحدي      وشابح اعليهم عيونه  
 لمن وصل طف كربلا      ونزل اضعون اعويله  
 گاموا بني عمر العله      على الموت ايباعونه  
 هاجت وبسم الدين نخواها      حين ناداها  
 وسفرت هاشم عن سواعدها      وليه مگصدها

\*\*\*

نهض لجل الدين نهضه      مانهض واحد مثلها

اله داحي الباب عوده      والنسبي سيد رسلها  
 لون ما ينجتل دونه      الناس ردت كفر كلها  
 چا ردت الوادم كفر      ليزيد من صار الامر  
 لاچن شبل فارس بدر      للخلگ بين جهلها  
 گلهم لفيت الطاعت الباري      وهذي انصاري  
 للدين باري الكون رايدها      وليه مگصدها

\*\*\*

ما لفينه الهل الثنيه      اندور عليكم زعامه  
 لاچن انريد النبوه      تثبت ونص الامامه  
 يو نشب بالحرب ناره      والكفر نسعي ابعدامه  
 يو نمسي على الغبره خذم      ولا يظل سالم بالخيم  
 ونرفع الدين الله علم      والربح يوم القيامه  
 ليكم لفيت ابهلي او بحبابي      وخلص اصحابي  
 غير الوفه الهل الدين ما عدها      وليه مگصدها  
 اشلون صفوه اختارها الله      وبها شيد علم دينه

\*\*\*

وعتنوا للموت عنده      وعافوا اديار المدينه  
 حموا دين الله ورسوله      وجاهدوا دون ابوسكينه  
 لمن هوت فوگ الثره      ابيض المواضي اموذره  
 وبفيض دمها امغفره      وبواليمه اتشوف عينه  
 لاچن الباري شكر مسعاها      ابكثر بلوها  
 واثنه عليها وگام يحمدها      وليه مگصدها

\*\*\*

راح ابو السجاد ليهم      وهم نومه اعلى الوطيه



گام يتلهف عليها      ويعتب اعلى اهل الحميه  
ليش عسفتوني يخوتي      وحيد بين اجيوش اميه  
لحد يفرسان الحرب      ظلت ودايعكم غرب  
ودموعها عليكم تصب

\* \* \*

بالخيم ظلت حرمكم      تنحب وتعتب عليكم  
ادري موهين عستها      لچن يكرام اشبديكم  
هنا امر الله عليه      وفتك سيف الغدر بيكم  
حاير تراني يخوتي      ابهاي الحرم وبگبلمتي  
وتجري عليكم دمعتي

\* \* \*

والله موهين عليكم      بين عدواني وحدثي  
وانه فرگاكم هضمي      وسچب فوگ الخد دمعتي  
الموت اهون لي يخوتي      والشمر يگطع رگبتي  
ولا شوف بعيوني الحرم      تتصارخ ابهاي الخيم  
ودري العده مبهم رحم

\* \* \*

ادري تولىها عگبنه      والعواد اتدوس حدها  
\* \* \*

## في خطبة الحسين عليه السلام على الانصار

من وصل ظعن ابو اليمه او خيم ابوادي الطفوف  
جرت الكوفه اعلحربه او جردت بيض السيوف

\*\*\*

حين شاف الگوم اجته او غير چتله ما ترید  
يو يمد ايده او يبایع لبن مرجانه او يزيد  
لم الانصار او عمامه او گام يخطبها العميد

صاح لعيون الطليعه  
خاننت الوادم البيعه  
اوشحنت افجوج الوسيه  
ولزمت اعليه الشريه  
اتريدني ليزيد اطيعه

او من ابايع بدر هاذ الدين يركن للخسوف

\*\*\*

ملها غير الحرب عندي والمواظي السمير  
ونتو عالخير اعتنيتو لا على احتوف الجمر  
اليريد ايروح خله ايروح يسلم بالعمير

وانه خلوني اتم وحدي  
ملها غير السيف عندي  
وحمي عزي ودين جدي  
وبنچتل ما دون حدي  
وتبگه هاي الحرم بعدي

بالهضيمه وبالمذله وتنسلب منها الشفوف

\*\*\*

حين سمعوه الهواشم گاموا بوجه الحسين  
لاچن العباس مسغضب ولمشعشع باليمين  
صاح وين انروح عگبك يا ضوه اعيوني لوين

لا وحق عودك وجدك  
ما نروح وتظل وحدك  
لو تمد ليزيد يدك  
حتى نخلص دون جدك  
وشتقول الناس بعدك

من نروح وتظل وحدك - ناير ابين الصفوف

\*\*\*

من عگب ماچت هاشم گامت انوب الانصار  
حدود بيض المواضي والدمع يسچب اعبار  
صاحوا احنه اليوم نفدي احسين دونك هلعمار

اشلون يا روح الزچيه  
نعوفك ابهاي الثنيه  
وحيد بين اجيوش اميه  
وهيه فد مره المنيه  
اي وحگ سيد البريه

ننچتل لوالف مره مالعد شخصك نعوف

\*\*\*

حين سمعتهم لفتهم زينب اتطیح وتگوم  
وگفت باب المخيم ونت وصاحت يگوم  
هلتن هلله ابهرمكم يا نشامه ويا گروم

لا تـخلوها غـريبه  
بين مهضومه وحريره

امحيره ابذل المصبيه  
ادموعها علخد سچيبه  
خاف لن تصبح سليبه

وليسلبوها عداها بيها هيهاتن نروف

\*\*\*

من سمع زينب تنادي گام ابو فاضل الطود  
صاح يا زينب ابهونچ يختي گليچ خل يهود  
اشلون يختي يخاف گليچ وانه حي وبلوجود

گامو النوبه الهواشم  
رمو علگاع العمائم  
جر دو بيض الصوارم  
صاحو اتخاف الفواطم  
وكل فرد من عدنه سالم

لا وحق عودچ يزيب لا تروعيچ هلالوف

\*\*\*

أمنو كلهم گلبها وبره امن الهم والولم  
وحدت الباري وردت قعدت ابخدر الخيم  
وين عنها اليوث هاشم ولنصار اهل الشيم

يوم عاشر من ولوها  
من عگب ما طاح اخوها  
حين گامو يسلبوها  
وبالصياط ايلوعها  
وعلى الناگه من خذوها

وگامت اهل الغدر بيها ابديرت الكوفه تطوف

\*\*\*

## في مكالمة الحسين عليه السلام مع الانصار

يستغيث احسين بسمك گوم يا حامي الحمه  
جرت اعليه الروايه اودارت اعلى مخيمه

\*\*\*

جرت اعليه الروايه اوگامت الحربه ترف  
مثل مجره السيل لاجن جادم اعليها الحتف

دارت اعلى اخيام شبلك يا على سبعين الف

وسدت افجوج الوسيه

ولزمت اعليه الشريعه

اتصيح لمر ايزيد طيعه

اوغدرت الكوفه ابوعدها او على الغدر متعلمه

\*\*\*

حين شاف الگوم اجته او شاهره اسيوف الحرب

وخيمت فوگ الشريعه ولزمت اعليه الدرب

عاين اصحابه او عمامه اوگامت ادموعه تصب

صاح يليوث الحرايب

جرت اعليه النوايب

شنهي نيتكم يغالب

ونتو يصحابي او يگومي الحرب يو لمسالمه

گامو اليوث الحميه اوكلهم ابوجها انتخوا

اوجردو بيض الصوارم من عگب ما فرعو

جاوبوه الحرب يحسين اوبالذل ما رضو

من سمعهم جرت عينه

وصفق يسراه ابيمينه

صاح يلىوٲ العرينه

افراگكم يصعب عليه او تظل روهي امولمه

\*\*\*

گام منهم للمخيم لاجن المدمع جره

جاب منه اثلث روايه اوبيده عدل عسكره

وحده سلمها الزهير اوگفه اعلى الميسره

والحبيب انطاه وحده

اوگفه اعلى اليمنه بعده

ونده ذخره اوتاج مجده

وين ابوفاضل عضيدي الليث راعي الغانمه

\*\*\*

دونك الرايه ابيمينك وگف بيها اعلى الگلب

وصير لرحه الحرب بيها اليوم يعضيدي گطب

وعن اخوك اچشف الكربه بين چشاف الكرب

اليوم يومك يا شفیه

يا ضخر حامي الحميه

هَذَا يَوْمِ الْغَاضِرِيه

وعودك الكرار رادك لعدهاي الموزمه

\*\*\*

من سمع عباس حچيه انتهض اوعلها جدم

شالها ابيمنا اوهزها وبها حدر للسخيم

صاح يا زينب العينچ خلها تمن هلحرم

هلهلٲ زينب لخواها

اوگامت اتحشم ابن ابوها  
آه يـيوم الى سـبـوها  
وين چان الفحل عنها اولاً حماها ابصارمه

\*\*\*

### العليلة وكتابها

هذا امن العليه اكتاب  
بي تشرح لبوها افراگ الاحباب هذا امن العليه اكتاب

\*\*\*

من طلع من وطن طيبه	ضعن سادات البريه
ونزلوا بمكه وعگبها	مشو لرض الغاضريه
ظلت تنوح العليله	وموحشه اعليها الثنيه
الهافلا طبگ جفن	وتنوح علفرگه وتون
متگبعه ابثوب الحزن	على افراگ اهل الحميه

### تبجي الفرگه الغياب

وكل يوم اليمر ايزود المصاب هذا امن العيله اكتاب

\*\*\*

تطلع وعلى الدرب تقعد	تنشد الركبان عنهم
وين ما تدري بهلها	ابيا وطن نوح ضعنهم
لاخبر منهم لفاها	ولا رساله لفت منهم
ظلت مدامعها تصب	ومكسور من عدها القلب
شابح نضرها اعلى الدرب	تعود اهاليها تضنهم

ضنها من الاهل من خاب

وردت هالرساله امحمله اعاتاب هذا امن العليله اكتاب

\*\*\*

من وصل خط العليله  
گام ابواليمه الخواته  
دارن اعليه الفواطم  
من عاينن خطها بچن  
يقره وهن يتصارخن  
وعرف مضمونه وهضمها  
وگعد بالصيوان يمها  
لاچن ايلهجن بسمها  
ودموع ابو اليمه جرن  
وعلى العليله زاد همها

بچن والدمع سچاب

وحده امن الحرم صارت بلطناب هذا امن العليله اكتاب

\*\*\*

تذكر الهم من عگبهم  
من السهر عمت اعیوني  
ليش هيچي اگطعتوا بيه  
دمعي اعلى فرگاكم يهل  
خوفي اعلى عبدالله الطفل  
يا هلي ما نمت ليله  
وامست اعضامي نحيله  
وانه وجعانه وعليله  
ونار البگلبى تشتعل  
من يباريه ويشيله

گلبى اعلى الرضيع انعاب

وراسي اعلى افراگه امن الحزن شاب هذا امن العليله اكتاب

\*\*\*

طفل ربيته اعلى سدري  
ودري ما يحمل اذيه  
خاف لن تنساه امه  
يو ينقطع عنه الورد  
يو واحد اعليه يعتمد  
وروحى لفراگه مريبه  
والدرب حمره ولهيبه  
ويجف من ثديه حليله  
ويذوب من عنده الچبد  
بالسهم نحره يصيبه

احسب للرضيع احساب



خاف ايصير دم نحره اله اخضاب هذا امن العليله اكتاب

\*\*\*

لون عينيچ يالعليه اتشوف  
العطش من يبس السانه  
يطلب اميه الرضيعه  
ناداهم ودمعه يهل  
هذا چيد سيد الرسل  
والعطش غير احواله

ماعدكم شرف ونساب

من شان الرضيع اترحمه الاجناب هذا امن العليله اكتاب

\*\*\*

ليه طلع حرمله الظالم  
وبيه ابوه حسين سدر  
طلعت امه اتصيح يبني  
يرمونك ابهذا السهم  
بالسهم طوگ رگبته  
للخيم تجري دمعه  
يا ذنب قلبي العملته  
گليبي يعبد الله علم

ما ترد سالم للخيم

ومن اديه تروح يبني  
وظل من عقبك ذليله

\*\*\*

في حق مسلم بن عقيل

مسلم لاح ظهر الغوج  
رايد ياخذ البيعه  
والكوفه گصد ليها  
لحسين امن اهاليها

\*\*\*

هتف دين النبي بسمه او منه اشلون يتعذر  
او عمه البالضنك مندوب وهو الليث المشكر  
شد العزم بالله او سار من مكة او گطع بالبر

لاچن تم ابو اليمه زايد بالكلب همه  
يهل دمه اعلى ابن عمه  
يدري ابغدره الكوفه او يعرف كل مخازيها

\*\*\*

وصلها او خط ابو اليمه قراه الخالص الشيعه  
مسلم ليكم اتعنه منكم ياخذ البيعه  
اليطيع امري لبن عمي يوده اولمره ايطيعه  
اوصيكم او طيعوني بمسلم گرة اعيني  
منه لا تخيبوني

غريب ابداركم يمسي اولا يندل محاريها

\*\*\*

لمن سمعو المكتوب صار الهم بواجبي ويد  
او كلهم بايعو مسلم او گامو يسبون ايزيد  
گالوله يمسلم عاد من عندك اليوم انريد  
تكتب لعد والينه يعجل بالسفر لينه  
حتى يظلل اعلينه

او دين المصطفى جده او كل السنن يحييها

\*\*\*

كتب مسلم لبو السجاد عجل بالسفر هالحين  
بالكوفه الك شيعه الغيرك ما تود يحسين  
لمن وصل مكتوبه قراه او جرت منه العين  
صاح ابصوت يا عدنان اريد اضعن لعد كوفان  
گومو ركبو النسوان

وانته يا گمر عدنان لختك گوم بارها

\*\*\*

تم مسلم على هالحال بيها يامر اوينها  
وعلى الخير والطيبات يرشدها اويعلمها  
للكوفه لفه بن زياد ونكلبت عليه كلها  
ظل مسلم يدير العين ما يدري الوجه لاوين  
يتلفت يسار ايمين

لعد ياكتر ما يدري بطل حيلي ينويها

\*\*\*

گامت تسري اجدامه لمن جابته الطوعه  
وگف عالباپ متحير اونار الهظم بظلوغه  
طلعت شافت على الباب مسلم تسچب ادموعه  
صاحت والگلب مرتاب شنهي وگفتك عالباپ  
انشدك ماترد لي اجواب

\*\*\*

اومسلم خنگته العبره اولايگدر يحاچيها  
گالثله يها لموجب ما تحچي يغاتي اوياي  
روحي صارت ابريه تراهي من وگفتك هاي  
رفع راسه اوصد ليها اوگاللها اريدن ماي  
ردت للوطن طوعه او مسلم ماسكن روعه  
تشوفه يسچب ادموعه

وايات الصبر كلساع يم الباب يتليها

\*\*\*

من شافته ابها الحاله عليه انكسر خاطرها  
جابته جدح بي ماي لاچن يهل ناظرها  
شرب مسلم اوتم موجب والروحه يباصرها

يشوف الناس مشتدين واهله عنه بعيدين

لاچن خايف اعلى احسين

ليها يحمل اظعونه او هاي الناس تاليها

\*\*\*

گالتله شربت الماي روح الهلك يا چبدي

شوف الناس مشتده مدري عليهم اشيدي

گاللاها يها لحره بحيكم اهل ما عندي

بدارچ ما تضيفيني سواد الليل خليني

تراني الهظم ماذيني

او بالمحشر اكف دونچ او طبياتچ اجازيها

\*\*\*

گالتله بهذاك اليوم يا هو انتة او تگف دوني

مسلم صاح يا طوعه او كل الناس غدروني

لظمت عالوجه وتصيح طب للدار يعيوني

فدوه تروحلک طوعه او گامت تمسح ادموعه

لمن سكنت روعه

يمسلم خانتك هالناس ريت الله يعايبها

\*\*\*

عن احسين سولفلي يغاتي او گلي اشلونه

يگلها ابعتت ليه مكتوب اوليهم حمل اظعونه

وخافن يصل للكوفه او مثلي هم يخونونه

يطوعه خايف على احسين وياه اطفال ونساوين

ما ادري وصل لاوين

حتة اخبارها الها الناس اکتبها او اوديها

\*\*\*

تم مسلم هناك الليل لاچن الفجر من صار  
لن ويد الزلم والخيل كلها هجمت على الدار  
سل سيفه اوطلع ليها اوخلاها الفحل طشار  
بس طوعه تهلهله دمعه المسلم اتهله  
يغاتي وحدك اتگله

تمنيت اخوتك يمك وتجرد مواضيها

\*\*\*

المحشم غده ايحشم اوخيل او زلم غارت ليه  
مثل دور الجفن عالعين دارت بطل حيلي اعليه  
چتفوه او خذو سيفه لبن از ياد راحو بيه  
آمرهم يذبحونه ومن الكصر ير مونه  
او سوو بيه اليردونه

شدت بالحبل رجله اوگامت تجر واليها

### في حق مسلم بن عقيل ؑ

مسلم ظل يدير العين لمن خاتته انصاره  
ما يدري الوجه لاوين بس يجول بفكاره

\*\*\*

يمشي وفلك فكره ايدور گام وتسچب ادموعه  
بأيات الصبر يگره ونار الهظم بضلوعه  
لمن جابته اجدامه الدار الطاهره طوعه

تم ابابها محتار \* والليل اعلى مسلم صار \* طوعه طلعت امن الدار  
شافت واحد اعلى الباب لاچن تسطع انواره

\*\*\*

گالتله يماي العين شنهي وكفتك على الباب

روح الهلك يعيوني من عندك دليلي ارتاب

گاللها اريدن ماي جبدي من ظماہ انعاب

گالتله يبعد اچلاي \* يا مسهل طلبتك هاي \* جابتله جدح بي ماي

گام امن الجدح يشرب ومنه الروح محتاره

\* \* \*

گالتله شربت الماي ارشد يبني ابنيتك

شنهي وكفتك على الباب ومن الماي رويتك

هذا الليل جن اعليك يوليدي اگصد البيتك

موجب لاتظل على الباب \* عليه امن الخلك ينعاب \* مالك ما تردلي جواب

اشوفك مورب وخايف ودمعك ليش يتجاره

\* \* \*

گاللها غريب انه وضنچ ما تعرفيني

وجازيچ ابهذاك اليوم عندچ من تخليني

يماي العين يا هو انتہ گالتله تجازيني

گاللها وتهل العين \* مسلم وبن عم احسين \* عليه دارت الصوبين

خانت بيعتي الوادم وكلها اصبحت غداره

\* \* \*

لمن سمعت ابمسلم گامت على الوجه تلطم

تگله الناس خانوا بيك اويلي عليك يا مسلم

دوك الدار طب ليها وبها ترید اتسيتم

تگله وتمسح ادموعه \* فدوه اتروحلك طوعه \* لمن سكنت روعه

تگله ضعن ابوالسجاد گلي اشعندك اخباره

\* \* \*

يگلها بعثله اکتاب      وترکب علی اضعونه  
وگلبی خایف علی احسین      من یوصل یخونونه  
یطوعه او یا حرم واطفال      ومسخدر ومأمونه  
من ینچتل ماجدها \* الیثرب بعد شیردها \* یطوعه الله یساعدها  
لمن تفگد الوالی      وتمشی اویه العده ایساره

\* \* \*

تم مسلم سواد اللیل      لاجن الفجر من طر  
لمن یسمع صهیل الخیل      یم الباب والعسکر  
جذب سیفه وطلع لیها      ولذاک الفزع طشر  
گام ابشوسها ایخدم \* وطوعه اتهلهل المسلم \* یا غاره العلیه تجدم  
بسمای جبل علیها      تسدر شارده الغاره

\* \* \*

علی حربہ اتاخنت الکوفه      ودارت علی الحریب الكل  
بس طوعه تهلهله      وسیفه ابروسها ایهلهل  
گامت تصعد النسوان      والصبیان علی المنزل  
یوجون الگصب بالنار \* یدبونه علی المغوار \* ظل ما بینهم محتار  
مدری ایرد کتایبها      یویطفی الگصب ناره

\* \* \*

یویلی کثرت اجروجه      ومن عدهن نرف دمه  
ضعف حیه ولا تمت      بعد بی للحرب همه  
امان انطوه عدوانه      وصارت علی الفحل لمه  
من مسلم اخذوا امرهفه      وخانو امانه اهل الجفه  
وبالحبل خصمه چتفه      ابقر الاماره وگفه

\* \* \*

لاچن تهمل عيونه	وگف جدام نغل ازيباد
المثلک من یچتفونه	یگله ما یهله دمه
البچه اعلى حسين وضعونه	صاح ابچاي مولجلي
وضعون اخوتي المجبله	ابچي على حسين او هله
ودري اشيصير ابكربلا	جابت اويهاها العايله

\* \* \*

لعله القصر بيه ابساع	صاح اصعد يبن حمران
ورميه اعلى وجه الكاع	وگطع رگبته بالسيف
يعاين والگلب مرتاع	صعدوا بيه والطيبه
وناده يبن عقد الوله	سلم على حسين وهله
وبالك تطب الكربلا	سدر اضعون العايله
وصارت على الفحل داره	گطعوا رگبته وذبو

\* \* \*

### في حق مسلم بن عقيل

مسلم تعنه الجيمت اهل الكوفه

يشبه الكرار	مشهر البتار
ويطشر اصفوفه	من يگصد الجيش

\* \* \*

ولمذهب يشع بيده	طلع من الدار محرب
يرعد ويصدق رعيده	زلزله وعلى القوم حدر
صارت الشرده بعیده	صاح وين المفر عني
وعيونه تتواگد جمر	گام اعلى جيمتهم يکر



اتولاهم ابي سيفه طبر والنعم والد حميده  
كور الخيل وذبحها على المردوفه  
خله الدمه اعبار يشبه التسيار  
يعجز اسكندر من يريد ايروفه

\*\*\*

يشد گام اعلى الكتيبه وطوعه من خلفه تهلهل  
ذكر الوادم ابعمه اعلى الحزم من گام يحمل  
وده لبن از ياد الشعث بالمدد والخيل عجل  
مسلم على العسكر غضب وحطم صناديد العرب  
راواهم ابحر به العجب ليث چنه وهاج مشبل

مسلم حجر سجيل ترمي اچفوفه  
وظلم النهار من كثر الغبار  
وعين الشمس غدت مكسفوه

\*\*\*

چنه ملج الموت سيفه والقدر مسلم اسلاحه  
بيت ما خله ابنزلته اله ما حط بي مناچه  
هجت اهل الخيل منه وكبر العسكر اصياحه  
لوح ابعيناه الغضب من شاف فرسان العرب  
سيفه ابجامها خطب لاجن ابدع بالفصاحه

چا من ابمصامه القدر وحتوفه

سيفه ولقدار عدهم جسم صار

قبض الرواح ايينهم منصوفه

\*\*\*

عجب الوادم ابحر به وذكر الوادم ابعمه

انكلبت الكوفه اعلى حربيه      وكل فزعهم ما يهمه  
ايطشر العسكر ابسيفه      ورمحه للعسكر يلمه  
كلبه ابحربهم ما يهم      ظل ينكد اعيون الزلم  
يطشر وبالعسكر يلم      وخضب العسكر ابدمه

ذكرهم ابصولة على الماصوفه

خلاها طشار      والجيش محتار

ما يگرب الحربه بعد من خوفه

انجست اعليه الحرايب      ودعت الكوفه اعلى حربيه  
بالرماح وبالمواضي      وبالحجر گامت تضربه  
والفحل يطرد وراها      وخايف امن الغدر گلبه  
خايف دليله امن الغدر      يدري ابهم جيمة كفر  
دارت عليه من كل كتر      وچلچلت كلها اعلى دربه

بلده وزلمها بالغدر معروفه

ما بيهم احرار      انذال واشرار

والغدر هيات الانذال اتعوفه

\*\*\*

من حرب مسلم وباسه      گالو اشلون البصيره  
گعدت الناس اعلى دربه      وحفرت المسلم حفيره  
من گصدهم وگع بيها      وظل ابو طاهر ابحيره  
وتناخو اعليه العده      ونطو امان اهل الرده

وخذوا منيده امهنده

\*\*\*

طلعوه امن الحفيره      وچتفوا يمينه اليساره  
وراح ابو طاهر يسير      اوياهم القصر الاماره

طب على ابن زياد لاچن دم اصاوويه ايستجاره  
من شافه سايح بالدمه اتشمت ابخاله وشتمه  
وسب الفحل حامي الحمه

\*\*\*

### في حق مسلم بن عقيل

وين اليعتني العدنان وايحشم مساميهها  
مسلم غدرته الكوفه او ظل ما بين اهاليها

\*\*\*

وين اليعتني العدنان لاچن من يصل يمها  
مسلمكم بگه مختار بين الوادم ايگلهها  
للكوفه لقه ابن زياد وانگلبت عليه كلها

ظل مسلم يدبر العين \* ما يدري الوجه لاوين \* يتلفت يسار ايمين

غريب ابديرت الكوفه ولا يسندل محاربيها

\*\*\*

گامت تسري اجدامه لمن جابته الطوعه  
وگف على الباب متحير ونار الهظم بضلوعه  
طلعت شافت اعلى الباب مسلم يسچب ادموعه  
صاحت والگلب مرتاب شنهي وگفتك على الباب

انشدك ما تردلي اجواب

مسلم خنگته العبره ولا يگدر يحاچيها

\*\*\*

گالته يها الموجب ما تحچي يغاتي اوياي  
روحي صارت ابريه تراهي من وگفتك هاي

رفع راسه او عاينها او گاللاها اريدن ماي  
ردت للوطن طوعه \* و مسلم ماسكن روعه \* تشوفه يسجب ادموعه  
وبآيات الصبر يقره ويشكر نعم باريها

\* \* \*

من شافته ابها الحاله عليها انكسر خاطرها  
جابتله جدح بي ماي لاجن يهل ناضرها  
شرب مسلم او تم موجب والروحه يباصرها  
يشوف الناس مشتدين \* واهله عنه ابعيدن \* لاجن خايف اعلى حسين  
ليها ايحمل اظعونه وهاي الناس تاليها

\* \* \*

گالتله شربت الماي روح الهلك يا چبدي  
شوف الناس مشته او مدري اعليهم اشيسدي  
گاللاها يها لحره ابحكيم اهل ما عندي  
بدارچ ما تضيفيني \* تراني الهضم ماذيني \* سواد الليل خليني  
بالمحشر اگف دونچ او طيباتچ اجازيها

\* \* \*

گالتله ابهذاك اليوم يا هو انتة او تگف دوني  
مسلم صاح يا طوعه او كل الناس غدروني  
لظمت على الوجه وتصيح طب للدار يعيوني  
يغاتي لا تظل محتار \* طب واگعد ابهاى الدار \* هاي الناس بيها اشصار  
يمسلم خانتك كلها ريت الله يعايبها

\* \* \*

تم مسلم هذاك الليل لاجن الفجر من صار  
لن ويد الزلم والخيل كلها هجمت اعلى الدار

سل سيفه اوطلع ليها      اوخلاها الفحل طشار  
بس طوعه تهلهله      ودمعها المسلم اتهله  
يفاتي وحدك اتكله

تمنيت اخوتك يمك      او تجرد مواضيها

\*\*\*

اويلي كثرت اجروجه      او من عدهن نرف دمه  
ضعف حيله اولاتمت      بعد بي للحرب همه  
امانه انطوه عدوانه      اوصارت على فحل لمه

دارو عليه اهل الغدر \* وتواردو من كل كتر \* وياهم اخذو للقصر

\*\*\*

على بن زياد طب مچتوف      لاچن تهمل عيونه  
يگله مايهل دمه      المثلک من يچتفونه  
صاح ابچاي مولجلي      البچه اعلى احسين واضعونه

ابچي على احسين واهله \* واضعون اخوي المجبله \* الجابت اويها العايله

\*\*\*

صاح اصعد بين حمران      لعله القصر بيه ابساع  
اگطع رگبته بالسيف      ورمي جثته للگاع  
صعدوا بيه والطيبه      يعاين والگلب مرتاع  
صاح اودمع عينه يهل      يحسين سدر بالزمل  
للكوفه حين اللي تصل      يبن الوديعة تنچتل  
عدم لو رحت يحسين      نسوانك تخليها

\*\*\*

## كتاب الحسين عليه السلام الى حبيب

من شاف الجموع احسين  
وداله حبيب اكتاب  
گامت على الخيم تفتري  
حتى النصرته يحضر

\* \* \*

للكوفه بعث مكتوب  
يگله الناس رادوني  
اشرح حالته أو أمره  
او ودولي كتب كثره  
على افراگك يگلولي  
حسره انجر بثر حسره

عجل بالسفر عجل \* مدامعنه عليك اتهل \* وحنه يا حبيب الكل  
ابدن ما نرد ملهوف  
ومن الناس نتعذر

\* \* \*

احنه رحمة الباري  
بالشدات والكلفات  
اوتمت نعمته بينه  
نحضر للينادينه  
من يثرب طلعه ابليل  
والكربلا اتعنيه  
بسما وصلت اضعوني \* اهل الغدر خانوني \* اطيع ايزيد يردوني  
وخضع لبن مرجانه  
او عليه ايگوم يتأمر

\* \* \*

اشلون ارضه ابيات الذل  
وانه الممرتضى عودي  
وعلي الظيم امدايدي  
والهادي النبي جدي  
صارت على الحرب نيتي  
وغير الحرب ما عندي  
وريدك تعتني اعنايه \* توگف سور للثايه \* الجفك عگبت رايه  
اريدك من يصير الكون  
بيها اتصول يمشكر

\* \* \*

حبيب ايفكر ابداره  
يوصل للغريب اشلون

يدري ابنغل مرجانه      خلاله اعلى داره اعيون  
گامت زوجته اتگله      الوادم اسمع يقولون  
طب للغاضريه حسين \* اولعياله بنه اصواوين \* وظن طارش يجيك الحين  
يو مكتوب من عنده      عنه ايخاف تتأخر

\* \* \*

لن واحد يدگ الباب      من عنده الگلب مرتاب  
گام وطلع من الدار      مسرع ليه وفك الباب  
شافه امنوخ الناگه      ويده امن ابو اليمه اكتاب  
بسما شافته اعیونه \* تغير ونخطف لونه \* گراه وعرف مضمونه  
گامت دمعته تجري      وعلى حسين يتحسر

\* \* \*

گله اركب على الناگه      او روح اطلع امن الكوفه  
خاف اعيون نغل ازباد      يمي الشخصك اتشوفه  
اوگله اعلى الأثر انه      وحبلي السيدي اچفوفه  
ونظه احصانه العبده \* شد ابضهره العده \* گله ابغوجي اتعده  
وجيك اعلى الأثر انه      لون الشمس من يصفر

\* \* \*

من شافه حبيب ابعد      گام العبده اتعنه  
حر انته يگله اسدر      وخذ غوج الحرب منه  
يگله اهنا تخليني      ونسته اتسروح للجنه  
يعمه اوياك اروح الحين \* جاهد دون هذا الدين \* اريدانچتل دون حسين  
حتى اهناك يشفعلي      يعمي ابساعة المحشر

\* \* \*

اخذ سيفه ولبس درعه      ولاح ابظهر الخياله

وخذ عبده حبيب اويا      او وادي الطيف تعناله  
حسين ابخيمته جاعد      وعيونه اترباله  
لاچن گلبه اموجل \* ليش ابدر به اتعطل \* من شافه عليه اقبل  
صاح العمك اتلكاه      يبني يا علي الاكبر

\* \* \*

گام اوگامت الانصار      ويساه ايتلگونه  
لمن شاف شبل حسين      سالت دمه اعيونه  
ذب اعلى الارض روحه      حبيب وعاف ميمونه  
اقبل للغريب حسين \* يحب رجله ولچفين \* اشوفن زينب ايبا عين  
وانه اتعطلت عنكم      وبیکم داير العسكر

\* \* \*

رخصني ارد اصل يمها      اسلم واعتذر منها  
ودري اسا گلبها اشلون      خايف وردا امنها  
لمن وصل خيمتها      لعد زينب سمع ونها  
نادها وتهل العين \* يزيب بعد لتخافين \* مادام اخوتج حين  
ياهو اللي يصل يمج      وعلى الخيم يتجسر

\* \* \*

گالتله يعمي ليش      عنه اتعطلت لليوم  
وحنه بس وصلنه اهنا      غدرت يبو اليه القوم  
شوف الخيل والرايات      گامت على اخيمه اتحوم  
يعمي وخايفه اعياله \* وتبجي ابخيمته اطفاله \* عاين طفله اشحاله  
يعمي امن العطش چبده      ساعه اوذاب وتفطر

\* \* \*



## خطبة حبيب مع الانصار

الصيوان بن ظاهر لفت فرسانه

طبوا الصيوان      صاحوا يريسان  
انريدك لبو اليمه      تروح اويانه

\* \* \*

يا حبيب اسما سمعنه      اتريد سادته الغوالب  
تطب للحومه گبلنه      وتشب نيران الحرايب  
وحنه نحمل من بعدهم      حتى بدماهم نطالب  
ما ترضه للحومه تطب      جدامها انخوض الحرب  
چه لن يبن ظاهر غرب      وما يكلفون الاجانب  
وحنه بين ظاهر      لفينه اهنايه  
طلگنه الاوطان      وعفنه النسوان

حتى گبلهم بالحرب نتفانه

\* \* \*

اشلون نصبر والغوالب      تطب للحومه گبلنه  
وينچتل واحد تشوفه      وچفه من دمه ايتحنه  
وبالمعاره انشوف واحد      نايم ويجذب الونه  
ونشوف شيال العلم      على المشرعه جسمه خذم  
وتلوج بخيمها الحرم      هاي ما تنتسب انه

من يطب منهم واحد الميدان

ويوقع بلكوان      امگطع الذرعان

ايباعين منه انعاين الذرعانه

\* \* \*

گام بن ظاهر او یا هم      وعله فرسانه تجدم  
 حتی وصلو لبو الیمه      شافه جاعد بلمخیم  
 دایره اعلیه الهواشم      وقف وعلی احسین سلم  
 من شافه الحسین ابتم      وگلبه ابمگصدهم علم  
 عاین اوجوه اهل الشیم      شاف بیها الزعل وسم  
 آمر علیها او گعدت ابصیوانه

علیکم یشجعان      لیش الزعل بان  
 من من یفرسان      الحرب زعلانه

\*\*\*

گام بن ظاهر یقله      یا چبد سید رسلها  
 سمعت ترید الغوالب      تطب للحومه گبلها  
 شالها الغیظ اعلی هدی      حیث یا ینتسب الها  
 هاشم گبلها من تطب      ودور لهوات الحرب  
 یا چبد چشاف الکرب      اتگوم تحچی الناس کلها  
 اتگول العید جدم علیه معلانه

وبهای ننهان      وتفرح العدوان  
 وحنه یبو الیمه کثره عدوانه

\*\*\*

من سمع حچی بن ظاهر      گام عباس یتکلم  
 یگسله ما تگبل شیمنه      انصارنه علینه انجدم  
 کلف با الحومه حملنه      وشیله علی العوان یزحم  
 لو طبت اصحاب الشیم      وتصیر بالحومه خذم  
 وحنه نعاين با لخیم      عد جمیع الناس نندم  
 یقولون هاشم رضت بالعوانه

تخرم الجيمان      وظلت بلمجان  
اتعابن المنهم      يوقع ابميدانه

\*\*\*

### مكالمة حبيب مع الانصار

گام بن ظاهر يخطب ابصيوانه  
گلهم يفرسان      باچر الميدان  
من يجدم الحربه ويشب نيرانه

\*\*\*

لم بن ظاهر اصحابه      وگام يسخطب بلمخيم  
عگب ما مجد الباري      وعلى سيد الرسل سلم  
دار على الانصار عينه      وگام وياها ايتكلم  
گاللهم ابلهفت گلب      ودمعه اعلى ابو اليمه يصب  
ما بينه وبين الحرب      غير هذا الليل ماتم

عفتم منازلکم وجيتوا اهاناه

طلقتوا الوطن      وعفتم النسوان

المن لفتوا الكربلا عوانه

\*\*\*

جاوبوا كلهم لفينه      يا حبيب الهل الثنيه  
انريد نصر هلغريب      النزل برض الغاضريه  
حتى نرضي الله ورسوله      ونرضي حماي الحميه  
ما غيرها عدنه بعد      والله اعلى نيته شهد  
لتشوفنه جليله عدد      او لا يهكم جيش اميه

ما دامنه حيين ونته اويانه

ونطب للكوان ومطالگ الزان

شوف اشنسوي ابجيش بن مرجانه

\* \* \*

### خطبة حبيب مع الانصار

لم حبيب الشئم گومه او گام يخطب بالمخيم  
او مگصده الليث ابخطبته ايعرف نيت اهل الشيم

\* \* \*

صاح اناشدکم يگومي اشسبب جيتوا الکربله  
او عفتو ذيج الدور والعز والوطن ولعايله  
جاوبو کلهم لفينه النصرت احسين او هله  
ونتچتل ما دون حده او نحضه بديار النعم

\* \* \*

صاح چا يهل الحميه او يمن للحومه گطب  
خاف لن باچر يطيبين تشب نار الحرب  
يا هو اول للميادين يسل سيفه او يطب  
انتويو هاشم احچولي الحرب لو صار اوسقم

\* \* \*

حين ما سمعوه صاحو بين ظاهر وشتقول  
من تطب هاشم گبلنه اشنعتذر عندالرسول  
اول احنه اعللحرايب نشهر البيض ونصول  
حته دون الخيم نفنه ونمسي علغبره خدم

\* \* \*

او من عگبنه اتصول هاشم بين ظاهر علعه  
وبالسمر ولبيض تاخذ ثارنه امنهل الرده  
يا حبيب اشلون ترضه انشوف جته امدده  
من بني هاشم او نسمع صوت ولها امن الحرم

\*\*\*

ولمصاب الاشد زينب موجه اباب الطناب  
تسمع اشيحجي ابن ظاهر وشيردوله الج  
سدرت لاچن گلبها اتوجر ابناار المصاب  
مرت اعليخام هاشم تون والمدمع سجم

\*\*\*

شافت العباس جاعد لاچن ايحاجي اخوته  
ايگلهم الميدان باچر من يطب الحومته  
چن حبيب ايريد گومه اعلينه تجدم نيته

والحمل يوم الحرايب  
شيله يثگل علئجانب  
شنهي نيتکم يغالب  
گام الأكبر لچن يصرخ يابوفاضل يعم

\*\*\*

اشلون يعباس ترضه انصارنه اطب للحرب  
والحمل اهله يعمي ما تذبہ اعللغرب  
اول احنه انجرد البيض او للحومه نطب

او ننچتل دون الثنيه  
اونكرع ابچاس المنيه  
حتى نمسي اعللوطيه

او من عگبنه اتصول انصار يشيال العلم

\*\*\*

هلحچي الي صار كله اوزينب اباب الطنب

موجبه او تسمع لچنها العقل من عدها نسلب

طبت او صاحت يعباس او مدمعها سچب

لا تخليني غريبه

اودمعتي اعللخد سچيبه

امحيره ابذل المصيه

من عگب عينك او تدري اعداك ما بيهم رحم

\*\*\*

يعباس انته الجبتي امن المدينه ابشيمتك

وعله راسي الدرب كله اتصرف يضيغم رايتك

عگب عينك وين اروح اونوت علموت اخوتك

من سمع زينب وليها

جذب سيفه ابين اديها

او هون الشده عليها

اوگام يتنخه ابوجها اوفرع او ثغره ابتسم

\*\*\*

مكالمة حبيب مع الانصار

حشم حبيب اهل الوفه وناداها

گوموا يلصحاب نستعنه للطباب

زينب يگولون تهل عيناها

\*\*\*

طلع من خيمته اينادي      يـلتحلون اللـوازم  
گوموا طلعوا من المباني      وجردوا بيض الصوارم  
وصدوا بين الخيم لمن      نوصل الخدر الفواطم  
زينب يگلولي ابوجل      منها الدمع على الخد همل  
ونشوف بت خير العمل      ليش منها الدمع ساچم

خدامها اليوث الحرب وياها

والگلب يرتاب      والدمع سچاب

اشحد اليصل حدها ويصل مبناها

\*\*\*

اهلال بن نافع لفاني      والگلب منه اتولم  
ايگول مريت ابطريجي      وصار دربي اعلى المخيم  
اسمعت زينب وبواليمه      حسين وياها ايتكلم  
گالتله يبن المصطفى      استخبرت نيت اهل الوفه  
يوم الحرب ليكم لفه      ونته يبن الفحل تعلم

عدوانكم كثره وصعب ملاگاها

ونصارك اجناب      وجليلة احساب

خافن يسلمونك لعند اعلاها

\*\*\*

من سمعها حسين گلها      لا يبت حامي الحميه  
طيبه يا زينب انصاري      ارواحهم متعز عليه  
طلگوا لجلي الحلايل      وعستنوا للغاضريه  
لميتها وببيها اخطبت      ولهيا يزينب رخصت  
ما گبلت ومنها شفت      دونسي ترغب للمنيه

ساعه او تشوفيهم يسلوة طاها

تنحر الشباب مثل الهوه الهاب

لو گامت الحومه تدور ارجاها

\*\*\*

يا الله يليلوث الحرايب      خل نروح ونصل ليها  
ننتجي اباب المسخيم      بلچن انامن عليها  
گصدوا الصيوان زينب      شافوا ابن امها اوليها  
سلمو وبوجها انتخوا      وجدام زينب فرعوا  
وباب خيمتها حدوا      والمواضي امجرديها

صاحو زينب هاي تمنها

بت داحي الباب      نفديلچ ارگاب

وگبل حبيب وگام يتفداها

\*\*\*

طلعت امن الخدر زينب      وگفت اباب الثنيه  
يا هي انه تعرفوني      اتصيح يليلوث الحميه  
جاوبوها زينب انتي      ومچ الزهره الزچيه  
صاحت ومدمعها سچم      يهل المچارم والشيم  
هلتنني هله ابها الحرم      خايفه امن اجيوش اميه

يا هو عگبكم هلحرم يحماها

والحرم يطياب      هيات تنهاب

من تبعد الوليان عن مبناها

\*\*\*

وحنه يا مظلوم تدري      بعدت عليه المدينة  
والعده چنهم ولونه      والجموع اچتفت بينه  
خيموا فوگ الشريعه      والورد گطعوا عليه



گامت روایاها تجر من کل ثنيه وکل کتر  
وبينه انعکس جری الامر او چنه یحسین انولینه

خاف العده لو جرت اروایاها

لو واحد انصاب او یهوه اعلى التراب

ما تهوه خاف انصارك امنایاها

\*\*\*

گمر هاشم سمع زینب تحچی ویه انصار اخیه

اگبل امن الخیم یعدی وهاجت ابراسه الحمیه

صاح لتخافین یختی وانه سیفی ابین ادیه

هلهت لمن شافته سیفه ابیمینه ورايته

سالم عسنگ نادته

\*\*\*

والله ما احمل هضیمه تدری یا عباس بیه

خاف یولونی عگبکم ومشی ویه اجلاف امیه

من عگب عززی ودلالی زجر یتحکم علیه

ترضه بین فارس بدر امشی ذلیلله ویالیسر

والیحکم علیه زجر

\*\*\*

### بنو هاشم والانصار

هاشم شدوا اعلى الخیل وتناخوا اعلى الغاره

لاچن عند ابوالسجاد راحت تشتچی انصاره

\*\*\*

راحت لعد صيوانه      وكلها او چبت جدامه  
حبيب الليث جادها      وبـيـمناه صـمصامه  
شي گامت تحب ايدہ      وشي طاحت على جدامه  
لاچن الهظم وسم \* بيها وعتلاهم هم \* گام الفحل يتكلم  
حبيب او من كثر هضمه      تسعر بالكلب ناره

\* \* \*

يگله والدموع اتسيل      يا عزنه ويواليينه  
طلگنه حلايلنه      وعفنه اديارنه وجينه  
كل الاهل عفناها      لعيونك يبواسكينه  
نريد انموت جدامك \* ونحافظ على خيامك \* هاي سيوف خدامك  
بيها ابعونۃ الباري      يعله الدين شنياره

\* \* \*

وشوف اليوم سادته      علينه ترید تتجدم  
تطب الخطة الحومة      وحنه انظر بلمخيم  
ما ضنتي يهون عليك      عد الخلگ من نندم  
شتگول الخلگ بينه \* من تستخدم علينه \* سادته ومواليينه  
يحسين الهظم چتال      ما نتحمل العاره

\* \* \*

عند العرب ما تخفك      يبن الفحل هلعاذه  
العبيد اول تجدمها      وتطلب ثارها الساده  
احنه اول نريد الكون      حتى انحصل الراده  
وهاشم من بعدنه اطب \* حيث الثارنه تطلب \* عذاب اعلى الجموع اتصب  
وعج الرمك بالميدان      يوصل للسمه اغباره

\* \* \*

هاشم شدوا اعلى الخيل      وتولموا للغاره  
لاچن گام على الحمله      حبيب ايحشم انصاره  
گام ايحشم اصحابه      ويهز اگبالها الرايه  
وگاللهم يفرساني      ويمن بالحرب كصايه  
لفيتوا للطفوف اليوم      شلكم يخوتي غايه  
ليش الاهل عفتوها \* وثايتكم هجرتوها \* يانيه الكصدتوها  
وهذا اليوم يا فرسان      كلمن يچشف اسراره

\* \* \*

### حر في الدنيا وسعيد في الاخرة

من شاف اعلى حرب حسين      گام الجيش يتدنه  
راح الحر لبو السجاد      يبچي ويعتذر منه  
من شاف الغدر بيّن      من ابن ازباد واشراره  
وگامت تزحف الرايات      وصارت اعلى الخيم داره  
وگف متحير بأمره      وگام ايسجول بفكاره  
گله واحد امن الگوم \* اشمالك يحر هذا اليوم \* گله والگلب مهموم  
روحي گمت اخيرها      بين النار والجسنه  
انه الجعجت بحسين      واناه الروعت گلبه  
وراد يسدر الطيبه      وعليه الزمت دربه  
ما ادري ابروايه الشر      كلها تعلق الحربه  
عليه الناس مشتده \* كلمن مرهفه ابيده \* شنهو العذر من جده  
بساچر ساعة الميعاد      من اوگف وشوفنه

\* \* \*

حث غوجه وگصد لحسين      لاچن يسچب العبره

خايف يعتذر منه وما يقبل بعد عذره  
تايب جيتك وندمان يا ريحانة الزهره  
وريدك لا تخيبيني \* وتقبل توبتي مني \* وترضه سيدي عني  
وجدك سيدي رحمه امن الباري انبعث إنه

\* \* \*

ما ادري يبو السجاد هچي الناس بيك اتخون  
يگطعون الورد عنكم ومن الماي تنحرمون  
انه الروعت زينب وريدنكم على ترضون  
وشبه الحرب نيرانه \* وصير اول شهيد انه \* جدامك يريحانه  
وجاور جدك المختار بالفردوس وتهنه

\* \* \*

يگله انچانك تايب عليك الله يحر ايتوب  
ولو جاهدت عن دينه ما تبگه عليك ذنوب  
اسمع لوجت اطفالي تلوع امن العطش وتلوب  
من عندي تريد الماي \* او عليه امخيمين اعداي \* تشب نار الحزن بحشاي  
من اسمع امن اعيايي صارت بالخيم حنه

\* \* \*

ترخص من ابو اليمه وطلع مغضب على الكوفه  
سل سيفه وگصد للجيش گام ايجلب اصفوفه  
اسد كلهم يعرفونه او اله صولات معروفه  
صمصامه بريج اسهيل \* خذمها ونشبهها الويل \* عرگل كل هذيچ الخيل  
هجت شارده منه وهو اعلى الخيل يتچنه

\* \* \*

ما چذبت ولا خابت حر من سمته امه

يتلوح على الصيده      وسيفه ايطشر المه  
لمن كثرت اجروحه      ومن عداهم نرف دمه  
دارت بيه بني سفيان \* بسيوف ونبل وبزان \* طاح ابخطة الميدان  
من شافه وگع بالكون      ليه بن الوصي اتعنه

\* \* \*

شافه اعلى الثره مرمي      وصارت گعدته عده  
گام ايجلب اجروحه      ويمسح دمهن ابيده  
فك عينه وشاف حسين      حط خده على خده  
تبسم ونچشف همه \* من شاف السبط يمه \* من مثلي وبواليمه  
حط خده على خدي      ولمصابي يجر ونه

\* \* \*

### خطاب الحسين عليه السلام

من شاف الجموع حسين      بي دارت رواياها  
گام وركب راحلته      وللحومه تعناها

\* \* \*

وگف ما بين ذيج الگوم      لاجن وگف متعجب  
اشلون ايزيد حشمها      وخلاها عليه تحرب  
اومه عليهم ابينا      وگام اعلى الجمع يخطب  
نادها ابگلب مهموم \* اسمعوا هلنصيحه اليوم \* سكتت كل هذيج الگوم  
تريد الخطبته تسمع      حتى اتعرف معناها

\* \* \*

اول حمد باري الكون      وثنه اعلى النبي بعده

وخببرهم بحكم الله      ابیوم المحشر او وعده  
وبالقرآن والعتره      اشوصه المصطفى جده  
بالمسلم واسلامه \*      وشرع الدين وحكامه \*      وذكرهم ابئيامه  
من چان النبي يخطب      وبهل البيت وصاها

\* \* \*

عرفهم سنن جده      والمسعروف والمنكر  
وفعل الخير من الله      ومن ابليس فعل الشر  
صفگ ذاك الوكت بيده      اوون او گام يتحسر  
گاللهم سمعتوني \*      وخافن ما عرفتوني \*      انه حسين شوفوني  
انه مهجة الزهره      وسلوان النبي طاها

\* \* \*

هذي اعمامته ابراسي      وراچب ناگته العضبه  
وهذا مرهفه بيدي      وانه مهجته وگلبه  
دين الكم علي ساچ      يوالكسم على عتبه  
يا گوم اشتطلبوني \*      انتو الي دعيتوني \*      وليکم جيت بضعوني  
وطلع كل رسايلهم      وگام حسين يگراها

\* \* \*

ناداه لجمع كله      ما ندري شتگول الحين  
لاچن بايع ابن زياد      وسلم با الاهل يحسين  
عاین للروايه وشوف      بيکم دايره الصوبين  
سلم قبل ما تندم \*      حتى من الچتل تسلم \*      عليك عراگنه ملتتم  
هذي جيمة الكوفه      وجيش الشام يتلاها

\* \* \*

گاللهم يگول انچان      لنکم ما تریدوني

اگوز عنکم خیامی ورد للوطن خلونی  
یو اگطع افجوج البید ویا لوحش بضعونی  
ویہ ایزید اخلیکم \* لا الکم ولا علیکم \* یهل الوادم مواضیکم  
علیه من تسلوها یغضب باری اسمها

\* \* \*

هیہات وبعده هیہات ابایعکم ومد ایدی  
وذلن من بعد عزیزی ولوی اعلی الهظم جیدی  
خلونی امد عنکم من خنتم مواعیدی  
ولی یخلف المیعاد \* یهل الغدر ما ینراد \* گالوله یبو السجاد  
تسدر للمدینه اشلون وضعونک ولیناها

\* \* \*

سدر مایوس من عدہم لاجن سدر یتحسر  
وطب الخسیمتہ مکظم ونار الهظم بی تسعر  
شافت زینب ابن امہا وگلبہا انخمش وتطیر  
عرفت غدر عدوانہ \* وراحت لعد صیوانہ \* ومنها الروح ولہانہ  
طبت گعدت اگبالہ وتجری ادموع عیناہا

\* \* \*

گالتلہ یبو السجاد اشوفک رحمت یم الگوم  
وطالت وگفتک یمہم ومنہم سدرت مہظوم  
سولفلی اشچوا ویاک وشجاوبت یسا مظلوم  
منک ہلحرم شترید \* اسمع ہضل الہا اوید \* بین امی وطنہ ابعد  
وصبحنہ غرب یحسین والگوم ابثوا یاہا

\* \* \*

کالہا اگصدت لیہم ومنہم خابت اضنونی

ابايح لبن مرجانه      وطيع ايزيد يردوني  
ولو عييت يا زينب      نسيتهم يكتلوني  
وعزمي بيت حيدر صار \* اسجر بلحروب النار \* ما ينحمل يختي العار  
منه الموت اهونلي      وحي الله ابمناياها

\* \* \*

گالتله يبو اليمه يخويه      اشلون چاينه  
لمن تنچتل يحسين      عگبک من يحامينه  
گوم او حمل ضعونك      وسدر للوطن بينه  
ما نگدر الذل اليسر      والگوم عدوان وكفر  
عگبک يبن فارس بدر      يحکم على اخواتك زجر

\* \* \*

تدري الحرم ما تنهاب      لمن تفگد الوليان  
يطمع بيهن الطماع      من توليهن العدوان  
سوي الهلحرم چاره      قبل ما تطب للميدان  
لا يبنگن اخلافك غرب      تنحب ومكسورة قلب  
ودموعها اعلى الخد تصب      ما بين عدوان ونصب  
تظل الخوف ماخذها      وتدور على اليحماها

\* \* \*

او لست تسمع ما تقول سكينه

لاح اعلى المهر عباس      وتعتله اسكينه  
تگله يا گمر هاشم      يعمي الوعد چاوينه

\* \* \*



سكسنة اتعننت العمها      ولزمت بيدها ارجسابه  
تگله العطش يعيوني      الجبدي مونغ اصوابه  
اظل اليوم عطشانه      وسيفك يظل بگرابه  
يعمي لحگ اعليه \* اريدن شربة اميه \* هذا الماي جاريه  
يعمي اشلون بوجودك      يمنعونه العده اعليه

\* \* \*

ابيوم القنطره لليوم      حريك شايه اعلومه  
وكل كون اليصير انته      لعند الكون جيدومه  
ليش اطفال اخوك حسين      من الماي محرومه  
صول ياشديد الباس \* وخذ المشرعه امن الناس \* هذا اليوم يا عباس  
يوم الواعدتنه بيه      من الماي تسجينه

\* \* \*

يعمي امن العطش هليوم      عبد الله انخطف لونه  
يلوع ابين ادين امه      وشابح ليك بعينه  
ترضه ايموت عبد الله      ونته الحرب طاعونه  
مالك عذر يا جيدوم \* منك ماي اريد اليوم \* صول وفرث الصمصوم  
وخذ المشرعه امن اعداك      ومن الماي روينه

\* \* \*

تعال اوشوف ابوفاضل      لمن سمع نخواها  
تزير بالرجاب وگام      لسكينه ايتفداها  
يگلها الماي تردينه      وروح هاي منواها  
يا مسهل طلبتچ هاي \* يعمي لا يهچ ماي \* جودي ماخذه ويای  
هسه الماي اجيينه      يسكينه وتشربينه

\* \* \*

يعمي الخيمتج ردي      ولحظه عيني تسائيني  
شسوي اليوم بالميدان      لابد ما تشوفيني  
يا هو اللي يظل على الماي      وانه السيف بيمني  
يعمي الخيمتج ردي \* وشوفي اعلى العده اشيسدي \* حامل على النهر وحدي  
ومنهو اللي يظل موجب      يسكنه بيني او بينه

\* \* \*

تهلهل گامت اسكينه      العمها وحمل على الميدان  
صاح الماي اريدنه      عبدالله الطفل عطشان  
لمن شافته اهل الخيل      حامل على النهر زعلان  
فرت من بعد عنه \* وهو على الخيل يتچنه \* حگها من تفر منه  
ياهو ايشوف ملچ الموت      وگلبه الحر به ايعينه

\* \* \*

من شاف الزلم والخيل      كلها نحرت البيده  
وقف يرعدابنص الگوم      وعدا تسمع ارعيده  
قصد للنهر متنومس      وجوده شايله بيده  
نزل من ظهر ميمونه \* وكل اعدايشوفونه \* لاچن ما يگحمونه  
ترس جوده وركب      غوچه وتعنه الصواوينه

\* \* \*

لمن شافت الوادم      ترس جوده وركب غوجه  
وهمته بس يوصل الماي      صارت بيهم اللوجه  
ردت كل كتاييها وعليه      داجت فرد دوجه  
ما باله ابكتاييها \* لكدها وعلى الحرم ذبها \* ظل مده يحاربها  
لاچن من ورا غدروه      وگطعوا منه ايمينه

\* \* \*

اخذ سيفه ايساره وصاح  
 لراويكم اليوم الموت  
 عن امخيمي تسردون  
 وانه السيف المجرب \* وبوي اللي طبر مرحب \* رموه وجوده اتصوب  
 ويولي اوگطعوا ايساره  
 اوصابو بالسهم عينه

\*\*\*

وگف بالكون متحير  
 يشوف الماي منه راح  
 لن واحد لفه امن الگوم  
 طر هامة ابعاموده \* وگع ومگطعه ازنوده \* يمه رايته وجوده  
 صاح ابصوت خويه حسين  
 اخوك الگوم والينه

\*\*\*

سمع صوته وتعناله وشافه  
 عينه ابسههم ممروده  
 تخوصر يم عضيده وصباح  
 يعباس اگطعت بيه \* وجسرت العده عليه \* نورك من خمد ضيه  
 عدوى اليوم يا عباس  
 من عندي اخذ دينه

\*\*\*

يخويه شعتذر گلي  
 اويشوفني الحرم وحدي  
 شنهو العذر من زينب  
 لو گالت يبويه حسين  
 من اسدر للمخيم  
 وعليّه الحرم تلتم  
 ومن سکنه يلمشيم  
 چا عمي المشكر وين

واعدني على ماي الحين

وعيني شابجه الدر به  
 ولا سدر بعد لينه

\*\*\*

## في شجاعة العباس

لاح اعلى ظهر الفوج ورخه اعنانه  
حي گمر عدنان على الحرب سلطان  
تاجه النصر والعرش ظهرا حصانه

\*\*\*

هز ابوفاضل الرايه      اولولح اعلى المتن جوده  
او صاح لعيونچ يزينب      لتلف العسكر او جوده  
هلهلت زينب وصاحت      لخته يا معبود عوده  
صال وگصد راعي اللوه      حر وعلى الصيده هوه  
ليث الملازمه دوه      اب حرب ابو فاضل وزوده

من شافوا الميمر طلع عدوانه

گاصد الميدان      مفضب وزعلان

صاحو لوين امن الفحل منوانه

\*\*\*

گام بالميدان يحدي      اورايته ايلعبها بيده  
ينهم ويرعد عليها      وكلها ترجف من رعيده  
صاح وين المفر عني      العلگمي منكم اريده  
يهل الغدر خلو النهر      لاوين عن سيفي المفر  
حوم على الجيش الكدر      او صارت الرده بعيده

درب الشراده اتسدت بيانه

على النهر فرسان      تثبت وشجعان

وسكنه العزيزه ابخيمتي عطشانه

\*\*\*

وگف بالكون المصيت      بين سيفه ورمحه يجسم  
سيفه للهجمات ينثر      وللجبود الرمح يلظم  
حين ما حرك ارجابه      گام جمع ابجمع يردم  
والفزع يردم با الفزع      وضاك على عدوانه الوسع  
من سيفه ما يشگف درع      گام بالوادم يخدم  
سفر الجيش المالك ونيرانه

فرغ الميدان      مثل بن عمران  
يلگف اجيوش اهل السحر ثعبانه

\*\*\*

اگبال ابو فاضل الجيمه      تثبت اوتوگف اشحدها  
وللحرب عباس امه      اوگامت اتحي ابولدها  
خدم ابسيفه المسامي      اوهجج الخيل ابعددها  
حل بيهم ابخر به الوعد      امنن الوالد اتبره الولد  
ما سلم منه اللي شرد      امنين ما تشرد يرددها  
يلظم اچبود امن العده بسنانه

جرها امن الابدان      چالنبي اسليمان  
من جر عرش بلقيس من امچانه

\*\*\*

عجز ملج الموت منه      الجيش من كبر اصياحه  
صار عباس ابمچانه      للفعزع يقبض ارواحه  
ما بگه ابديرة الكوفه      بيت ما حط بي مناخه  
من عنده فرسان الحرب      هجت ولزمت كل درب  
ما ترضه للحومه تطب      عارها لبست اوشاحه  
حقها العده لو ما تطب ميدانه

يشبه بالاكوان داحي البيان

من طب لبن ودها وگطع سيگانه

\*\*\*

حي گمر عدنان حاوي  
الوفه او حگ الاخوه  
مثل ابو يحمل الرايه  
بعد شيوصلها الحزم  
بسمما يسمعوله اسم  
من ابوه حيدر صفاته  
والشجاعه والثباته  
وبالحرب نشأت حياته  
وابحرب ابو فاضل تههم  
يسلم الجيش المماته

غوجه السفينه او هوه نوح ابشانه

حي صاحب الشان سواله طوفان

لاچنه من دم الزلم طوفانه

\*\*\*

حين ما فرغت الحومه  
رايته اعلى الجالي رزها  
ويه ما هيس ابرده  
لحسين واطفاله ذكر  
او مغضب طلع من النهر  
للنهر مغضب تعنه  
وللعذب طب المچنه  
مد يمينه او غرف منه  
ذبه او دمع عينه انحدر  
گصده لخيامه ايتعنه

يدري الحرم تنظر ابصيوانه

او تصرخ الرضعان والطفل عطشان

اوسكنه العزيزه من العطش تلفانه

\*\*\*

حين ما شافة الناس  
صاحت العاده عليه  
انگلب ذاك الجيش كله  
ابچتف ابوفاضل الجربه  
اوفرعة الكوفه اعلى حربه  
او گطع على العباس دربه

من شافها الميمر زعل      سل سيفه واعليها حمل  
لاچنه على الجربه ابوجل      ايخاف تتصوب ابجره  
خايف تصوب جربته الخوانه

لاچن العدوان      من اربع اركان  
دارو عليه او گطعوا ذرعانه

\*\*\*

عگب ما صابو الجربه      او گطعوا ايساره اويمينه  
صوبوا بالعمد راسه      وانطقت بالسهم عينه  
ليه ابو اليمه تعنه      اوشاف اخوه امگطعينه  
صاح او دمع عينه انحدر      يامن لعدهاشم گمر

فقدك كسر مني الظهر

\*\*\*

ليش يسوفاضل عفتني      او حيد بين اجيوش اميه  
يا اخو ابساعة الشدة      يسعباس ايعوف اخيه  
اهنا يخويه انكسر ظهري      اوضاگت الوسعه عليه  
لحد يشيال العلم      دارت الگوم على الخيم

يا هو اليگف دون الحرم

\*\*\*

القاسم بن الحسن عليه السلام

يا بدر يا شعاع      يلغبت عني ابساع  
وسفه ينور العين      تمسي اعلى حر الكاع

\*\*\*

وحيد وردتك يا ضوه  
ابدربي وتسليني  
محروم من شم الهوه  
يلما شفت مثلك  
بيك اسهت گيض وشته  
ما چنت اظن يبني  
ويصير عرسك حنته يبني  
اعيونني تباريني  
يبني عمت عيني  
من دون البحكك  
امهذب وحلو اطباع  
وربناك مرمرني  
دهري يخيني  
اوتبگه اعلى احرا الكاع

\* \* \*

لمن طلعه امن الوطن  
يبني احمدت ربي  
وگلت الفواطم هلهن  
ويا الضعن خيال  
وباريتني ابدربي  
وبيك استسر گلبي  
صار النقل رجال  
وبيه التعب ما ضاع

\* \* \*

عمك يجسام ابتشر  
وبظهر الخياله  
غال ابن اخيي اسا كبر  
وتصيرله نسوه  
من شافك اگباله  
والضعن تبراله  
بس نوصل انعرسه  
بالغاضريه انواع

\* \* \*

عمتك يجاسم سمعته  
من عرفت امرامه  
عجنت العرسك حنته  
وصاحت يوالينه  
وهلهت جدامه  
ولمن بنه اخيامه  
وحنتك اسكينه  
زف العزيز اسباع

\* \* \*

ناداها انصبن خوفته  
وعلگي الشمع بيها



ومنصته فرشيها  
وجسام باجر زفته  
والشخصه يزفون  
وسكينه زفنيها  
لمن يطب للكون  
سبعين الف دراع

\*\*\*

ما جان عالبال ايخطر  
يحرب عليك البين  
وتستحنه من دم النحر  
وعلى التراب اتنام  
لمن مرت بالعين  
چن اله اعلى امك دين  
وشمك يصير اسهام  
يسهيل يا لَمَاع

\*\*\*

بيك اسهت گيض وشته  
ما چنت اظن يبني  
ويصير عرسك حنته  
وعگبك تظل امك  
وربساك مسمرني  
دهري يخيني  
يبني حمر دمك  
منها الجفن دماع

\*\*\*

يا هي الذي ابنيها انفكد  
يا زهرة اخيمك  
اوگبلك يجاسم يا ولد  
متخضبه ابدمه  
بالعرس مثل امك  
يلخيت عمك  
بالكون عاف امه  
ومنها الكلب مرتاع

\*\*\*

والله لون طول العمر  
وبچبدتي اصوابك  
ولو شفت عريس ويمر  
جسام يوليدي  
ونحب على امصابك  
وتسذكر اشبابك  
اصرخ ودگ بيدي  
يلراح دمه اضياع

\*\*\*

ابعيد البله البست الچفن	يبني انخمش گلبني
او عيني بگت تربني	ونساديت يا ربي
سالم دردلي ابن الحسن	ياراد ابن يعقوب
گلبني عليه ايلوب	لمن طلع فزاع
عمتك زينب والحرم	تستناك بالصيوان
دنهض يغصن البان	لا تظل علتربان
وسكنه العزيزه بالخيم	تنخاك دسمعها
وننهض اودعها	يانفل تالي اوداع

\* \* \*

هلهلت زينب والحرم	والخيمه نصبنيها
والحوفه سونها	وسكسينه زفنيها
اوگفك اباب الخيم	يوردن يشوفك
وبسها يهنك	ياسورها المناع

\* \* \*

ربيتك ادمعي اليصب	وسهت ليل انهار
وشبعت بيك امرار	لمن شبابك صار
تمسي صريع اعلى الترب	وسفه يچبدي عليك
بالروح چنت اشريك	لوله القدر ينساع

\* \* \*

### القاسم بن الحسن

اگبل جاسم العمه	اودمعه ايهل اعلى الخدين
منه ايريد يترخص	وخايف ما يرخصه حسين

\* \* \*

مفضب واعتنه العمه      طلع جاسم امن الصيوان  
 حب ايده اوگف يمه      شافه اباب المخيم  
 اشعندك جايني ابهمه      يگله يا ضوه عيوني  
 يگله الحرب مگصودي \* وتلف دونك اوجودي \* وصاني الحسن عودي  
 گلي عين اخوي حسين      لو شفته بلايه معين

\* \* \*

وانسته اوديعة عضيدي      يگله اشلون ارخصنك  
 يبني اتروح من ايدي      وادري بس تطب للكون  
 غيرك عدل يوليدي      ما ظل من أهل بيتي  
 يجاسم روح لخيمك \* واگعد يم بن عمك \* يعمي اشحان قلب امك  
 ترید العرسك تشوفه      يا جسام گبل البين

\* \* \*

تدير العين يمشيم      يگله اشلون ارد ونته  
 ريت العمر لا يسلم      شلي بالعمر بعدك  
 عليه ايرد للمخيم      من شاف العزيز حسين  
 حط يسراه ابيمينه \* وجابه الخيمة اسكينه \* عاين زينب ابعينه  
 گالها يبت حيدر      اهدوم الحسن يختي وين

\* \* \*

منهن طلع اعمامه      جابتله الهدوم اوگام  
 اخوه الحسن وحزامه      اوطلع جبت المهيوب  
 وگام اووگف جدامه      لبسنهن لعد جاسم  
 كلهن لعد جاسم لفن      ناده الفواطم هلهلن  
 جاسم لبس ثوب الچفن      گرت عيونك يالحسن

وامه مدامعها جرن \* صاحت بين محي السنن \* ما خبيت بيني المزن

\* \* \*

لمن خلصت الزفه اوعمه اباب صيوانه

ودعسهم اوداع المسوت اوانوه الحرب عدوانه

سل السيف بيمينه اوصوّل على الخوانه

وين المفر ناداها \* وسيفه الموت راواها \* بالبر شتت خلاها

وذكرها اب حرب حيدر ابيوم الجمل وبصفين

\* \* \*

چقه ايفر رحات الكون وعليهم غدت تفتتر

وگام ابخطة الميدان يلكط وين المشكر

ما واحد گدر يدناه واعلى الفحل يتجسر

لمن نص على انعاله \* والأسدي تعناله \* جذب سيفه اوتدناله

ضرب شبل الحسن ضربه جسمها الهامته نصين

\* \* \*

وگع مصيوب بالحومه وراسه امخضب ابدمه

والعسكر عليه هيل وصارت على الجسم لمه

سمع صوته وتعناله لعند المعركة عمه

شافه رميه اعلى الثره اوجشت العزيز امودره

وبفيض دمه امغفره دمعه اعلى وجناته جره

\* \* \*

شاله وللخيم سدر وخطه ابخمية اعياه

تعال اوشوف حال امه لمسن عاينت حاله

گامت على الوجه تلطم ومنها العين هماله

صاحت يجاسم عمك للعرس نصبت خوفتك

وحنن اسكينه ابحتك تاليها تحظر چتلتك

\*\*\*

اوحيد يا ضوه عيوني  
ما تگعد تشوفه اشلون  
يجاسم ما تحاچيني  
يا هو اليباري محملي  
يبنني ودللك عمك  
گاعد ينتحب يمك  
يبعد الروح ماني امك  
يبنني او يوديني الهلي  
ابديرت غرب يمدللي  
حرمه وعفتني ابلا ولي

\*\*\*

ربيتك يبعد اهلي  
وكل يوم اليمر يبنني  
ريت ابكر بلا لاجيت  
احا يعملت كربلا  
ومن عندي الكلب مستر  
الطولك اصد وتفكر  
يسبن وشفتك امطبر  
الخلت زلمسه امچتله  
وظلت غريبه العايله  
وتتلفت يسار يمين  
ادور على اليحماها

\*\*\*

### القاسم بن الحسن

عمك يجاسم گوضت گومه  
يوليدي عرسك هذا مويومه  
گوم للحومه  
گوم للحومه

\*\*\*

انهض العمك يجاسم  
گوضت گومه وعمامه  
والعرس يوليدي عوفه  
ودارت ابشخصه الكوفه  
ويطلب الناصر يشوفه  
ظل يدير العين وحده

انهض يجاسم للحرب      ووكف ابجومتها كطب  
ذچرها چشاف الكرب      والفرع طشر اصفوفه  
عمك كضت كومه وشبانه      اب حرب عدوانه  
ومست ضحاياه وعلى الأرض نومه      كوم للحومه

\*\*\*

من ابوك الحسن عندي      الك يا جاسم وصيه  
من كضت بالسّم چبده      ودنت من عنده المنيه  
كال لي جاسم ضخرته      لعد يوم الغاضريه  
لو شفتي عمه الوحده      بي دايره جموع العده  
انطي الضنوتي امهنده      خله ينحر جيش اميه  
ينصر عضيدي اويكف جدامه      سور لخيامه  
والحرب جاسم يچسب اعلومه      كوم للحومه

\*\*\*

من سمع هاي الوصيه      وشاف منها الدمع يهمل  
شرعبت بيه الحميه      وگام ينفخ نفخة الصل  
چيبي لامة حربي يمي      حتى على الجيمان احمّل  
جابت الجاسم لامته      وبها تسوشح شافته  
گامت وشمت وجنته      تسچب العبره وتهلّل  
ما خييت يا جاسم اذنوني      روح يعيوني  
وانست بيك امك المظلومه      كوم للحومه

\*\*\*

دار عيناه اعلى امه      وگام يتلهف عليها  
گلها لا تبچين بعدي      وعلى روح صبريها  
لاچن ابسلفسي وصيه      ارد اگلچ يمي بيها

لو شفتي من بعدي فته      تحضر عمامه الزفته  
وتعلگ شموعه ابخوفته      عاد زفتي تذكريها  
شمعت شبابي الكدر طفاها      ومي خلاها  
تگلي وهي من عرسي محرومه      گوم للحومه

\*\*\*

حين ما سمعت وصيته      على الوجه لظمت وطاحت  
گلي يوليدي كسرتة      ابهل الوصيه اليوم صاحت  
چن تظن انساك يبني      واته روحي ومني راحت  
انساك يوليدي تظن      ويغض لي من بعدك جفن  
وانه البست ثوب الحزن      والمذله اعليه لاحت  
گلي علمني اليوم يوليدي      تروح من ايدي  
وروحي اعلى فگدك تظل مالومه      گوم للحومه

\*\*\*

گامت اتنادي الفواطم      يا الله گومن ودعنه  
رايح ايطب للمعاره      وبها من دمه ايتحنه  
طلعن امن الخيم يمه      وصارت الها عليه حنه  
وحده تشمه ابوجنته      او حسده تحن الفرگته  
وسكنه العزيزه ابخيمته      اتعاينه وتجذب الونه  
تگله المعاره لو رحت ليها      تسنچتل بيها  
وبگه عگب عيناك مهضومه      گوم للحومه

\*\*\*

طلع من الخيم جاسم      وعتنه العمه يودعه  
مرهفه الماضي ابيمينه      وگام يتبختر ابدرعه  
حين شافه حسين مجبل      صفگ بيده وسال دمعه

ناداه وبوجها ابتسم اشعندك لفيت امن الخيم  
گله ودمع عينه سچم ضاگت ابعيني الوسيه  
شفتك وحيد ابين هلجيمان منلك عوان  
وناداني عمري امن ارخصت سومه گوم للحومه

\*\*\*

اشلون ارخصنك يگله والحسن ودعك عندي  
ودري من اتروح عني ايروح بيني اويك چبدي  
للمخيم رد يجاسم باري هاي الحرم بعدي  
ناده يبن فارس بدر ماتم بعد عندي صبر  
ما ريديا عمي العمر عگب عينك وحق جدي  
ودعه اودار ايده اعلى اطواگه وحن على افراگه  
گله ودمعته عليه مسجومه گوم للحومه

\*\*\*

### القاسم بن الحسن

يا عريس من عدنان

صارت حنته ابحومة الميدان يا عريس من عدنان

\*\*\*

ما يشبان الحرايب حنه صارت مثل حنته  
للعرس خضب اچفوفه ابدمعة امه ودم رگبته  
ولملبس نيل ينثر والسهام اشموع زفته  
وعج العوادي خوفته وساحت الحومه امنصته  
وصوت الهلاهل ونته اونت ام الحزن عمته

صفگله الرمح والزان



وغنه السيف اله ابهامت الشجعان يا عريس من عدنان

\* \* \*

ما سمعنه الدهر كله      بالحرب تنصب حوفه  
ويستعد الجيش كله      والعرس يشهر اسيوفه  
ويدخل العريس ليها      وبالدمه ايخضب اچفوفه  
هلعرس بس ابكسر بلا      صار الشبل عمر العله  
حاضر لون عقد الوله      والعرس جاسم يشوفه

سبعين الف من كوفان

زفو بالحرب شمعت الشبان يا عريس من عدنان

\* \* \*

اگبل العمه يودعه      حتى للحومه يطبها  
ومه بالخيمه تهلهل      والدموع عليه تصبها  
حين ابو السجاد شافه      گاصد الحومه وحر بها  
ناداه ودموعه جرن      لاوين يا شبل الحسن  
ليش البست ثوب الچفن      وروعت امك گلبها

ردليها يغصن البان

ما تدري گلبها اشتعل نيران يا عريس من عدنان

\* \* \*

اشلون ارد ليها يگله      ومن هلي فرغت اخيامي  
ونته وحدك بالمعاره      اوحدتك هدت اعضامي  
ما ترخصني يعمي خل      اروح الحگ عمامي  
شلي يعمي بالعمر      وعليك دارت هلکفر  
وتولتك طعن وطبر      ولا ولد عنك يحامي

رخصني يعالي الشان

ارد اخذ ابثاري من آل سفيان يا عريس من عدنان

\*\*\*

رخص الغالي وتعنه      للحرب مطرب وباسم  
شافته ام الفخر مجبل      ناداته يا هله ابجاسم  
دونك الميدان وحمل      يا بدر غالب وهاشم  
ميداني بوجودك عمر      يبن المچارم والفخر  
صول وللجيمه نحر      وسيفه ينثر بالجماجم

سوه الحمر چا الطوفان

وخله الخيل تسحگ على الفرسان يا عريس من عدنان

\*\*\*

مثله ما ولدت العيله      ولا نزل للحرب مثله  
لف روايسه الجيش كله      وعجب اهل الخيل فعله  
لاچن او متله الشهاده      ونص يشد اشراك نعله  
والازدي سل سيفه وحمل      من شافه عن حربه خمل  
صابه او وگع شبل الفحل      وناحت العيله اعلى چتله

دمه ايسيل على التربان

وعليه من وگع دعت الجمان يا عريس من عدنان

\*\*\*

من وگع فوگ الوطيه      رفع صوته ونده عمه  
يبو اليمه الحگ عليه      وليسه تسعنه وگعد يمه  
شافه ايعالج ابروحه      ومن طبرته ايسيل دمه  
شاله وللخيم سدر      حاني اعلى جسام الظهر

ويسيل دمه امن النحر

\*\*\*

جابه الخيمة اعاليه      وغدت للنسوان حنه  
صاح گومن يالفواطم      لعبد جاسم ودعنه  
اگيلت امه اتنادي      ابهل العرس يبني امهنه  
ما خيبت بيك المذن      اچفوف العرس يبني الحسن

ابدم الشهاده اتخضبن

وگلبك بالشهاده اليوم فرحان

\*\*\*

### شبيه جده رسول الله ﷺ

چو چب طلع من برج صيوانه      ابصهوة احصانه  
صاطان چنه وعرش صاطانه      ابصهوة احصانه

\*\*\*

طلع من برج المخيم      چالبدر يصطع جبينه  
وگف جدام ابو اليمه      ونص عليه وحب يمينه  
شال راسه حسين لبنه      صفگ بيده وجرت عينه  
ناداه يار يع الجبب      لاوين نيتك والگصد  
للحرب چنك مستعد      او فرگتك تصعب عليه  
جاوبه الاكبر يبن حامي الجار      وسلوة المختار  
تدري اليريد المسجد عنوانه      ابصهوة احصانه

\*\*\*

سالت ادموعه اعلى خده      ورفع للباري اچفوفه  
صاح يا باري انتقم لي      وحكم ابغدره الكوفه  
بيش تطلبني وعليه      جيشها دارت اصفوفه

ليهم برز مني شبل ما اله ابهاالوادم مثل  
اله النبي سيد الرسل وعينك الحالي تشوفه  
ظلت تهل لفراغه اعينيوني ونخطف لوني  
ساعه اوتگطعه اسيوف عدوانه ابصهوه احصانه

\*\*\*

تدري يا معبود لمن للنبي نشتا ق چنه  
نگعد انعاين للکبر حتى نشبع شوف منه  
ظلت اعياي اعلى فقهه بالخيم تجذب الونه  
حاوي صفات اهل العبه والمجد والعز والابه  
ظلت اعينيوني مريبه للحر ب لمن تعنه  
ادري يلاه الكون بوليدي ايروح من ايدي  
وفگدلعد الروح ريحانه ابصهوه احصانه

\*\*\*

طلع للميدان الاكبر بالفحل جده ايتچنه  
والجموع اتشوفه كلها وترجف امن الخوف منه  
هلهلته ام المعالي وسيفه بالهامات غنه  
من گام على سيفه يكر گالو طلع فارس بدر  
لاوين عن سيفه تفر وسيفه ملچ الموت چنه  
هجت الجيمه اتريد منجاها وشنتت خلاها  
والكون رجيه وحكم ميدانه ابصهوه احصانه

\*\*\*

طلع ليه بكر بن غانم وبو اليمه عليه تغير  
بالخيم ليله تشوفه والگلب من عدها فرفر  
نادته يبن الوديعة اشصار سولفلي اعلى الاكبر

گالها بن غانم لفه      شاهر على ابنج مرهفه  
ويگول جدي المصطفى      الام دعاها ميتاخر  
ردي لعند خيمتج ودعيه      اساع ياليله  
بلجن ينصره ويرد لهنانه      ابصهوه احصانه

\*\*\*

للخيم ردت ابهمه      والدمع على الخد تصبه  
اتصيح اچشف كرتبي      اساع يا چاشف الكربه  
سدرت يوسف يلاهي      ومنت يعگوب گلبه  
ابجاه الفطر چبده الضمه      احفظ اوليدي وسلمه  
ورده لعند امخيمه      عيني الدربه مره  
وحييد ومنه لا يسخيني      ليه رد ابني  
ورفع يلاهي اعلى العده شانه      ابصهوه احصانه

\*\*\*

استجاب الله دعاها      وچتل بالكون بن غانم  
گطع راسه وشاله بيده      وللمخيم سدر باسم  
حين شاف حسين شبلة      سدر امن الحرب سالم  
گام اوعلی اوليده شبگ      ومن الفرح دمه دفگ  
لاچنه بچفوفه صفگ      من سمع فخر الهواشم  
يسنادي يبويه لحگ اعليه      ابشربة اميه  
امن العطش شبلك يابس السانه      ابصهوه احصانه

\*\*\*

امين اجيب الماي يبني      گام ابو اليمه اينادي  
امن العطش تصرخ اطفالي      والورد بيد الاعادي  
للحرب سدر يبويه      وروه من جدك الهادي

ايس امن الماي وسدر      مفضب على حرب وصخر  
لاچن غدر بيه الكدر      ودارت عليه العوادي  
غافله العبدي وجذب صمصامه      اوصابه على الهامه  
وتفجر دمه وسال جروانه      ابصهوه احصانه

\* \* \*

شبيگ فوگ المهر ويلى      اوفر لعند الكوم مهره  
داروا عليه با المواضي      طبره صارت فوگ طبره  
ليه ابو اليمه تعنه      شافه نايم على الغبره  
من شافه سابح بالدمه      ذب روحه من امطهمه

وعليه لمصابه انغمه

\* \* \*

ليش يوليدي عفتني      وخصمي مشتدا على حربي  
ونته لعيوني ضواها      بيش اوچد بعد دربي  
والله يالاكبر افراگك      هدم حيلي وكسر گلبي  
يا شبه جدي المصطفى      نورك يبوي امن انطفه

عگبك على الدنيه العفه

\* \* \*

### في شجاعة الاكبر

لاح شبل احسين ميمونه او لكدر      صال ولسبعين الف مدرع گصد

\* \* \*

صال مدرع مطوس ابچف الكدر      ابظهر مجنح سابج امجفل الدهر  
صاح وين اليوم عن سيفي المفر      كفوا منتب هاشم امنين انوجد

\* \* \*

رضع من ثدي الحرب لمن ربه  
فلگ بالميدان كلمن حاربه  
اتفرس اعليها اوبلغ سيل الزبه  
اوخله خيل اعداه تسحب بالعدد

\* \* \*

يرتجز بالكون مشهر صارمه  
صاجعه اعلى الكوم طاح من السمه  
انه شبل احسين ابن حامي الحمه  
صرخ بيها وبملازمها رعد

\* \* \*

گلب على اليسره اليمين او على الكلب  
ظنت اهل الغدر حيدر بالحرب  
خالط الجنحين وبدع بالضرب  
ماطول هل الشبل من ذاكه الاسد

\* \* \*

فعل بيهم مثل ما حيدر فعل  
لو غضب بالكون على الكوم او زعل  
ابحرب صفين او حرب يوم الجمل  
طوس ما تشغف طبرته او لازرد

\* \* \*

او كل كتبيه الي يخزها امن العده  
حيث ملج الموت يبره امهنده  
ينصه تاليها او جمعها ايبدده  
وعلى راسه اترفر ف اطيور السعد

\* \* \*

اخرس الفرسان ابن سور المنع  
غدت ما تعرف رسنها امن الضرع  
او غده ايقل اجموعها جمعن جمع  
تساياها واليگرب عليها بعد

\* \* \*

فرت امنيده وهو بيها يحوم  
فرث صمصوم الحرب ودعه الجسموم  
اوكل كتبيه الي جبل عليها الكوم  
على الوطيه اتموج مالهها عدد

\* \* \*

لف رواياها اوفند اجموع الكفر  
عيد ملكه البيض عنده والسمر  
وهو ابن ائمنطعش بالغ بالامر  
او عنده مر الموت احله امن الشهد

\* \* \*

اوشاف صولاته مثل جده الفحل  
دوك شبل احسين حل بينه الوعد

\*\*\*

برز لاجن خاب ضنهم ويخسون  
عزل راسه اوبالارض جسمه جلد

\*\*\*

يطلب اميه من حامي الحمه  
او ثقل الحديد الذي الحيلي زهد

\*\*\*

يا ضوه اعيني يگله يا علي  
يبني صوتك لعد دلالي مرد

\*\*\*

ورجه من جدك الحيلاته الحجب  
يا شبل ريحانتي البيك الضمد

\*\*\*

منهم اعليهم العشرين اشبجت  
وعلى حنت والده حن الولد

\*\*\*

لچن بيحال اعلى عرصت نينوه  
والحراب عنده گلبهن دوه

\*\*\*

وهو حياها النفل من حيته  
خل جمع اعداه بالبيده بدد

\*\*\*

حين صده ابن سعد عگله انذهل  
صاح يابكر ابن غانم بالعجل

گله عد وجهك وهذ امرك يهون  
عارضه ابن احسين بوسطتت الكون

عاد ذاك الوكت رد لمخيمه  
صاح فت گلبي يبو اليمه الضمه

گام ليه احسين ودموعه اتهل  
امين اجيب الماي يبعد كل هلي

يبني رد للحرب صابر محتسب  
گبل ورد الموت يسجيك العذب

اوساعت التوديع ليهم من لفت  
حن على ابنيه الابو او عينه جرت

من گضه اوداعه ركب غوجه اونوه  
بالطبر مغرم مثل مضم الهوه

لاچن ام الفخر ياحي ناداته  
حمل لاجن العفيف ابحملته



اوغير ابعج الرمگ لون الشمس  
وعلى سرج المهر خر ويلى اوسجد

\* \* \*

اوچب اوبى حوطت ذبيح الالوف  
غدت تهوه اعليه مثل مهوه البرد

\* \* \*

وصاح يحسين اودمع عينه جره  
روه چبدي امن الضمه اوصوته خمد

\* \* \*

لچن هد حيله او حمر جفنه دمع  
اوگام محني الظهر ولشيله عمد

\* \* \*

او صاح يا هو الي گرب ليك اودنه  
اولا يطول العمر من عگبك بعد

\* \* \*

چنت ابدل امسنتك بميتي  
طاح من بيتي يبعد اهلي العمد

\* \* \*

للخيم شاله ابن داحي البواب  
بلعجل گومن اوحللن الجعد

\* \* \*

لفت زينب والحرم ليه ايعدن  
اوصاحن اولصياحهن حن كل وتد

\* \* \*

من عگب مارد رواياها نكس  
غافله العبدي اوطبر راسه الرجس

والمهر فر بيه ما بين الصفوف  
صار جسمه اشبيح لاچن للسيوف

من ثگل بيه الطبر خر على الثره  
هذ جدي المصطفه سيد البره

نگل صوته الريح لحسين او سمع  
ثلث مرات الذي گام اووگع

چشف عنه الخيل وعليه انحنه  
يبني ريت العيش بعدك لاهنه

لون بيدي ايحصل يا ريحانتي  
من طحت يا نور عيني اومهجتي

گام ودموعه تكت كت السحاب  
صاح يا زينب اويا سکنه اورباب

سمعن النسوان صوته او ولولن  
هوت زينب والحرم فوگه هون

## في شجاعة علي الاكبر

لاح اعلى الكحيله وطلع من اخيامه  
مطرب وفرحان وعتنه الميدان  
سبعين الف خذهم طرد جدامه

\* \* \*

طلع من برج المخيم      وعتنه العوده يودعه  
لازم المرهف ابچفه      والحرب لابسله درعه  
حين شاف حسين شبليه      صفگ بيده وسال دمه  
ناداه ياريسع الجبده      لاوين عزمك والگصد  
يوليدي للخيمة درد      بيك گلبي لا تفجعه

انته بيويه المهجتي شمامه

يا بدر عدنان      وشمعت الشبان

خايف عليك امن الحزن وسهامه

\* \* \*

من سمع حچيه الاكبر      سالت ادموعه وتحسر  
اشلون ارد عنك يگله      ولروايه اعليك تفتري  
ارد ارواح انسف الجيمه      وعن خيمنه اطرد العسكر  
ضاگت ابعين الواسعه      والهظم چبدي صدعه  
گام الحسين او ودعه      وجرت دمعة علي الاكبر

طاح اعلى ابوه حسين حب اجدامه

ابعونه الرحمن      طالع للكوان

لفنيك اجيوش الكفر وصنامه

\* \* \*

فرع وگام ایتچنه      وكسر غمد السيف و حرب  
صاح لاوين امغداكم      وانه شبل الطير مرحب  
نفخت اسرافيل چنه      يو عذاب اعليهم انصب  
من مرهفه الكون انگلب      خذم صننايد العرب  
فرت وماخذها الرهب      الحربه يا هو البعد يگررب

ذکرهم اب حرب الوصي و يامه

ظلت الجيمان      داحسي الببيان

اگبل وعسكرهم نوه اعلى اعدامه

\*\*\*

طلع ليه بكر بن غانم      ولمصيت ليه تجدم  
ضرب راسه وطاح مرمي      وسبحه المهيوب بالدم  
گطع راسه وشاله بيده      وبنيه سدر للمخيم  
من شاف ابواليمه لفه      يگطر من الدم مرهفه  
حيه ابشبيه المصطفه      لاچن ابوجها تبسم

صاح ولزم بيده الحصان الجامه

اطلب يريسان      ناداه عطشان

أثر ابچبدي العطش او الله وسامه

\*\*\*

من سمع سالت ادموعه      وزاد على الاكبر نحيبه  
گاله يا ضوه اعیوني      الماي بيني امنين اجيبه  
والله يالاكبر مصابك      علي هون كل مصيبه  
للحرب يوليدي درد      وجدك يسباح الچبد  
يسگیگ من عذب الورد      والحبيب ايسر حبيبه

رد للحرب مكظم وسل صمصامه

دارت العدوان من اربع اركان

والعبدى صابه ابمرهفه اعلى الهامه

\*\*\*

شېگ فوگ المهر ويلى ونحنه اعلى المهر ضهره  
ضنته يسدر للمخيم بيه لبوه حسين مهره  
جابه للحومه يويلى وطاح من شدة الطبره  
دارت عليه من كل كتر بسيوف وسهام وسمر

وتولته طعن وطبر

\*\*\*

ليه تعنه حسين شافه سابح ابدمه ورميه  
بالمواضي اموزعينه وجسمه مرمي اعلى الوطيه  
صاح اويلا يا عزيزي رحى يوليدي امنديه  
اشبيدي يبويه اعلى الكدر سوه الجسم منك وذر

وفگدك لعد ظهري كسر

\*\*\*

في رثاء علي الاكبر

لاح اعلى غوجه وشهر بتاره وشعت انواره  
والكون الاكبر چسب شنياره وشعت انواره

\*\*\*

بدر وبنوره تجله وبزغ من اخيامه  
لايح ابصهوه احصانه وناوى على الكون ابعدامه  
اگبل اعلى حسين سلم وبواليمه رد سلامه  
من شاف مدلوله سكت لاجن اعضامه اتنحلت  
ناداه ودموعه جرت گلبك احچيلي اشمرامه

طالع اشعندك يا صبي العين مگصذك لاوين  
خلیت گلبی تلتهب ناره وشعت انواره

\*\*\*

یبني ما تدری یلکبر انته لعیونی ضواها  
ولو رحت یولیدی عنی ینگطع روحی هواها  
رد رفع للسمه اچفوفه وصاح یا رافع سماها  
اشهد علی هذا الجمع لیهم طلع منی فرع  
ماله شبیه ابها الوسع غیر سید الرسل طاها  
لو رذنه للسمعوث نتفکر انعاین الاکبر  
یردون چتله وروحی محتاره وشعت انواره

\*\*\*

من سمع حچی ابو الیمه سالت ادموعه وتحسر  
عرف لن حصل الرخصه وطلع للمیدان الاکبر  
نفخت اسرافیل چنه وچامن ابسیفه المکدر  
یشبه الصعصع لو رعد لملم زلازلها ورصد  
شیب ابخره البلمهد وسوه ذاک الیوم محشر  
گامت تفر ویحوم اعلیها ووسیفه یولیا  
ودمها یکت ویسیل تیاره وشعت انواره

\*\*\*

تشرده اهل الخیل عنه وعن حربها الضیغم ایرد  
مثل داحی الباب جده ابخره ما یلحک الیشرده  
من تشد علیه کتیه یتشر وعلیهم ایشد  
لاچنه لیهم لو وصل منهم فلا واحد یظل  
یشبه لعد جده الفحل من لفا مرحب بن ود

يُطرد وراها وبألزم سيفه      ايخدم ابكيفه  
وذكرها حرب الما يذل جاره      وشعت انواره

\*\*\*

طلع ليه بكر بن غانم      جدله وذبه رميه  
ورد لعند الخيم گصده      من ابو يطلب اميه  
صاح والله العطش ضرني      يبو اليمه الحگ عليه  
من العطش چبدي انمرد      وما شوف بعیوني بعد  
المدلوله ابو اليمه قصد      يسون والونه شچيه  
يسبني يگله امنين اجيب الماي      يا ضوه عيناى  
وگامت ادموع عليه تتجاره      وشعت انواره

\*\*\*

ايس امن الماي اويلي      وعلى حرب اعداه سدر  
لاچن امن العطش چبده      گام مثل الجمر يسعر  
تگل صمصامه ابيمينه      وگام يتكاثر العسكر  
لمن گرب ليه الگدر      العبدي على چتله جسر  
وبمرهفه الراسه طبر      ونحنه اعلى احصانه الاكبر  
للبحومه جابه او اوچب احصانه      بين عدوانه  
والجيش كله اعليه غده داره      وشعت انواره

\*\*\*

داروا عليه بالمواضي      طبره صارت فوگ طبره  
صاح بويه الحگ عليه      ابساع يا مهجة الزهره  
ليه ابو اليمه تعنه      شافه نايم على الغبره  
من شافه سابح بالدمه      ذب روحه من امطهمه

يا ويلي وعليه انغمه

\*\*\*

ليش يوليدي يگله      شمتت عدواني بيه  
رحت من عندي وعفتني      وحيد بين اجيوش اميه  
ريتنني گبلك يلكبر      حال المگدر عليه  
ولا شوفك ابحر الثره      جشك يبويه امطبره  
وبفيض دمها امغفره

\* \* \*

### في رثاء علي الاكبر

لاح اعلى الكحيله وجذب ماضيه  
واعتنه الميدان      مغضب وزعلان  
ذب اول العسكر على تاليه

\* \* \*

عگب ما حصل الرخصه      طلع للسميدان يحدي  
ايصبح شبل حسين آنه      وحيدر الكرار جدي  
اليوم يهل الخيل شوفوا      مني اعليكم اشيسدي  
عين طليعتها ولكد      حل ابملازمها الوعد  
فنه الذي يوگف بعد      وانه المذهب ابيدي

حرب الوصي هليوم ارد ماضيه  
وبدمه الفرسان      اکتبلي عنوان  
وللحشر تبگه اعلومه تاريخيه

\* \* \*

وگف يجسم بالمعاره      بين المگدر وسيفه  
هذا بالشجعان يردي      وذاك يسلبها اعلى كيفه  
گام المگدر يناغي      ابخطة الحومه رهيفه

من گام على الفرس يكر      گالو طلع فارس بدر  
لاوين عن سيفه نفر      والگدر حيدر وليسه

شلکم يفرسان الحرب من نيه

نبگه ابهل المچان      وداحي البسيان

ابسيه ولانه وخلص الحريه

\* \* \*

فرع وگام المچنه      وكسر غمد السيف وحرب  
وصاح لاوين امغداكم      وانه شبل الطبر مرحب  
نفخت اسرافيل چنه      يو عذاب اعليهم انصب  
من مرهفه الكون انگلب      خذم صناديد العرب  
فرت وماخذها الرهب      الحربه يا هو البعد يگرب

خله الدمه بالطف يكت جاريه

فيض الوديان      يشبه الطوفان

والجثث كلها امطوفه ابواديه

\* \* \*

گطب لرحه الحرب سيفه      ودارت اعليهم رحاها  
كل كتيبه اليصل ليها      اتعوف ثابتها او لواها  
امن المنايه اشلون تنجه      وسيف المصيت ولاها  
گام ابجماجمها ايخطب      وبمرهفه يلعب لعب  
يوم الحرب عنده چسب      تاهت او يطرده وراها

صل وتولد من بطن فاعيه

لو طب للکوان      ما يبگه حران

اتموت الزلم بس تسمع ابطاريه

\* \* \*



مرهفه بالطوس غنه  
نسوبه يتعنه الكبلته  
تفر عن وجه الكتايب  
يا هو الذي الحربه يگف  
بلعرب ما خله سلف  
اورمك گامت تهلهل  
اونوبه عالملزومه يحمل  
بس عليها الفحل يحمل  
واللون من عدها انخطف  
اوگعب ذاك الجيش بالذل

لوله الشهاده او طاعته الباريه

ما ظل بالاوطان من آل سفيان

چاگطع كل ترثه هند وسميه

\*\*\*

عگب ماشنت شملها  
غافله العبدي يويلي  
شبگ فوگ المهر لاچن  
او بالطفوف ابذل فراسه  
اوطبر بالصمصام راسه  
آمنو من بطش باسه

عادوا وهوه ابظهر المهر

وتواردو طعن او طبر

بالبيض ورماح السمر

\*\*\*

ليه تعنه احسين شافه  
بالمواضي اموزعينه  
صاح اويلا يا عزيزي  
ردتك لعند امك ضخر  
سايح ابدمه او رميه  
اودمه يجري اعله الوطيه  
رحت يوليدي امن اديه  
واظل شريده الهاليسر

عندي بعد ماتم صبر

\*\*\*

أويلاه يا عزيز الروح  
يبويه اشلون اشوفنك  
يبني يا علي الاكبر  
وانته اعلى الثره امطبر

يبويه لو صخر جلمود      گلبی ذاب وتلفطر

الله يساعد مهجتي

الفرگاك يا ریحانتي

يا ضوه اعيوني اوسلوتي

\* \* \*

### في ليلة العاشر من محرم

لا تطلع يفجر الشوم      خلها اتطول هليله

حتى حسين والشبان      تتوادع اويہ العيله

\* \* \*

يا فجر الفراگ ايھون      الله اعليک لا تطلع

حتى ابنآت حامي الجار      من الأهل تتودع

مصباحك يفجر الشوم      بيه الحرم تتروع

هون لا تطر ابساع \* بيك گلوبنه ترتاع \* هذا الليل تالي اوداع

بيه نريد نشبع شوف      منه او من مداليله

\* \* \*

ليلة عاشر ابعاشور      من علگت روايه الشر

والعسكر زحف كله      وگام اعلى الخيم يفتر

با الشر هيست زينب      گلبها انخمش وتطير

صاحت يا بنات الدين \* علايم بينت للبين \* گو من نعتني لحسين

ونطب لعد صيوانه      ومن الخوف نشچيله

\* \* \*

زينب لمت النسوان      وتعتت الصيوانه

لاچن ترجف امن الخوف      ومن الهظم نحلآنه

شافت يَمّه العباس      واگباله الريحانه  
طبّت كعدت اگباله \* ومنها العين همّاله \* لمن عاين اعياله  
گامت دمعته تجري      على اطفاله ومطافيله

\* \* \*

گالتله يبو السجاد      هاي الوادم اشعدها  
عليته اشتدت ابها الليل      والبيض ابسواعدها  
هم اعرفت نيتها      وشنهو اويك مگصدها  
بين امي خذانه الخوف      من شفته الجموع اصفوف  
اجيتك والكلب ملهوف

ابكثر الخوف بين امي      اعيالك امست انسحيله

\* \* \*

لمن سمع حچي اخته      هل دمعته وصفگ بيده  
وگام ايعاين الشبله      ونوبه ايعاين اعضيده  
گالها يبت الليث      چتلي الوادم اتريده  
وعندچ يبت حامي الجار \* هليله اخوتچ خطار \* يختي والصبح لو صار  
يامر بن سعد جيشه      وتهجم على الخيم خيله

\* \* \*

لمن سمع حچي اخته      يأمن خوفها تريده  
گام ايعاين الشبله      ونوبه ايعاين اعضيده  
شافه اتغير العباس      وعلى السيف مد ايده  
راد بن الفحل بالليل      يحمل على الزلم والخيّل  
صاح ودمع عينه ايسيل      لا تطلع ابهذا الليل

بين اليحمي ادخيله

\* \* \*

اصبحنه غرب يحسين  
ما ندري اشعلينه ايصير  
والگوم ابسثواياها  
لو جرّت رواياها  
ما تمشي ابظلام الليل  
وتردنه الوطن طاها  
خافن هلحرم تنضام \* ما ترضه يخويه اتنام \* رمله اتصيح يا جسام  
وم الطفل تبجي عليه  
او على الاكبر تون ليله

\* \* \*

نطلع للحرب يختي  
وتعمر حومة الميدان  
مثل النجم شباني  
تتهاوه على التربان  
وظل اوحيد يا زينب  
او بيّه دايره العدووان  
بلمثلت يضربوني \* وگع من ظهر ميموني \* وتشوفهم يذبحوني  
ومر الله نفذ يختي  
او ما نگر التبديله

\* \* \*

گالتله وشوفنك  
ودم النحر يتجاره  
عساهن يعمن اعيوني  
ولا ظل بيك محتاره  
گبل الچتل بين امي  
سوي الها الغرب چاره  
ردت صدت العباس \* گالتله يبو النوماس \* اروح اميسره اويا الناس  
ماني اختك يبو فاضل  
وبگه اخلافك اذليله

\* \* \*

من يثرب طلعه اوياك  
ونته اتچفلت بينه  
بيدك على الصدر دگيت  
چاوين البخت ويسنه  
گام امن العزم يرعش  
وسل السيف بيمينه  
اشلون اصبر بعد يحسين  
على الضيم اشيصبرني

وزينب تهل دمعها      وتريد البخت مني  
 خليني اطلع الها الخيل      ورضي ام الحزن عني  
 ترضه يبن عكد الوله \* اختي ابوجودي اموجه \* وانه الجبتها الكربلا  
 \* \* \*

### الليلة العاشرة من المحرم

زينب هلمسيه ادور      والنسوان وياها  
 كل ساعه وتطب صيوان      وتودع الولاها

\* \* \*

هذا الليل تالي اوداع      زينب نادت النسوان  
 ياالله اساع گومنه      حتى انودع الوليان  
 روحن يا بنات الدين      كل وحده لعد صيوان

رمله اتعنت الجاسم \* من عدها الدمع ساچم \* صاحت يا بدر هاشم  
 يبني اشلون اودعنك      ونته العيني اضواها

\* \* \*

ربيتك ادمع العين      يبني وحسب الايام  
 لبالي اعرسنك      وفرح بيك يا جسام  
 يبني ابدال المنصه      باچر على الوطيه اتنام

كل الوسف يوليدي \* راح ارباي من ايدي \* اظل اخلافك اوحيدي  
 وذكر عرسك ايامه      وروحي الحزن يعلاها

\* \* \*

ويله اتعنت الاكبر      وطبت لعد صيوانه  
 گامت تهل عيناها      من شافت الريحانه

تگله بس سواد الليل هذا يا علي اويانه  
يا مدلول باصرني \* على الفرگه اشيصبرني \* اخذني للحرب يبني  
خليني انچتل وياك يا شبه النبي طاهها

\* \* \*

الرباب اتشيل عبدالله تحبه ابنحره وتشمه  
تگله حرمله باچر يبني ايفطمك ابسهمه  
گلي اشلون اشوفنك ومن نحرک يكت دمه  
بيني اشلون اشوفنك \* امخضب من زغر سنك \* صادر يا ذنب منك  
رگبتك يا ضوه اعیوني تتطوگ امن دماها

\* \* \*

زينب راحت العباس طبت گعدت اگباله  
گالتله يبو فاضل ومنها العين هماله  
باصرني بخوك حسين وعياله وبطفاله  
باچر من يصير الكون \* يا عباس وتروحوون \* گلي ابهالعيال اشلون  
يا هو اللي يظل عدها ومن الگوم يحماها

\* \* \*

لو رحتوا يبحر الجود بالكون اشيطان عدنه  
وخاف اخيول عدوانك عگبكم توصل الحدنه  
ماتحجي اويه اخوك حسين خلي اليثرب ايردنه  
اخاف الگوم تولينه \* وتسلب عز العلينه \* وبالذله تخلينه  
اشحال الحرم لو صارت يخويه ابوليت اعداها

\* \* \*

من يثرب طلعه اويك ونته اتچفلت بينه  
واليوم البخت مريود من عندك يواليينه

سوي الها الحرم چاره لتروح وتخليه  
لو غارت عليه الكوم \* وين اروح يا جيدوم \* وياي العزيدك گوم  
تراني الخوف ماخذني وگامت تهل عيناها

\* \* \*

لمن سمع حچي اخته وشاف الدمع گام ايهل  
تغير ونخطف لونه وينفخ گام مثل الصل  
يگلها بلوجود أنه ودمعج على الوجن يهل  
دمعج يزيب لايهل \* وانه بلوجود وعدل \* يا هو الذي الحدچ يصل

\* \* \*

يزيب بعد لتخافين وانه السيف بيمينني  
باچر احملى اعلى الجيش وبعينچ تشوفيني  
لاچن يا ضوه اعیوني اريدنچ تعذريني  
لو طحت فوگ المشرعه يمي اچفوفي امگطعه

وجسمي المواضي اتوزعه

\* \* \*

### وداع الحسين ﷺ لعائلته

هون يا سواد الليل لتروح او تخليه  
بيك انريد نشبع شوف يا ليل من اهالينه

\* \* \*

يا ليل النوايب طول وارحم حال هالعيه  
تريد اتودع الوليان بس اسواد هالليله  
حتى اتروح يم حسين وامن الهظم تشچيله

زينب طبت على احسين تجري الدمع على الخدين

گالتله ينور العين

باچر من عگب عيناك المن وزمت بينه

\*\*\*

بين امي حرم واطفال ما تسمع بواچيها

ياهو اللي يظل عدها ومن اعداك يحميها

تدري الحرم ما تنهاب لو فگدت اهاليها

سوي الهالحرم چاره \* بين الما يذل چاره \* تراني جيت محتاره

منكم هم يظل واحد من هالگوم يحمينه

\*\*\*

لمن سمع چچي اخته سالت دمعتة العطشان

يگلهها كل اهل بيتي تگضي ابحومة الميدان

بس ابني علي السجاد ييگه من المرض نحلان

الهائي الحرم واطفالي \* غيرچ ما يظل والي \* يزينب انتي ابدالي

شمل الحرم من بعدي اريدنچ تلمينه

\*\*\*

بيهن هلتن هله يزينب من يفگدني

الذل والضميم يعلاهن وايظلن يندبني

طريح ابخطة الحومه يزينب لا يشوفني

ما اقبل يجن يمي \* وانه امخضب ابدمي \* يزوداعلى الكلب همي

لو گامن علي يبچن واسمع ونت اسكينه

\*\*\*

اشبيدي على الحرم يختي لو گامت تون واتنوح

هذي كتبت الباري سجلها القلم با للوح



توليها العده اخلافي      وانه اعلى الارض مطروح  
عيني شاحبها عليها \* وشوف اعداي توليها \* اولا اقدر احاميها  
من جسمي العده يختي      كل مفصل امصوبينه

\* \* \*

عليهن تسجب ادموعي      من اعاينهن ابها الحاله  
ذليله او موجبه اگبالي      ومنها العين هماله  
يزينب من صبر مثلي      اعلى هضمه او ذلة اعياله  
مثلي اعلى الهضم صبري \* اشمايسدي اوعلی يجري \* عدوي لو قطع نحري  
ونتي موجبه اگبالي      وابعينج تشوفينه

\* \* \*

تگله ريتني عميه      ولا اشوفك يماي العين  
جسمك على الثره مرمي      واعليه دايره الصويين  
وشوف الشمر بعيوني      اويگطع منحرك يحسين  
وانته طريح اعلى الثره \* جثتك ابدما امعفره \* ابيض المواضي اموذره

\* \* \*

يخويه اشلون اشوفنك      ابعيني اعلى الثره مطروح  
اوشيبك بالدمه امخضب      او من نحرك الدم ايفوح  
يخويه من عگب عيناك      هاي الحرم وين اتروح  
ياهو اليگف يحمي الحرم      العسكر عليهن لو هجم

اوشبت النار ابها الخيم

\* \* \*

نېگه اخلافك ابيا حال      لمن نطل وحدنه  
او تدري ابها الخيم يحسين      اطفال او حرم عدنه  
بين امي او عگب عباس      ياهو اليثرب ايردنه

عنك خواتك لومشن \* يا هو ايتوزم بالظعن \* لمن نسدر للوطن  
لفينه ابذمتك يحسين والكربله اتعنيه

\*\*\*

### ليلة العاشرة من المحرم

لم اهل بيته حسين ونصاره ابدمع يتجاره  
يخطب عليها ويجشف اسراره ابدمع يتجاره

\*\*\*

لمها بالصيوان كلها وابته حسين ابخطبه  
حمد باري الكون اول وثنه على الهادي اوعترته  
عابن ابعينه عليها وسالت اعلى الخد دمعته  
گاللها والمدمع يصب يسباع يليوث الحرب  
همي انشحن منه الكلب والعمر يكرام عفته  
هاي الروايه اللي لفت لينه اودايره اعليه  
چتلي تریده وروحي محتاره ابدمع يتجاره

\*\*\*

ونتوا يصحابي اويگومي اويخوتي يهل الحميه  
اوياي على الخير اعتينتوا لا على احتوف المنيه  
امشو يهل الشيم عني وخلوا ضعني ابهل الثنيه  
ردوا الوطنكم يا هلي انه يخوتي المبتلي  
الچتل دون اعويلي اوتظل بين اجموع اميه  
وادري عگب عيني يذلوها ولا يرحموها  
وعلى الهزل تمشي اويه العده ايساره ابدمع يتجاره

\*\*\*

حلت اعليكم البيعه	ما عليكم حرج مني
و ضربوا ارض الله الوسيعة	گوموا الوحو الخيل و امشوا
و بن مرجانه اطبعه	ما امد ايدي و بايع
واصبح يسير الها النذل	هيها ت امد ايدي و اذل
وامي الزهره الشفيعه	و جدي النبي سيد الرسل
ولها امد ايدي	اخضع او الوي على الهظم جيدي
ابدمع يتجاره	لا وحق ضلع امي او بسماره

\* \* \*

اوسمعوا انصاره الخطيئه	حين ما سمعوا عمامه
او جرد الماضي ابيمينه	گام بن ظاهر ابزومه
يمن للهادي سلوته	صاح وين انروح عنك
شنهو يبو اليمه العذر	امشي او تظل ابها اليسر
او گال ليش حسين عفته	لو شفت جدك بالحشر
اونحضه بالجنه	والموته وحده اويك يمچنه
ابدمع يتجاره	ولا نحمل الذل عگسبك او عاره

\* \* \*

والغضب لوح ابعينه	گام ابو فاضل انوبه
واحنه على الموت اعتينيه	صاح وين انروح عنك
طلعتها امن المدينه	ونته تدري ابختي زينب
اوسالم لعد يثرب ارد	عنك دگلي اشلون امد
من تگلي البخت وينه	ولزينب ابيا عين اصد
وانسه واليها	لالا يخويه اشولن اخليها
ابدمع يتجاره	والخدر انه الضارب استاره

\* \* \*

حچي العباس اويه اخيه	مسوچبه زينب و تسمع
----------------------	--------------------

وامنت يحسين بيه	ايگله انه اتچفلتها
هايبن حامي الحميه	ابشاربك صاحت تراني
اتخليني بالذل واليسر	ما الك من عندي عذر
تصعب الذله عليه	تدري يبن فارس بدر
كون ارد وياك	يا خويه اجيت امن الوطن بحماك
ابدمع يتجاره	لتعوفني باليسر ومراره

\* \* \*

گام ينفخ نفخة الصل	من سمع زينب تحشمه
بن الفحل هيجة المشبل	جذب سيفه وهاج لخته
گسامت ابوجها تهلهل	حين ما شافت وليها
بسيمينك انه امسلمه	صاحت بين حامي الحمه

على الهظم ماني امعلمه

\* \* \*

ويهز بيمينه المذهب	اگبالها گام ايتچنه
اليوم لعيونچ يزينب	صاح لفني الجيش كله
يا هو للثايه ايتگرب	لا يهم الفزع گلبچ
موچب على احدود الخيم	وانه يرف بيدي العلم
لدعيلچ العسکر خذم	خل تمن ابحالي الحرم

\* \* \*

لفني هاي الگوم كلها	اليوم لعيونچ يزينب
وجلب الكوفه اعلى اهلها	سربه لردمها اعلى سربه
خيمتچ ياهو اليصلها	بعد لتخافين يسختي
من عودچ الشخصچ ضخر	وانه يبت فارس بدر

لفنيلچ ايسيفي الكفر

\* \* \*

## في ليلة العاشر من محرم

زينب لمت النسوان

راحن كلهن ايودعن الوليان زينب لمت النسوان

\*\*\*

ليله راحت يم الاكبر لاچن ابيا حال ليله  
نارها امن الحزن تسعر غدت والدمعه هميله  
هذا تالي اوداع منك يبني يا الأكبر الليله  
تقله ومدامعها تدر والگلب يتواگد جمر  
ردتك لعد شيبى ضخر ولو وگع حملي تشيله

ما ادري الدهر خوان

لبسني اعلى فگدك ثوب الاحزان زينب لمت النسوان

\*\*\*

ورمله الجاسم تعنت تنحب وتجذب الونه  
ما تهنيت ابشبابك والعرس ايست منه  
يبني يا عريس گبلک چفه من دمه ايتحنه  
لنحب على افراگك وون وتجلبب ابثوب الحزن  
انساک يوليدي تظن لا تظن هاي المظنه

لا ولنزل القرآن

ما انساک يا شمعة الشبان زينب لمت النسوان

\*\*\*

وزينب اتعنت ابونه وراحت الخيمة وليها  
طبت وگعدت اگباله والهضم بين عليها  
ناداته يحسين عگبک هلعيال اشلون بيها  
لو رحنوا باچر للحرب ومسيتوا نومه اعلى الترب

نېگه یبو الیمه غرب امن العده یا هو ایحمیها

لوجت خیل هلعدوان

وشبت بالخیم یحسین نیران زینب لمت النسوان

\*\*\*

وین ننطی الوجه عگبک لو لفت هـلگوم لینه

وغارت وحرگت خیمنه وسلبت کلما علیه

هم یظل منکم شریده یگف من عدها ایحمینه

گالها ودموعه تهل ما یظل من عدنه عدل

کلنه یزینب ننچتل بالمواضی امگطعینه

بس واحد یظل وجعان

ما یوعی الوصیه وجسمه نحلان زینب لمت النسوان

\*\*\*

هـذا امر الله یزینب جاری اعلیه وعلیها

اشبییدی یختی اعلی الودایع من یحل الضیم بیها

انتی یا زینب اخلاقی اعلی النوایب صبریها

من تهجم اعلیها الکفر وسلبو من عدها الیزر

یختی علیهن بالصبر

\*\*\*

والله یا زینب او دن میت الف مره المنیه

ولا خواتی ایسلبوها ویمشن اخلاقی سبیه

هنه فوگ الهزل یمشن وانه اظل فوگ الوطیه

ابگه رمیه اعلی الثره وجشتی ابدماها امعفره

وهیه تروح امیسره

وفوگ راس الرمح اخوهه راسه اتشوفه

\*\*\*

## في رثاء الطفل الرضيع

لمصاب الطفل يا عين      دمعج خل يهل عبره  
ضامي وبين ادين حسين      صابو با السهم نحره

\*\*\*

من جفت ثدايه امه      وگام ايلوع بالصيوان  
زينب جابته لحسين      گالتله الطفل عطشان  
اعليه لحلگ يبو اليمه      وخذه الجيمة العدوان

بلچن من يشوفونه \* يحنون ويرحمونه \* بعد ميشوف بعيونه  
وخاف الطفل يبن امي      العطش يلحگ على عمره

\*\*\*

عاین لعد طفله حسين      شافه انخطفت الوانه  
وذاب امن العطش چبده      والحر يبس السانه  
شاله حسين وتعنه      لعد اجموع عدوانه

عن الحر يضلله \* ودمعه الحاله ايھله \* صد ذاك الجمع كله  
ويعاين لعند حسين      شنهو الشايله ابكتره

\*\*\*

صاح وكلهم يسمعون      يا شيعة بني سفيان  
كتلتواكل هلي وگومي      اوسدتوهم التربان  
ما ظل غير عبدالله      اواحد بالخيم وجعان

يا گوم اشتطلبوني \* دعيتوني وخذلتوني \* ذبحتوا وهضمتوني  
وتدرون النبي اشوصه      بالقرآن والعتره

\*\*\*

انچان الکم طلب عندي      ومني اليوم تردونه

هذا الطفل شلکم دین      عنده وش تطلبونه  
ذاب امن العطش چیده      ومن عنده انخطف لونه  
ضامي من امس لليوم \* ما شافت اعيونه النوم \* ما يحمل عطش يا گوم  
رضيع ويابسه ارياگه      عن الماي شيصبره

\* \* \*

طلع حرمله امن الخيمه      ويیده سهم المگدر  
وين ايصيب عبدالله      گام عليه يتفكر  
عين بالسهم جيده      وطاح السهم بالمنحر  
سال امن النحر دمه \* وشيگ ويلى اعلى ابواليمه \* سدر بيه لخيمه  
لاچن تهل عبراته      وعليه يجذب الحسره

\* \* \*

صاح ابصوت يا زينب      تعاي اخذي الطفل مني  
يخويه اصواب عبدالله      هد حيلي ونحلني  
صابه حرمله ابنحره      ومن عنده گطع ظني  
يزينب لمن تشيليه \* ابهیده اوياه لتلچميه \* سهمه بالنحر خليه  
اريد ابساعة الموقف      اراويسه لمي الزهره

\* \* \*

طلعت زينب وصاحت      يعبدالله يبعد الروح  
يعمه يا ذنب جاني      ويردك حرمله مذبوح  
لحرم على اعيوني النوم      لمصابك وجيم النوح  
ابنحره گامت اتشمه \* وصارت للحرم لمه \* تعال وشوف حال امه  
لمن شافت اصوابه      فيض بالدمه صدره

\* \* \*

گامت على الوجه تلطم      وتناديه يوليدي



سهم الصوب اوريدك      ريته ايطيح بوريدي  
يا ورده التسليني      وخطفها البين من ايدي  
عليك البين حاتفني \*      ومن ارباك خيبيني \*      على الفرغه اشيصبرني  
ردتك عكب ابوك حسين      تجبرلي الكلب كسره

\*\*\*

### الحسين عليه السلام يستغيث فلا يغاث

لبـيـك لبـيـك \*      يا رافع لوه الاسلام والدين \*      ها يحسين لبـيـك

\*\*\*

ابصوتك عطلت يحسين الفلاك      وگامت تبجي الملاك  
وحيد ودايرين ابشخصك اعداك      يخويه وتشخب ادماك  
ما ظل من هلك بالكون وياك      عدل تنخا وينخاك  
كلهم نعب بيهم طائر البين      آيـحـسـين لبـيـك

\*\*\*

وحيد وتستغيث ابين هالكوم      ولا ناصر يـمـظـلوم  
عمامك وخوتك گوضت هاليوم      وخذها على الثره النوم  
ظلت بس حريمك تگع وتگوم      وبصيوانك اتحوم  
تصيح انتة ويصيحن بالصواوين      ها يحسين لبـيـك

\*\*\*

يخويه الله يعينك يسبو السجاد      گـبـلـتـك مالها عداد  
عليك اهل الغدر لزموا الموارد      وجمـر العطش وگاد  
فعل بيك الدهر يحسين ما راد      لا اخـوه ولا لولاد  
ضحايه اعلى الأرض من غير تجفين      آيـحـسـين لبـيـك

\*\*\*

يخويه الله وكبر دارت اعدا  
ما واحد يسل مرهفه ابيمناه  
ما ظل من عمامه وخوته اويا  
كلهم مسوا على الغبره مطاعين

\* \* \*

بيمن تستغيث وكلها عدوان  
وخوك اعلى النهر من غير ذرعان  
ما ظل بالمخيم غير نسوان  
المن بعد ترجمه وشابح العين

\* \* \*

گلي اشلون بينه اخلاف عيناك  
اخاف اعلى المخيم تهجم اعداك  
اخذنه للذبح يحسين وياك  
يسين عگب عينك هلخواتين

\* \* \*

يحيدر ما تطر الكبروتگوم  
وتشوف اشلون ببنك دارت الگوم  
بيك امخدراتك گامت اتلوم  
وتنادي يفارس بدر وحنين

\* \* \*

ما تنهض عجل يا حامي الجار  
وتشوف ابكربلا اعلى اشبولك اشصار  
خلصو بالمعاره ازغار وكبار  
بالحومه وحيد وماله امعين

\* \* \*

ويستلفت ابعينا  
اويوگف دون مبنا  
اليستوزم ويحما  
آيحسين لبيك

يبن امي يعطشان  
ومطرحه الشبان  
يبن امي ورضعان  
آيحسين لبيك

يمن روحي فداياك  
وتروع يتاماك  
مانگدر الفرگاك  
آيحسين لبيك

وتحورب يسجيدوم  
من كل كتر وتحوم  
تريديك تصل هاليوم  
آيحسين لبيك

وتجردالبتار  
وتحورب يمغوار  
وظل حسين محتار  
آيحسين لبيك

ساعه وعتناني المهر خالي  
وفگد يا علي عزي ودلالي  
يبويه ما تگوم اتشوف حالي  
وتمت يا علي لمت نساوين  
وظل يصهل گبالي  
وتسم من غير والي  
ظل الطنب خالي  
آيـحسين لبيـك

\* \* \*

يبويه اشلون اشوف السرج مگلوب  
وتفزعله حرم وگلوبنه اتلوب  
يبويه انته الذي بالظنك مندوب  
ما تلفي البناتك يبو الحسنين  
وخوي ايطيح مصيوب  
ومنه الدمع مسچوب  
وانته داخي البوب  
آيـحسين لبيـك

\* \* \*

ما تنهض اتطر الگبر  
ساعه اوخذو منها اليزر  
وتجول من كتر الكتر  
ويحكم على ابناك زجر  
مالك امن ابناك عذر  
وهجمت على اخيمها الكفر  
بالبيده يا فارس بدر

\* \* \*

### ليلة الحادي عشر

زينب ناداته ام چلثوم  
الليله الخيم والنسوان  
والعبرات تجريها  
من يوگف يحاميها

\* \* \*

من چلچل ظلام الليل  
سالت عينها وصاحت  
والله حسين حيرني  
گامت لمت العيله  
عليه اشيكضي هليله  
بعياله ومداليله

ما ظلت زلم عدنه \* توگف تنظر ابحدنه \* يم چلثوم وحدنه

ليلة شوم هليله مدري اشلون نغضيها

\* \* \*

اگفي ابيسرة الصيوان وانه اوگف على ايمينه

لو شفتي ابسواد الليل واحد مجبل اعليه

گليله يهل مجبل لا تگرب بعد لينه

احنه ابناات حامي الجار \* جدنه المصطفى المختار \* فگدنه ارجالنه بنهار

اوظلت بالخيم نسوان تتباچه اعلى اهاليها

\* \* \*

ظلت موجبه اتعاين لنها من بعيد اتشوف

سواده مجبله اعليها وخذها من السواده الخوف

گامت زينب اتنادي ومن عدها الكلب ملهوف

يهذا المجبل اعليه \* لا تگرب بعد لينه \* اطفال وحرم ظلينه

وبونه البضنك مندوب كل شده ايحضر بيها

\* \* \*

يزينب سمعته اينادي امني او بعد لتخافين

اجيت انظر كم الليله وتفگد اطفال حسين

عرفت صوته اوصاحت يا فارس بدر وحنين

ما مریت بالحومه \* وشفيت احسينك وگومه \* ضحايه وعلى الأرض نومه

اوبناتك ظلت اخلافه الذل والهظم عاليها

\* \* \*

عنه اشعوگك لساع وانته التحضر الشده

ما تدري عليه اشصار من هاي الكفر وسده

ذبحوا يا علي احسينك ولا خلوا طفل عنده

خلصت يا علي الشبان \* كلها ابخطة الميدان \* ضحايه امست على الترابان  
وخيل الغوم بالحومه تغاور گامت اعليها

\* \* \*

شحچيلك يداحى الباب واته ابكل خبر تدري  
بسم طاح اخوي حسين بالحومه انهتك ستري  
اته اللي چنت حارس ابمصامك على خدري  
يفارس بدر ذلوني \* عگب ولياي ضربوني \* تعال وعارين امتوني  
وشوف اصياط عدوانك اشسوت يا علي بيها

\* \* \*

شحچيلك يبو الحسين عگب حسين ونصاره  
عليه دعت الجيمه وجتنه اخيولها غاره  
سلبو كل براجعه والمخيم دوة ناره  
من وجرت نار الخيم والعسكر عليهن هجم  
فرت امن الخوف الحرم

\* \* \*

راحن للمسنايه لبوفاض گمر هاشم  
لگنه امگطعه ازنوده ابشاطي العلگمي ونايم  
صاحن گوم لخواتك يراعي العلم والصارم  
ما ظل شريده الهل اليسر \* يحميها من اهل الغدر \* سلبوا من عدها اليزر

\* \* \*

### في ليلة الحادي عشر من محرم

يا فارس بدر وحنين گوم الكربلا ابهمه  
شوف ابنااتك ابيا حال صارت عگب ابو اليمه

\* \* \*

زينب هلمسيه اتصيح وينه اللي علي ينغر

يساخذ معصبي ويا ويتعنه الكبر حيدر

يگله يا علي ابناك عليهن داير العسكر

عدهن ما بگت وليان \* نومه اعلى الثره الشبان \* كلها ابحومه الميدان

هذا امگطعه اچفوفه وذاك امعفر ابدمه

\* \* \*

بسك يسبو الحمله النوم گوم الكربله الليله

شوف اشبولك ابا حال وسمع حنت العيله

رمله اتصيح يا جاسم وعلي الاكبر تون ليله

وزينب ياوصي الهادي \* الليله اتجول بالوادي \* تلم الحرم وتنادي

ما ظلت شيم يحسين عند الوادم وذمه

\* \* \*

گامت يبو الحمله اتجول وتلم ابیتاماها

من تتذكر الوليان تجري ادموع عيناها

من گبرک يحيدر گوم هليله وتعناها

شوف اشحالها ابها الليل \* من عدها الدموع اتسيل \* من تسمع صهيل الخيل

تگوم اطفالها اتنادي لفته الخيل يا عمه

\* \* \*

من يثرب لعد بغداد رحه وغسلت سلمان

اوگبره بيدك احفرته او واريته يعالي شان

وحسينك ثلث تيام يبگه ابحومه الميدان

جسمه اموزع او عاري \* يحيدر چفته الذاري \* گوم الجشته واري

اوجسمه الرضته العدوان يا حامي الحمه لمه

\* \* \*

يضمك يا علي گبرك وعينك هلمسيه اتنام  
وبناتك صارن ابخيره وبسيهن دايره الظلام  
لا ظلت زلم عدها ولا ظلت الليله اخيام  
بسما طاح ابو السجاد \* وحرگو كل مبانيها \* گوم النار طفيها  
بسما طاح ابو السجاد حرگو يا علي اخيمه

\* \* \*

عليها الگوم من هجمت وشبت بالخيم نيران  
طفله امن الطنب فرت وگصدت حومة الميدان  
زينب حين فگدتها گامت تنشد النسوان  
طلعت فارا ليها \* تدور گامت اعليها \* لگتها ابكر واليها  
لاچنها ابكر الخوف تبجي ولا يذنه يمه

\* \* \*

لزمت بيدها الطفله ولعند الخيم ردتها  
گامت تفگد النسوان لم الطفل فگدتها  
ردت للمعاره اردود تمشي وتهل دمعتها  
لگتها يم طفلها اتنوح \* شايته وهو مذبوح \* تگله ارضع يبعد الروح  
يبنني درن اديوسك وكلسا تنص وتشمه

\* \* \*

صدت لعد جسم حسين زينب گامت اتنادي  
بناتك مرمون گلبي ياريحانت الهادي  
عليه اظلم يخويه الليل وانه افتر ابها الوادي  
بيهن تراني اتحيرت \* كلساعه الوحده افگدت \* المن يظلوم التفت

\* \* \*

ما تدري الحرم يحسين من تفگد اهاليها

تگسع بالهظم والضميم والعبرات تجريها  
نريد لها الحرم وليان يبن امي اوتباريها  
لوردنه نمشي اعلى الهزل وچتفوني يحسين اسجل  
يا طفله اباري او يا طفل

\*\*\*

### ليلة الحادي عشر

زينب هلمسيه اتجول وتلم ابيتاماها  
ما تنهض يحامي الجار لبناك وتحماها

\*\*\*

طر گبرك يداحي الباب وگصد كربلا الليله  
وعاين زينب ابيا حال وسمع حنته العيله  
رمله اتصيح يا جاسم او على الاكبر تون ليله

وعاين يا وصي الهادي \* الرباب اتجول بالوادي \* تگوم وتگع وتنادي  
يوليدي يعبد الله وتجري ادموع عيناها

\*\*\*

گامت بالمعاره اتجول وتعننت لبو اليمه  
لنه اعلى الأرض مرمي وجسمه امخضب ابدمه  
صدت عيناها وشافت عبد الله الطفل يمه

گامت تجذب الحسره \* وراحت شمته ابنحره \* تگله وتسچب العبره  
عامل يا ذنب يبني رگبتك يسفح ادماها

\*\*\*

يوليدي ينور العين فك عينك وعائني



حتى اتشوفني ابيا حال      من عگبك صرت يبني  
لفراگك ورم صدري      وئديي گام يوجعني  
ما ترضع ينور العين \* خيبيني ابرياك البين \* ردتك عگب ابوك حسين  
على الفرگه تسليني      ومك خاب رجواها

\* \* \*

طلعت زينب ادور      ابوادي كربلا عليها  
سواده من بعد شافت      وگصت خايفه ليها  
گامت من بعد زينب      تنشدها وتحاچيها  
من سمعت ابونتها \* ذاك الوكت عرفتھا \* اجت يمها وشافتھا  
ابحضنها الطفل عبدالله      وتسجلب ثداياها

\* \* \*

تگلھا اشعندچ اهل الليل      بالحومه دخبريني  
شالت راسها اوصاحت      يزيب لا تلوميني  
شخص امچ تراوالي      وسمعھا تحاچيني  
ومن عدها الكلب ولهان \* تگلي اتني ابذره الصيوان \* وعبدالله على التريان  
وليه اطلعت يا زينب      وعيني ايسيل مجراها

\* \* \*

گامت على الوجه تلطم      زينب حين سمعتها  
لزمت ايدها ابچفھا      ولعد الخيم ردتھا  
يسحيدر گوم لبناتك      وشوف اشلون محنتھا  
شحچيلك يوالدها \* ما ظلت زلم عدها \* انهض ووكف ابحدھا  
حتى اطفالك اتأمن      لو شافتك وياها

\* \* \*

يضمك يا علي گبرك      وانته البلضنك مندوب

وبناتك ابهاذا الليل      ظلت بلخيام اتلوب  
انته الغسلت سلمان      ودفتته يداحي البوب  
وشبولك ابطف كربلا \* فوگ الوطيه امجدله \* وبدمهاكلها امغسله

\* \* \*

يحيدر ليش ما تنهض      وشدت زينب اتحلها  
وتوصل كربلا الليله      ومچاتيلك تغسلها  
وتاخذ يا علي ابنااتك      واليثر ب توصلها  
لا تصبح ابوليت زجر \* اوياخذ بناتك باليسر \* يجلبها من كتر الكتر

\* \* \*

### ليلة بلا حام ولا كفيل

اشحال هليله اليتامه      عگب الحسين وعمامه

\* \* \*

لمت النسوان كلها      زينب او ناحت الذلها  
هاي تتذكر طفلها      وذيج تبجي اعلى الشامه

\* \* \*

زينب اتحيرت بيها      وفگدت طفله الويها  
طلعت ادور عليها      والگلب يلهب ضرامه

\* \* \*

شافت امن الگوم حارس      نادته والريج يابس  
ما شفت طفله يفارس      رضخت الحره الكلامه

\* \* \*

صاح يا زينب اظنها      با المعاره اسمعت ونها  
اتعننت ادور ولنسها      يم الحسين اومننامه

\* \* \*

اتخاطبه ابونه شجيه  
الليل هل چلچل عليه  
يبو اسكينه اشلون بيه  
وگمت اخافن من ضلامه

\* \* \*

ابعدت عني اخيمي  
دنهض او وديني لمي  
وانه وحدي وزاد همي  
يسبن زراگ الرخاهه

\* \* \*

دنت زينب وسمعتها  
خافت وجثته اشبگتها  
ظنت العدو ان اجتها  
وصرخت وحببت اجدامه

\* \* \*

اتصيح بويه الكوم اجوني  
خاف منك ياخذوني  
گوم ليه انخطف لوني  
وتدري ما بيهم شئامه

\* \* \*

زينب ابكثر الهضيمه  
انه عمتچ يا يتيمه  
نادت ابدمه سچيمه  
گسليچ ايخاف اشعلامه

\* \* \*

سمعت وشبگت عليها  
دارت اعلى الطفل اديها  
ولاذت امن الخوف بيها  
والدمع زاد انسجامه

\* \* \*

اشجابچ الصوب المعاره  
من لفتنه الخيل غاره  
اتگلها والمدمع تجاره  
وحرگت ابن امچ اخيامه

\* \* \*

اطلعت من عدهن ابهمه  
شفت ابوي وجيت يمه  
اوتهت بالبيده يعمه  
ظنتي بي رجوه سلامه

\* \* \*

الكيت جسمه امخمينه      وبالمواضي اموزعينه  
ايساره مگطوعه ويمينه      وخيلهم رضت اعظامه

\* \* \*

### ليلة الحادي عشر

زينب على التل اتصيح      وتـحشم بهاليها  
شبت بلخيام النار      ويسنه اللي يظفيها

\* \* \*

زينب موجه على التل      مسذهوله وتدير العين  
نوبه اعلى الصدر تلطم      ونوبه تخمش الخدين  
ماظلت زلم عدنه      وفزعوا على الخيم صوبين

اخوتي اعلى الأرض نومه \* ومنهم فرغت الحومه \* ظلت حرم مهضومه  
سلبو كل براجعها      ولا خلو حلي عليها

\* \* \*

صدت للمعاره اتصيح      لحد يخوتي لحد  
لينه الخيل اجت غاره      وتعدت يخوتي الحد  
كل الخيم حرگوها      وعزكم يا هلي اتفرهد

وسلبو عز العلينه \* ومن الخوف فرينه \* يتامه وحرم ظلينه  
مدري اوجوهنا لاوين      عن هلگوم ننطيها

\* \* \*

ماخذنه الرهگ والخوف      نتراجف حرم ویتام  
لاخلو يزر عدنه      ولاخلت النار اخيام  
يفر الطفل من خوفه      وتدوسه ابخيلها الظلام

كفر عمدن يدوسوها \* يتامه ولا يرحموها \* والتشرد يضربوها  
 بديها اتشاگف الضربه حتى اسودت ايديها  
 \* \* \*  
 يا تالي هلي يحسين گوم وشوفنه ابيا حال  
 عگب الخدر ذلينه وتولت علينه انزال  
 يبن امي لفانه الليل وحنه بس حرم وطفال  
 ما ظلت خيم عدنه \* ولا حارس بگه ابحدنه \* هليله اشيهودنه  
 خواتك من يجن الليل من يوگف يحاميها  
 \* \* \*  
 طلغنه ابشيمتك يحسين من يثرب وطن جدنه  
 وجبتنه الكربلا وياك ونسته الحارس ابحدنه  
 يبن امي عگب عيناك يا هو اليثرب ايردنه  
 حريم وغرب ظلينه \* من عگبك يوالينه \* باچر لو مشوا بينه  
 اعيالك بالدرب يحسين يا هو اللي يباريها  
 \* \* \*  
 ترضه شيمتك يحسين نمشي اويه الغرب يسره  
 نگبع بالهضم ونروح حسره انجر بثر حسره  
 على الشاطي يظل عباس ونسته اموسد الغبره  
 جثتك تظل اعلى الثره \* ابيض المواضي اموزره \* وبفيض دمها امعفره  
 شگله اللي يناشدني وليانچ يزيب وين  
 \* \* \*  
 لا عباس يبرالچ ولا وياچ اشوف حسين  
 اگله ابكربلا ظلوا ضحايه اعلى الثره امطاعين  
 ما خلوا امن اهلي عدل وجابونه يسره اعلى الهزل  
 چتفونه كل احنه ابجبل

اشلون امشي وعوفنك      طريح ابخطة الحومه  
 يمك كل اهل بيتك      ضحايه وعلي الأرض نومه  
 يبن امي يهون عليك      امشي ابيسر مهضومه  
 وعيالك اتروح ابيسر \* وتدور من كتر الكتر \* ماين عدوان وكفر  
 من هاي المصيبه الموت      يحسين اهون اعليها

\* \* \*

### يوم الحادي عشر

حيرني الدهر يحسين      وعليه ثگل همه  
 لا اگرد اعوفنه      ولا اگرد اظل يمه

\* \* \*

اشلون امشي وعوف حسين      جسمه اموسد الغبره  
 وبحر الشمس عاري      ودمه ايسيل من نحره  
 يا هو ايغسله اخلافي      وياهو اينزله ابگبره  
 وياهو ايوسده ابلحده \* ويشلع سهم البچده \* وخنصره الجفه ايرده  
 وجسمه العلى الثره امطشر      يا هو اليظل ويلمه  
 اشلون اگرد اظل ويا      وهاي النوگ جابوها  
 يردون الحرم للشام      عگب الخدر يسبوها  
 يا هو اللي يباريها      لو رادو يمشوها  
 وهيه بس جمع نسوان \* عدهن ما بگت وليان \* بس واحد بگه وجعان  
 جسمه امن المرض بالي      ولا بي على الرچب همه

\* \* \*

اشلون امشي ويظل عباس      مرمي اعلى المسنايه  
 يمه امگطعه ازنوده      ويمه الجود والرايه

شگله اللي يگلي وين      حامي الضعن والثايه  
اگله اعلى النهر نايم \* يمه العلم والصارم \* ما يرضه گمر هاشم  
اروح اويه الغرب يسره      ويبگه اعلى النهر جسمه

\* \* \*

چفلني اوجابني ويا      او عاهدني يرد وياي  
اشلون امشي ويظل عباس      مطروح اعلى نهر الماي  
ما والله عليه ايهون      امشي ابسر ويه اعداي  
شگله لو يناديني \* يزيب ليش عقتيني \* تمشين او تخليني  
وانه امگطعه اچفوفي      وجسمي امخضب ابدمه

\* \* \*

اشلون ابگه وشوف الروس      شالوها العده اعلى ارماع  
واسمع للحرم حنه      وكبر لليتامه اصياح  
يا هو الينزل ايرچبه      من عدهم طفل لو طاح  
وانه اتچفلت بيهم \* ارچبهم \* اشلون ابگه واخليهم  
هاي اتصيح يبن امي      وذبيچ اتصيح يا عمه

\* \* \*

اشلون امشي وخوي حسين      عيني اتشوف چتاله  
وشوف اعلى الرمح راسه      يسعاين ذلت اطفاله  
والله اتحيرت يا ناس      بالمظلوم وعياله  
لو اگدر اظل ويا \* وعوف الحرم ويه اعدا \* ولا اگدر على فرگا  
عساني الكربلا لاجيت      وتحيّر يبو اليمه

\* \* \*

## في مسير السبايا

نادت ام الحزن زينب يوم نوو علرحيل  
هلته هله يحادي اضعونه ابحال العليل

\*\*\*

هلته هله يحادي ابهل العليل البليسر  
خالص امن المرض روحه اوغلبه يتواكد جمر  
طارف ابمسراك بينه اوريح لو صار الظهر  
ومن يجن الليل هون خاف من عثرة البيل

\*\*\*

ما تشوف اشلون حاله امن المرض بالي جسم  
او لا بگه اعلى الكور منه غير يا حادي الرسم  
عري النوگه اولو موطيه ابحدج وشداد او حزم  
اونانگته عجفه او مقلعه امنين ما مالت يميل

\*\*\*

او لو سريت ابليل بينه خاف راحلته اتعثر  
اويگع فوگه الكاع منها اويسرع اعليه الكدر  
ما بگه الهاي الودائع ولطفال البسفر  
من اهاليها يحادي غيره والي اولو چفيل

\*\*\*

غير مگصودك لعند الشام اتوصل هلضعون  
اوتطلع المخلوك ليها او على الحرم يتفرجون  
هون بمسراك هذا عليك مگصودك يهون  
لاچن اعلينه يحادي اشياگضي هلدر ب الطويل

\*\*\*



ريضلي وسري اعلى هونك بالله يا حادي الزمل  
او هل اليسير ارفع ورخي عن زنده الحبل  
هم شفت وجعان گبله ايرچبونہ اعللہزل  
اوبالحيال ايگيدونه اودمه من ساگه يسيل

\*\*\*

لاتحت الظعن هون عاد يا حادي الهجن  
اوراقب الباري اورسوله ابهل العليل الممتحن  
شوف هاي الحرم كلها البضعن تبجي اوتون  
ابنات وحي الله اورسوله اوچيد حماي الدخيل

\*\*\*

رابيه ابعر الغوالب وبحمه الما ينوصف  
اوچانت اسيوف الهواشم للخدرسوراوسجف  
لاچن ازره الدهر بيها اوركبت اليوم العجف

وبالحبل ويلى چتفوا ايديها  
وزجر سايجيها او شمر حاديها  
بالهظم گبعت عكب واليها

ولذليل اصبح ابعره والعزيز اصبح ذليل

\*\*\*

اشلون يا حادي الدهر خان بهل بيت العبه  
او عكب ذاك الخدر لنها اعلى الهزل ومسلبه  
هند وسميه ايكللها او بلگصور امحجبه

وانه على الناگه وچتفو امتوني  
اجذب الونه اوتهمل اعیوني  
من عكب خدري ايسر ردوني

اوسكنه للشامات تمشي وكثر من عدها العويل

من هوان الدهر لنها اويه الغرب تگقطع البید

او عگب نغل از یاد تمشی امیسه المجلس یزید

ما تگله ابهل الضحایه الی بگت فوگ الصعید

یا هو یا حادی اجسومها ایلمها

او یمسح التریبان عنهن اودمها

او من یغسلها او من یظل یمها

یا هو یدفنها یحادی عنها لو ردنه نشیل

\* \* \*

### فی مسیر السبایا

من هوان الدهر زینب تصبح ابذل الیسر

او تمشی للشامات حسره والیباریها زجر

\* \* \*

بالله یا حادی الرجایب لا تحت نوگ الضعن

خاف زینب والفواطم بالدرب یتروعن

ابنات وحي الله ورسوله وبالخدر والعز ربین

طارف ابمسراك بیها وریح لو صار الظهر

\* \* \*

سامع ابزینب خدرها اشلون یا حادی الزمل

یوم چانت بالمدینه اوچان والدها عدل

من ترید اتزور جدها المصطفی سید الرسل

ابلیل تتعنه الضریحه گبل میطر الفجر

\* \* \*

علیمین الحسن یمشی ولحسین اعلی الیسار

وعودها جادم علیها وبیده مشهر ذوالفقار

وقبل ما توصل ضريحه يعتني حامي الجار  
نطفي ظي كل القناديل لعد بنت الظهر

\*\*\*

خاف لن واحد يحادي نايم وعينه تشوف  
اخيال زينب من تزور علگبر لمن تطوف  
هم تظن بالكون وحده امحجه ابرج الشفوف  
مثل زينب لا وبوها المرتضه فارس بدر

\*\*\*

وحين للكوفه يحادي الضعن والدها اعتنه  
وعاصمه صارت الملكه وبيها عرش الصلطنه  
جاب زينب من وطنها ولها بالكوفه بنه  
خدر بالبيض المواضي التشع ورماح السمر

\*\*\*

ولو لفه اعلى الكوفه وبه بشر كل گلب  
تگصد الاشراف كلها لعد چشاف الكرب  
تطلب الرخصه الحرمها حتى يم زينب تطب  
يصيح لا هيهات وحده يم شخص زينب تمر

\*\*\*

حيث يدري الحرم من تگعد ابخدر الحرم  
تروح تحچي الي تشوفه وبه ولياها اتعلم  
وهوه ما ترضه حميته اتخطر زينب بالوهم  
هلذي يمنع يحادي ويبدي للناس العذر

\*\*\*

اسمعت يا حادي ابخدرها او شوف سترات الدهر

مامضت ايام اله وزينب ابهذا الكدر

راجبه امن النوك هزله وبيها كل ساعه اتعثر

وبيها بالكوفه عداها اتطوف من كتر الكتر

\* \* \*

ريت ابوها اتشوف عينه حين للكوفه لفت

وطلعت النسوان ليها وبيها كلها اتشمتت

وحين صدت للشماته انكسر خاطرها وبجت

وغدت تتذكر خدرها ولگلب يلهب جمر

\* \* \*

بعد شحچيلك يحادي اوشوف عملات الزمان

فوك هذا الهظم كله وهلمذله وهلهوان

راس اخوها احسين يمها ايلوح ابراس السنان

وتربي عينه اعلى الطعينه ويتلي بايات النصر

\* \* \*

هون المسره يحادي ورفج ابهاي اليسر

حرم مكسورت خواطر اليباريهن زجر

\* \* \*

### عتاب لبني هاشم

راحت لعد هاشم حرم وايتام      والهـا عين اتنام

ويه الاجانب غربت للشام      والهـا عين اتنام

\* \* \*

الله خص هاشم ابخمس      اشياء من دون البريه

والشجاعة والحمية	الابيه والجود والعز
حرم ودو هلي سبيه	ما سمع سامع الهاشم
واحدوده تتواكد جمر	على الخدر من يگدر يمر
تنظر احدود الثنيه	البيض ورماح السمر
أبأمر من عدها	حتى الهوه من يوصل الحدها
والها عين اتنام	يدري اعلى حفظ الحرم ما تنلام

\* \* \*

لنها فوق الهزل يسره	سطر چف الدهر سطره
اوتلفت يمنه اويسره	حايره ابذلها اوسترها
هظم ما ينجر كسره	يالعلي والله اعلى غالب
مهضومة مكسورة گلب	للشام عيلتهم تطب
عبره تسجب فوق عبره	وادموعها اعلى الخد تصب
اودارت اعليها	طلعت تدگ بدفوف اهاليها
والها عين اتنام	اوتتفرج اعلى اضعونها الظلام

\* \* \*

ابديرة الشام امنهلها	شافت انواع الشماته
او ذاك متشمت ابذلها	هذا يشتمها اويسبها
اودمعته اعلى الخد يهلها	والعليل ايدير عينه
اميسره اوبيديها الحبل	يعاين اعياله اعلى الهزل
ذله ما صارت مثلها	مجتوفه من طفله الطفل
تصبح ابها الحال	ماو الله چانت على المضم والبال
والها عين اتنام	ايعيفوها عباس او علي اوجسام

\* \* \*

اووگف متيدب اگباله	سهل اگبل للعليل
--------------------	-----------------

اوسالت اعيونه اعلى حاله	عكب ما قبل اجدامه
اومن جرح جبده اشتچاله	گام ابو الباقر يخبره
فدثوب عندك ما يصح	ناده والمدمع يسح
والحديد ابجفه شاله	من الجامعه ابجدي جرح
اوطوق البجدي	ياريت اخوتي اتعين الگيدي
والها عين اتنام	هيات تصبر وبرگيتي اوسام

\* \* \*

دارت الظلام بيها	عكب ما بالشام كلها
بالحبال امچتفيها	طبت اعلى يزيد لاچن
والهضم بين عليها	هبطت للگاع زينب
اوگاللها وانشبها ابولم	من شافها ايزيد ابتمم
هالودايح ما يجيها	چاوين شيال العلم
اتحيرت شتگول	وزينب تسمعه اوظل فكرها ايجول
والها عين اتنام	چيف اعلى هاشم تصبر اوتنظام

\* \* \*

اونادته يبن الدعيه	عاينت ليزيد زينب
اتشمتت ييزيد بيه	چه شفتني ابغير والي
واخوتي اسباع الثنيه	لاچن اشبيدي اعلى گومي
ماچان ظلينه غرب	اوچانوا اليوث الحرب
اوبيه تتجسر عليه	ولا لعد ديوانك نطب
والغوالب وين	وين الگه عباس اوعضيده احسين
والها عين اتنام	يعتب عليها الرمح والصمصام

\* \* \*

چان عند ايزيد شامي      چاعد اعلى التخت يمه

بيده اوماله اعلى طفله      روح لحسين ابو اليمه  
گله اريدن هاليسيره      گصده ياخذها اوتخدمه  
الحقيه الطفله من اسمعت      من الخوف تتراجف غدت  
اولاذت ابعمتها اوبچت      اوگامت اتنادي يعمه  
احنه الذي الاملاك خدمونه      اشلون يردونه  
يا عمه نصبح للكفر خدام      والهاعين اتنام

\*\*\*

صدت الراس ابو اليمه      زينب اوگامت تنادي  
خادمه يردون بتك      وانته ريحانة الهادي  
گوم يا مظلوم لينه      اوفكنه من يسر الاعادي  
جلبونه من كتر الكتر      يحسين بالذل واليسر

واحنه يخويه ابلا يزر

\*\*\*

لا تـخلونه يخوتي      ابهاهضيمه او هالمذله  
زجر يتحكم عليه      واليبارينه خوله  
ولو نشدنه الخصم عنكم      يبو السجاد اشنگله  
كلهم ضحايه ابكربلا      ابيض المواضي امفصله

لحد بين عقد الوله

والله ياخويه هضيمه      نظل من عگبك يساره

\*\*\*

## رجوع السبايا من الشام

زينب تنادي صاحب الرايه جيت شچايه  
عرج يحادي اعلى المسنايه جيت شچايه

\*\*\*

ردت امن اليسر زينب شابچه العشره وتنادي  
سانف ابنوگ الضعينه وللطوف اگصد يحادي  
ارد اروح احچي الجفيلي بالهضمي وعلي سادي  
واحچيله اشسوه الدهر من طاح علي الجالي وذر  
خليته مرمي اعلى النهر ورحت يسره اويه الاعادي  
انه يحادي اربعين نهار ابوليت الكفار  
وندور من اولايه لولايه جيت شچايه

\*\*\*

ارواحنه خلصت يحادي امن الهظم ومن المذله  
اوورمت امتون اليتامه من ضرب زجر اوخوله  
ما يخلونه اعلى اهنه انسوح والمدمع نهله  
لوراد واحد ينتحب بالصوط راسه ينضرب  
ونريد على الوالي انعتب ووصل الكبره وگله  
عگبك يخويه اعداك ضربوني اوورمت امتوني  
وخصمك هضمي اخلافك اهوايه وجيت شچايه

\*\*\*

من سمعها انكسر گلبه وزيد الزينب ونينه  
وصاح طوع امرچ يزينب وخذ على اليسره الضعينه  
حتى يطب للغاضريه والگبر لوح العينه



ناده يبت عقد الوله      ومنه المدامع هامله  
هذي يزنب كربلا      وعلى الكبر اومه ابيمينه  
لطمت وجهها وعلى الارض طاحت      زينب وصاحت  
الكبرك يحامي الضعن والثايه      جيت شچايه

\*\*\*

يعباس اگعد يخويه      وعابن ابعينك الحالي  
چنت بالشامات يسره      من عگب عزبي ودلالي  
استر ابيميناي وجهي      وشگف الصوط ابشمالاي  
لحد يسبع الكنطره      ما تدري ابحالي اشجره  
للشام ارواح اميسره      هاي ما چانت ابالي

\*\*\*

### رجوع السبايا

زينب ردت امن الشام      تنشد عن اهاليها  
تشچي اتريد للوليان      ظيم الي سده عليها

\*\*\*

صاحت يا علي السجاد      وتهل الدمع عبره  
يبني جسم ابوك حسين      گلي ابياكتر گبره  
ارد اگعد وسولفله      ابكل الي سده وجره

واسچب دمة اعيوني \* وراوي للولي امتوني \* عنه ابيوم مشوني

وخبره ابناگتي الهزله      ويا هو الي يباريها

\*\*\*

دلاها اعلى گبر حسين      لاچن على الكبر طاحت  
گامت على الوجه تلطم      وسالت عينها وصاحت

خواتك من عكب عيناك      يبن امي ابيسر راحت  
ردت ليك تشچيلك \* وتتصارخ مد اليلك \* يبو السجاد شچيلك  
يوم الوصلوها الشام      والوادم لفت ليها

\* \* \*

لگينه الناس ملتمه      زلم يحسين ونساوين  
تدك بدفوف يبن امي      وكلها ابچتلك امعيدين  
من شافوا ضعنه اگبل      دارو على الضعن صوبين  
تعاين گامت عليه \* وكلها اتشمتت بينه \* سجادك امگيدينه  
وطفالك يبو السجاد      على الهزل امچتفيها

\* \* \*

ظلينه ثلث ساعات      والوادم عليه صفوف  
كلها امعيده ابچتلك      يحسين وتدك بدفوف  
وطفالك على الهزل تبچي      وترجف امن الخوف  
وبناتك يبو اليمه \* عليها الناس ملتمه \* هاي اتصيح يا عمه  
وذيج اتعاين اعلى الناس      وتسدور اليحاميا

\* \* \*

ذل الصابنه بالشام      مثله ما سده ولا صار  
فوغ الهزل بين الناس      تتصارخ ازغار اكبار  
احسنه المصطفى جدنه      وبونه الي يحامي الجار  
على الهزله يرچبونه \* وسبي الكفر يسبونه \* خوارج من يسمونه  
روحي اتشوغ يبن امي      وود المسوت يلفيها

\* \* \*

يعمه الحرم من تنظيم      تشچي الهظم للوليان  
وتسخبرها ابمصايبها      وهيه اموسده التربان

ما تسمع يماي العين      يمك حنت النسوان  
تريد اگبور ولياها \*      يمها اتزيد ابچاها \*      وتسولف هظم ممشاها  
اشحال الترد مهظومه      وتسبجي لعد واليها

\* \* \*

شحچيلك بعد يحسين      ودري بالشرح يكثر  
چبدي امن الهظيمه ذاب      يا مظلوم وتسفطر  
يخويه اليوم من الشام      لحماك الضعن سدر  
انهض بين حامي الضعن      ليك الفواطم عودن  
ومن الهظم يتصارخن      يردن يردن للوطن

\* \* \*

ما تنهض يبو السجاد      وتردنه الوطن جدنه  
ما نمشي لعد طيبه      وليها نطب وحدنه  
قلي اشتعتذر يحسين      لليلفي ويسناشدنه  
وين الهواشم گوضت      ولچن ابهل الذله رضت  
ويام هيبتچن مضت      ولحرم تتصارخ لفت  
قلي اشتعتذر يحسين      من عدها وتحاچيها

\* \* \*

### في مسير السبايا

زينب لفت يا عباس      ما تنهض تلقاها  
وشوف اشحالها الفرگاك      وتتفقد أيتاماها

\* \* \*

زينب لفت ليك اليوم      يسا عباس شچايه  
تنادي من يدليني اعلى راعى السيف والرايه

يعمه يا علي السجاد أخذني للسمنايه  
اريدن للولي اتعنه \* ونصب على القبر حنه \* وخبره ابيا بلد چنه  
وحچيله اعلى اهالى الشام يبني وهضم بلواها

\* \* \*

يسوم الى وصلنه الشام ريته ايشوفنه ابعينه  
من طلعت اهاليها اوغدت تتفرج اعليه  
وحنه اتهل مدامعنه وعلى الهزل امچتفينه  
والتمت اعليه الناس \* وحنه امهبطين الراس \* ريته ايشوفها العباس  
لمن يبچن اخواته وهى تضحگ على ابچاها

\* \* \*

لحد يا گمر عدنان چه ترضه لهذا الحد  
شفت الموت بعيوني ومن الموت والله ازيد  
اطب ايزيد ديوانه وعليه ايقوم يتنشد  
يقلني وتهل مني العين \* يزينب شسب تبچين \* اخوج حسين عنچ وين  
اوين الليث ابو فاضل عز هاشم وعليهاها

\* \* \*

يزينب ما تحاچينه اشچايچ لعد هلديوان  
چاوين اخوتچ عنچ وبو فاضل قمر عدنان  
قلته ابكربلا تمت ضحايه اموسده التربان  
وجينه المجلسك يسره \* حسره نجر بثر حسره \* تجري ادموعنه عبره  
وهاى الحرم تتباچه يبن هند اعلى ولياها

\* \* \*

يخويه من سمع حچي مني قام يتشافه  
راس حسين بين ايده ويهتف فرح بسلافه

شال العود بيمينه      وقام ايوسم اشفاه  
گلتله وتهل مني العين \* ريض يا يزيد الحين \* لا تضرب ثنايه حسين  
هذا مهجة الزهره      وسلوان النبي طاها

\* \* \*

ريته ايشوفنه الهادي      بين هند اعلى هلحاله  
تضرب راس ابواليمه      وليه تتفكر اطفاله  
وانته اعلى التخت جاعد      ويمك موجه اعياله  
وسفه والوسف شيفيد \* صار الثار يومه ابعيد \* لا بد يوم الك ييزيد  
توقف بالحشر ويا      ويحكم باري اسماها

\* \* \*

شحيك يبو فاضل ابهظم الى سده عليه  
شرحه ايطول يالوالي      وليك اليوم ردينه  
انهض يا گمر هاشم      لعند الوطن ودينه  
انهض او وديني الهلي      وباري ابيمينك محملي  
هيهات ارواح ابلا ولي      ودمعي على اخدودي يهلي

\* \* \*

ما اسدر لعد طيبه      حرمه فاجده الوليان  
وشوف اهل الشماته هناك يا عباس والعدوان  
شقولن لليناشدني      عنك يا قمر عدنان  
شنهو العذر يابو الفضل      من تقطع احبال الوصل  
يا من لعد اختك عگل      عقبك ذليله اشلون اظل  
ويثرب چيف اطب ليها      ودارك موحشه القاها

\* \* \*

## في مسير السبايا

(صفریه)

هاتف عللغاضريه اورريح يا حادي الضعن  
حتى اسایل عنه چفيلي ايبا كتر جسمه اندفن

\*\*\*

قامت اتسايل الحادي اوگام مدمعها يصب  
لو ردت للطف تسير امين يا حادي الدرب  
كلها ناخذ على اليسار اونادته ابلهفت گلب  
القبر ابوقاضل اهنا يحادينه من حضر قبره يحادي  
بالظعن عرج ليه ودينه وغسله ولفه ابچفن  
انريد يا حادي اثشوف والينه

من حفر قبره يحادي وغسله اولفه ابچفن

\*\*\*

من سمع زينب الحادي قامت ادموع تسيل  
اوقلها طوع امرچ يزيب بيت حماي الدخيل

صار جدام المحامل وخذ على اليسره الدليل  
للحرم من لاح قبر ابو فاضل  
ناده ابعبره والدمع سايل  
قوم وتلقه هاي المحامل  
اوشوف حال الفاطميه باليسر لمن مشن

\*\*\*

صاح البشاره يزيب هاي اراضي كربله  
اوذاكه اظن جابر يزيب والسواد والنوح اله

قامت ام الحزن يا هو آلى تشوفه اتسايله

وين ابو فاضل منحفر قبره  
رايده اتعناه وسجب العبره  
مادره ابحالى اولحد مخبره

ارد اقله امتوني سود من الصياط اتفرگسن

\*\*\*

من سمع زينب السجاد غده دمه ايهمي

اوصاح ابو فاضل يعمه قبره يم العلگمی

على الارض ذبت نفسها او غدت تصدى اعلومي

نادته ابونه والدمع ساجم

امن اليسر جينه يا گمر هاشم

دگعد الزينب لا تظل نايم

ماني اطلعت ابحميتك من طلعه من الوطن

\*\*\*

گعدت اعلى الكبر لاچن تحثي بتراب الكبر

اوگامت اتسولف لخواها اشصابها ابذل اليسر

نادته للشام رحنه والبيارينه زجر

والشمر صوطه ورم امتوني

او منه اون وبچي او تدمع اعیوني

بين ابويه اعداي ما یرحموني

اتگول چن احنه ايامه اوجالبينه للثمن

\*\*\*

وچين لرض الشام اجينه اوراح ليزيد البريد

امر ايزينون شامه اوصار ذاك اليوم عيد

حتى من طببت يخويه اعيالك المجلس ايزيد

عاينت ليزيد على التخت فرحان

اوبيده راس احسين اية الرحمان

يضرب اشفاه ابعود الخيزران

اويهتف ابثارات گومه الي يعبدون الوثن

\*\*\*

بعد شحچيلك يعباس وسولفلك بعد

خاف من تسمع يخويه الچبد منك ينمرد

ليك اجينه اليوم ونريد لعد طيبه نرد

انهض اولختك يحر بارها

للوطن عتبك من يودها

طلعتي وياك هاي تاليها

ارد وحدي للمدينه اومنك ايخيب المضم

\*\*\*

يا اهل يثرب لا مقام لكم بها

زينب طببت اليثرب وگامت تجذب الونه

يمحد يخويه اتصيح گلي اشعوگك عنه

\*\*\*

لمن گام بن حذلم ينعه ابچتل ابو اليمه

معصب زينب ابچفه وگاصد للنبي ابهمه

هرعت كل اهل يثرب وصارت يم بشر لمه

گالوله يناعي حسين \* هون بالمسير الحين \* گللنه الحرم چاوين

اوياهو اللي بگه اوياهن اوياهو الراح گللنه

\*\*\*



گاللهم علي السجاد      ظل اويه الحرم وحده  
ليکم گصد بضعونه      وخيم خارج البلده  
ما يگدر يطب للدار      ويعاين وطن جده  
الودايع خايف عليها \* تموت ابدون اهاليها \* امحمد لو طلع ليها  
يگولن ظل ولي عدنه      بلچن من يشوفنه

\* \* \*

هرعت كل اهل طيبه      تتصارخ على المفگود  
ومحمد طلع خيال      وبروحه العزيزه ايجود  
لمن عاين الرايات      يم الخيم تخفج سود  
من مهره وگع للگاع \* ما يلحگ عليه اوداع \* صاحويلعليل ابساع  
ادرك عمك امحمد      ولاظن بگت بي ظنه

\* \* \*

اگبل ليه على السجاد      مهظوم وگعد يمه  
گامت تسچب ادموعه      وتتجاره اعلى خد عمه  
فك عينه ونشد منه      وين حسين ابو اليمه  
سولفلي يماي العين \* عن عمك \* وبوك حسين \* زينب ما تگلي وين  
ونت زينب وصاحت      وصارت للحرم حنه

\* \* \*

ليش الكربلا ما جيت      ونته البضنك مضخور  
ما تدري علينه اشصار      يوم العاشر ابعاشور  
گامت تزحف الرايات      وعلينه يخويه ادور  
دارت على الخيم صوبين \* دورات الجفن على العين \* تدري بخوتك عيين  
ما تحمل هظم والموت      ابدن ما تذل منه

\* \* \*

گامت على الجموع اتصول      صولت عودك الكرار  
خلت كل هذاك الجيش      يمدد ابغير افكار  
لاچن غدت بالحومه      تتصاگط ازغار اكبار  
لمن فرغت الحومه \*      ومست على الارض نومه \*      ومن الماي محرومه  
حتى الطفل عبدالله      اسهام الكوم فطمنه

\* \* \*

يمجد و خوك وحيد      ظل ابين عدوانه  
يتلفت يسار ايمن      ما ياجد العوانه  
لمن وگع بالحومه      والعسكر تولانه  
وجو بالخيم نيران \*      وسلبو ما علي النسوان \*      هرعنه الحومة الميدان  
لگينه حسين على الغبره      وشييه ابدمه امحنه

\* \* \*

شچيلك يبو جاسم      وششچي اگبالك احوالي  
من كثر الهظم والضميم      والله الموت اشوالي  
انه اختك اللي ما چان      واحد يصد لخيالي  
امشى يسير اعلى الهزل      يمحمد ابمتني الحبل

دمعي اعلى ولياني يهمل

\* \* \*

( اوما سمعة بمحنة السجادي )

سجارك يحامي الجار      عگب حسين ونصاره  
مثلك ظل جليس الدار      ليله ينوح ونهاره

\* \* \*

يحيدر حزن سجارك      مثله ما سده ولا صار

رد امن اليسر مهظوم      لاچن ظل جليس الدار  
عينه ما تشوف الماي      اله وتهل عينه اعبار  
يذكر عطش چبد حسين \* من ظل بين الميادين \* يبچي ويهل دمع العين  
يگول اشرب وبوي      حسين نايم رغد فجاره

\* \* \*

گامت تگصد الشيعه      لعند الدار وتگله  
يا تالي سلف هاشم      ابروحك هلتن هله  
انته رحمة الباري      ولوجود الخلگ عليه  
بطل ونك ونوحك \* ساعه اوزادت جروحك \* لاتبچي وتغث روحك  
صار الچتل عاده الكم      ونته اتعلم بسراره

\* \* \*

من يسمع حچي الوادم      دمعه يهل على اخدوده  
يگللها النبي يعكوب      واحد چان مفگوده  
وولده احدعش عنده      ويعلم چان بوجوده  
شاب الراس من عنده      ودمعه ايهل على خده

وظهره اتگوس الفگده

وكل يوم اليمر جبريل      يـتـعـنـاه بـخـبـاره

\* \* \*

وانه اسبوطعش مهيوب      غير الواحد وسبعين  
وغير الطفل عبدالله      اخوي وغير ابوي حسين  
شفتهم على الأرض نومه      ابذاك الحر بلا تجفين  
يهل الوادم تلوموني \* لمن ينخطف لوني \* شفت عباس بعيوني  
گطعو يمنتهم العندوان      فوگ النهر ويساره

\* \* \*

والله ما تصد عيني      يهل الوادم العماتي  
 اله اذكر مصيبتهن      وذكر لوعة اخواتي  
 عكب ذاك الهظم والظيم      شلي بعد بحياتي  
 اروحن باليسر ونگاد \*      وطب المجلس بن زياد \* يگلي يا على السجاد  
 ابوك حسين چاوينه      وجيتو المجلسي ايساره

\* \* \*

يهل الوادم وبعد اعظم      مصيه المرت عليه  
 حين الي وصلنه الشام      وعلي ايزيد طبينه  
 شفت الطشت جدامه      وشفت العود بيمينه  
 يضرب راس ابوي حسين      ومنه ايگول اخذت الدين

وانه اتشوف مني العين

وعماتي يشوفنه      ودمعهن تسجب عباره

\* \* \*

وگفنه ثلث ساعات      وحنه ابجل مچتوفين  
 لاچن مطرب اوفرهان      وعلينه يدير العين  
 عاين للرباب وصاح      وين حسين عنچ وين  
 وين حسين چاوينه \*      ويشوفچ لفيتينه \* انتي وبسچ سكينه  
 وگام ايشتم الكرار      جدي الما يذل جاره

\* \* \*

ظل من عكب ابوه حسين      يا حامي الحمه مده  
 ليل نهار ما يهجع      ودمعه ايهل على خده  
 لمن سمعته العدوان      والسسم مرده الچبده  
 ظل اينوح محرابه \*      اشحال ابنه على مصابه \* لمن جرده اثيابه  
 وشاف الجامعه والگيد      دمهن گام يتجاره

\* \* \*

گام الباقر اينادي      اويلي عليك يا مظلوم  
 فوگ الحزن ومصابك      يظل جرحك الهذا اليوم  
 يخويه من مثل شخصك      بگه طول العمر مهضوم  
 ويلا يعملت كربلا \* البيها الحيود امچتله \* وذلت بني عمر العله  
 وبعودي بگت لليوم      ذاك الهظم اثاره

\* \* \*

يا صاحب العصر ( عجل الله فرجه ) ادركنا فليس لنا  
 انهض يمن للثار طلابه      ابچبدك اصوابه  
 هظم العليل ولوعة امصابه      ابچبدك اصوابه

\* \* \*

سيدي يبن الوديعة      ايا جبل انتة اويه وادي  
 ايصير ما تسمع الناعي      اليصرخ وبسمك ينادي  
 ليتمه غوجك تلوحه      وتسل سيفك على الاعادي  
 وبسيدك ترف راية بدر      وتصول بيها اعلى الكفر  
 وتحرب يصلطان العصر      على الغصب بضعة الهادي  
 وعلى اللي ظلمها اوغصب نحلتها      وجره دمعتها  
 وعلى اللي طبر جدك ابمحرابه      ابچبدك اصوابه

\* \* \*

يا مصيبه عليك هينه      وما يهل دمك عليها  
 امصيبة حسين وعمامه      امست كلها امذبحيها  
 يوهظم زينب وسكنه      العلى النوگ اميسريها  
 باليسر يا لغالب مشن      فوگ الهزل يتصارخن  
 من عكب حماي الضعن      زجر للنوگ يحديها

يسر الحرم بين الحسن للشام      وبحكم ظلام  
من عكب چتل حسين وصحابه      ابچيدك اصوابه

\*\*\*

سيدي احچيلك مصيبه      على المصاب رعت كلها  
حين لرض الشام طبت      وگيلت فرحانه اهلها  
والعليل امگيدينه      ودمعته اعلى الخد يهلها  
من عاين الوادم لفت      وعله اليساره اتفرجت  
ولشامت ابحاله اشتمت      روحه رابت من وجلها  
للموت جدك گام يتمنه      ويجذب الونه  
يعتب على اهله او ادري بعتابه      ابچيدك اصوابه

\*\*\*

رد لعد يثرب وگامت      تگصد الناس وتنشده  
يا مصيبه اعليك اصعب      يا لعليل وبيها شده  
يذكر الشام ودمعته      اتگوم تتجاره اعلى خده  
ايجاوبها والمدمع يصب      الشام اعظم كل خطب  
بيها اعلى عماتي الغرب      جسر چم طاغي وتعهده  
طول العمر يالغايب امن الشام      يشچي يا ضرغام  
وهظم اليسولف بيه لصحابه      ابچيدك اصوابه

\*\*\*

ظل على هلحال مده      ومن تشوف الماي عينه  
يذكر المذبوح ظامي      ويصفج ايساره ابيمينه  
يگول اضوگ الماي انه      وروه من بارد معينه  
وحسين من عنده انحرم      ومن الضمه چبده انجسم  
والطفل عطشان انفطم      ابسهم چبده امطوگينه

يبجي يغايب يظل ليل انهار  
وجيده الذي ابرگبته النشابه  
والدموع اعبار  
ابجيدك اصوابه

\* \* \*

ومن تشوف الحرم عينه  
يذكر اللي جره عليهن  
ايزود بين الحسن همه  
من عكب چتل ابو اليمه  
حتى يالغايب عدوه  
ابمثل هذا اليوم سمه  
خلصت امن السم چبده  
فوك الهظم ومصيبته  
زادت الباقر ونته  
حين شاف انساب دمه  
من شاف جرح الكيد بمتونه  
هلن اعبيونه  
على المغتسل من جرده اثياه  
ابجيدك اصوابه

\* \* \*

### في رثاء موسى بن جعفر عليه السلام

اصبح الناعي اعلكبرگ يون يا حامي الطريد  
گوم لبنك شوف چبده اتگطع ابسم الرشيد

\* \* \*

اصبح الناعي يحيدر شابح العشره اويون  
اوعلی الكبر يفتري ولاچن دمه يجري اعله الوجن

گوم شوف ابنك ينادي اليوم گوض بسجن

يا علي اوكلبه تفتري اه من السم توذري

اشمرد اسولفلك فلا اگدر

تم ثلث تيام ميت بالسجن لاچن وحيد

\* \* \*

ولمصاب الامر وصعب وشديا حامي الدخيل  
احضر السندي الوادم بلچن يا حيدر ابليل  
ايگلهم اتعرفون موسى اوگام مدمعهم يسيل  
جاوبو كلنه نعرفه اشلون موسى اعلينه يخفه  
اوباب للحاجات چفه  
جاپهم للسجن لاچن ما يعرفونه اشيريد

\*\*\*

طلع المفتح بيده اوگف والوادم اوياه  
اوفتح باب السجن بيده اوطب اهو اوطبو وراه  
شافو اعجبيله واحد نايم امغظه ابعباه  
چشف وجها اولى تفكر لنه امن المرض مصفر  
عاينو موسى بن جعفر  
عاينو لنه الكاظم نخبه گاڤي اوفجيد

\*\*\*

ايگلهم اتشوفوه مابي طبره يو طعنت رمح  
شهدوا ومهرو او طلوعوا لاچن المدمع يسح  
حتى يا كرار لمن چشف عامود الصبح  
جايله احماميل اربعه او طلوعوه اشلون طلعه  
حاله من يگدر يسمعه  
شالته احماميل اربعه لاچن ابرجله الحديد

\*\*\*

علجسر خلوه فرجه لليروح اولليرد  
ولمنادي اعليه اينادي ولنده ايدوب الچيد  
مر طبيب البلد شافه اوگام ينشد ولنشد



ماله هلميت عشيره ابيا بلد غايب نصيره

ما بكم يسلام غيره

ما بكم طالب الدمه او لا گرابه او لا عضيد

\*\*\*

لاچن امصاب اليهون بخطب يا عود الحسن

حين اجه اسليمان شاله اوغسله اولفه ابچفن

ما مست ذبيح المسيه اله النعش ندفن

لاچن الوسفه اوهضيمه

على الذي سلبو حريره

او راسه ودوه الخصيمه

اوجثه اعلاارض تمت مثل الحسين الشهيد

\*\*\*

طلعت امن الطنب زينب صاحت ابون وبنحيب

ما بكم مسلم الكوم يوارى هل الغريب

من سمع بن سعد ناده دونكم جسم السليب

ركبت امن الخيل عشره

اوگامت اتجول اعلسدره

حتى طحنت خرز ظهره

تمت اعضامه رميه اوراسه ودوه اليزيد

\*\*\*

لاچن الهضمه امصيبة العطشان

تم ثلث تيام مرمي على التربان

او على الرمح راسه شالته العدوان

اوجثه تمت ضريبه اموزعه ابجر الصعيد

\*\*\*

ركبت من الخيل يا علي عشره  
اوغدت يا ويلي اتجول اعلصدره  
طحنت اضلوعه اوهشمت ظهره

اوتمت اعظامه مرميه اوراسه وده اليزيد

\*\*\*

لون ما ينغضب حگك يمن للهادي عضيذ  
ما على باب الحوايج جسر هارون الرشيد

\*\*\*

في رثاء موسى بن جعفر عليه السلام

طر الضريح وگوم      لبنك يا علي ابهمه  
مات بسجن هارون      والسّم مرد چبده

\*\*\*

يا علي ايعوگ ضريحك      يومن الناعي اتّعذر  
ونته دومك للاجانب      ساعة الشدات تحضر  
ليش ما تنهض ابهمه      وتقصد الموسى بن جعفر  
شوف اشعمل هارون      ببنك سابع اليمه  
قضه العمر مسجون      من شدة الشدة

\*\*\*

سيدي امصيبة الكاظم      ما سدت والله اعلى مسلم  
جابه خصمه من المدينه      صابر وعلى الغيض مكظم  
حته يا كرار حطه      تالى عمره ابسجن مظلم  
لامن عمامه وشيعته      واحد يصل يمه  
والسندي الملعون      بسلاسل امگيده

\*\*\*

سيدي يقصر الساني  
وكل السندي اعلى سجنه  
فوك حزنه وفوك هضمه  
لمن ولاه وبالعنب  
ظل بالسجن مظلوم  
من اسولفلك مهابه  
وكل وكت يسعي بعذابه  
ايدور الظالم ذهابه  
يا سيدي سمه  
لمن قضه وحده

\*\*\*

من عكب هاي المصيبه  
طلعوا باب الحوايج  
جسمه ملفوف ابعباته  
على الجسر حطوه  
والشيعه يمه تحوم  
جابه احماميل اربعه  
يبو الحمله اشلون طلعه  
واليشوفه ايسيل دبعه  
وعليه الناس ملتته  
وعليه تتعده

\*\*\*

قام المنادي ينادي  
الذي ايريد ايتفرج  
مرطبيب البلد شافه  
بيده لزم چفه  
وعاين لعند الكوم  
عليه حامي الحميه  
هذا امام الراقضيه  
وراد يفحص على المنيه  
يعاين ليه ويشمه  
لمن لزم يده

\*\*\*

من گام للناس يتفكر  
صاح ما بيكم حميه  
يهل الوادم ما وياكم  
خلها تسل سيوفها  
هذا قضه مسموم  
ولخلگ ظلت ابحيره  
وما بكم يسلام غيره  
لعد هلميت عشيرة  
وتطالب ابدمه  
اي والذي انعبده

\*\*\*

## ندبة للمهدي (عجل الله فرجه)

تسبدي امن الغروب يمته يمحجوب  
وعلى الأعدى اتجيم الحروب يمته يمحجوب

\*\*\*

غيبتك طالت عليه وصارت الوادم ابريه  
والهظم والذل علانه والطفل بين مشيه  
ما سمعنه اهلال گبلك هاكثر طول مغيه  
يا رحمة الله الواسعه العندك اسراره امودعه  
تنشر چفوفك للدهه وتقسم اعلى الله ابحبيه  
وتصيح يا علام الغيوب يمته يمحجوب

\*\*\*

تظن من تنشر جفوفك خايب الباري يردك  
لا وظلع امك الزهره وراس حامي الجار جدك  
ما أعزمنك على الله والتريده يصير عدك  
انته يبو صالح حمد لهل الأرض وهل السمه  
بيدك الكون امسلمه والاراده طوع يدك  
وعدك امن الله عليك مكتوب يمته يمحجوب

\*\*\*

يستغيث الدين بسمك ونته يلمحجوب نايم  
هاكثر على الضيم صبرك يلمغيب والهظايم  
سيدي والله الظهورك بينت كثرة علايم  
يمته يصلطان العصر چفك يزم راية بدر  
وتتوشح ابسيف النصر وتاخذ ابثار الفواطم

وتحورب يطالب على المطلوب يمته يمحجوب

\*\*\*

عليك حال الحرم يخفه عكب اهلها اشصاربيها  
من وقع جدك رميه والحرم دعت عليها  
طلعة امن الطنب زينب شابجه اعلى الراس اديها  
لاچنها على التل اوقفت والصوب اخوها اتفكرت  
صاحت او عبرتها جرت قوم لختك يا وليها  
تاخذ ابثار القامت اتلوب يمته يمحجوب

\*\*\*

ريتك اتعابن الزينب من غدت على التل تنادي  
ايا كتر من ظهر غوجك طحت يا سلوة الهادي  
غارت عليه يخويه عكب عيناك العوادي  
والعسكر عليه هجم فرهد يمظلوم الخيم  
هجت امن الخوف الحرم ودارت عليه الأعادي  
عكب ما حرگو خيمها سلب العسكر حللها  
وبالصياط ايلوعوها وزينب اتحشم بهلها  
من عقب هاي المصيبه اويه الغرب ركبت هزلها  
راحت يسيره اويه الغرب مهضومه مكسورة گلب  
يالغايب وطول الدرب ادموعها اعلى الخد تهلها  
تصرخ يالثار القطعت ادروب يمته يمحجوب

\*\*\*

## في رثاء الكاظم عليه السلام

ما درت عدنان حته امهوده      عدبني العباس دين الهم غده

\* \* \*

ارد اناشدهم ولاچن بالنشد      اسمع الحي والذي ابرج اللحد  
ما سمعتو الكم طلب يهل المجد      عد بني العباس وعليه راجده

\* \* \*

ارد اناشدكم ولاچن ابعتب      ورد اكلهم خليگلولي اشسبب  
ما سمعتو الكم غدر دين طلب      عد بني العباس هيه اهل الرده

\* \* \*

ما سمعتو ابخير هارون الرشيد      لارشد له امر طاغوت او عنيد  
لمن اتملك فعل كلما يرید      طغه اتجير كفر للرب عانده

\* \* \*

گام يطلب بني الزهره او علي      ابكل مدينه اوطن او فجوج الخلي  
منهم التشرذ نجت وتنولي      بنه اعلجثها اگصور امشیده

\* \* \*

ريته بالساده اکتفه اوبيهم قنع      ولو صنع الما سده بيهم صنع  
لچن عباد الوثن جد او تبع      خبر كاظم غيظها اوبحر النده

\* \* \*

اظهر الاسلام وضمير للكفر      اوگام يرید الحج لچن حيله او مكر  
مو مگصده الحج لچن گصده يمر      بالمدينه او لا خفاكم مگصده

\* \* \*

انه ابنيه انچان مگصوده خفه      سار يطوي لبید للراحه نفه  
وصل طيبه اولفه الكبر المصطفه      شاف موسى ابحضرته وبمشهده

\* \* \*

اوجب اگبال سيد الرسل  
احبس ابنك موسى ما طوله عدل  
اوناده بين العم اريد افعل فعل  
حيث موسى ايريد ملكي ايفسده

\* \* \*

چتف الكاظم المهيوب النفل  
آمر الجمال حين الى يصل  
اودزه للبصره اعلى ناگه من الهزل  
ايحظه واليها اسجن ويگيده

\* \* \*

ظل رهين السجن بالبصره سنه  
حته منه انرهب گلب الساجنه  
يعبد المعبود ما لحظه ونه  
خاف لجله الكون ربه ايسوده

\* \* \*

دز لعد هارون طارش يعلمه  
يو توديلي الذي يتسلمه  
ابخير موسى الشئم راغي الغانمه  
يو افكه او يا ذنب منه البده

\* \* \*

امر البغداد موسى ينجلب  
سيرو محتوف صابر محتسب  
فوق ناگه ايكون مسراها صعب  
لاچن اشحاله التباريه العده

\* \* \*

من وصل بغداد يا ريته العدام  
حته ظل مسجونها اربوطعش عام  
آمر الطاغي يسجنون الامام  
والنفل كل عام سجنه ايجده

\* \* \*

والظلم كليوم يتظاعف جنس  
حته يا عدنان امرله ابحبس  
من حليف الوثن هارون الرجس  
ما يشوف انهار بي الوحده

\* \* \*

ولمصاب الاشد ويزيد الحزن  
خاف لن گلبك على الكاظم يحن  
وصه سنديها النغل والي السجن  
من تجور اعليه ولاچن چلده

\* \* \*

والله لفعل بي فعل يروي العجب  
وعله چتله اعمدوا غادين الجده

\* \* \*

وظهر الكاظم المسجون النفل  
حيث من هارونها اعليك انهده

\* \* \*

هلرطب وليعف من يولي سعيد  
صفگ بيده الكاظم اوعض ناجذه

\* \* \*

هيس المحتوم ولسم بي جره  
گام سمکم لعدگلي ايمرده

\* \* \*

ليل ونهار اويلوج اوممتحن  
وحده ما واحد دناه او مدده

\* \* \*

او من يمر على الطفل ذچره ايجزعه  
اوعلجسر حظوه مسلوب الرده

\* \* \*

صار فرجه يلعلي بحر المجد  
اونادوا على الكاظم ابذاك النده

\* \* \*

گله عدوجهك او طوع امرك وجب  
دفع ليه الطبق بي سم ابرطب

جاب ليه الطبگ سنديها النذل  
گله دوک الرطب وجثر بالأچل

گله عف عني فلاگلي يريد  
گله لابد تاكل ايگول الرشيد

اكل من عنده تلاته او وخره  
گله بيه الي تریدونه جره

ظل ثلث تيام مطروح اويون  
يوم ثالث گضه الكاظم بالسجن

ولمصاب الي يضيغ الواسعه  
شالوا جنازته احماميل اربعه

يعدنان او لليروح ولليرد  
يعدنان او يسسلتزون ابورد



## في رثاء الكاظم عليه السلام

المن هلنعش هليوم

فوك الجسر يمه الوادم اتحوم المن هلنعش هليوم

\*\*\*

هلنعش على الجسر المن	ولمناذي عليه ينادي
ماله گوم وعشيره	وياخذونه امن الاعادي
مصاب ما بالكون مثله	صار على الوادم وسادي
روح النبي وريحانته	فرجه تظل اجنازته
چاوين اهله وخوته	ابيا جبل عنه اويوادي

يالغايب الثارك گوم

وطلب بالغريب المات مسوم المن هلنعش هليوم

\*\*\*

انهض الثارك يغايب	ما بگه للگوس منفع
چم ضلع منكم تهشم	چم چبد بالسم تگطع
ما يمل الصبر گلبك	سيدي ولا منه تجزع
چمدوب تبگه اهل الصبر	يالموعد ابسيف النصر
للاه درك هـاكثر	هضم وضميم تجرع

يالغايب جزاك اللوم

عن جدك الكاظم مالك علوم المن هلنعش هليوم

\*\*\*

لا تظن بالكون محنه	تشبه الجدك محنته
لا سجن يونس السجنه	ولابله ايوب البلوته
بالسجن گضه حياته	والهظم ذوب مهجته

يهدوه من سجن السجن      كاظم الغيضة وممتحن  
دمعه امن الهظم مسجوم  
وعينه امن الحزن ما تقبل النوم      المن هلنعش هليوم

\*\*\*

سجنه بين الحسن مظلم      وهو ابذاك السجن وحده  
مايميز بيه وكته      من يريد ايصلى ورده  
موجب السندي اعلى بابه      خاف لن واحد يگصده  
چانون حزنه لودوه      ويريد يشم من الهوه  
ويسعين ابعينه الضوه      يضربه السندي ويرده

يرجع للسجن مهضوم

من شم الهوه ابيا ذنب محروم      المن هلنعش هليوم

\*\*\*

ظل على هلحال مده      وكل صباح ايزود همه  
بالحديد امگيدينه      وناحل امن الولم جسمه  
حتى بين الحسن خصمه      ابمثل هذا اليوم سمه  
جاب اله احماميل اربعه      امن السجن شاله وطلعه  
السندي يغايب شيعه      لا اخو ولا ولد يمه

فرجه اصبح الذيج الكوم

فوكه القهر ذاك وفوك الهوموم      المن هلنعش هليوم

\*\*\*

المنادي عليه ينادي      وعلى نعشه الناس لمه  
مر طبيب البلد شافه      گلب چفه وشاف سمه  
صفگ بيده وشال راسه      ينشد الوادم اليمه  
گاللم ودمعه همل      ولايح ابعيناه الزعل

ما لعد هلميت اهل خل تجي اتطالب ابدمه

هلميت گزه مالوم

والسم مرد چبده اوراح مظلوم المن هلنعش هليوم

\*\*\*

واليهون هلمصيه عد يك يا مهجة الزهره

ما مست ذيج المسيه اله والكاظم ابگره

لاچن الهظمه يغايب على الذي امسود الغبره

تمت ثلاثه اعلى الثره جثته ابدماها امغفره

والدم يكت من منحره

\*\*\*

طلعت اتنادي العقيله والدمع من عدها جاري

ما بكم يا گوم مسلم لعد هلميت يوارى

هذا ریحانة الهادي وعلى الخلگ رحمة الباري

يبگه طريح ابهل الفله جثه ابدماها امغسله

احا يعملت كربلا

بيها خلصت كل اخوتي المن هلنعش هليوم

\*\*\*

مستهل ممشه

هلنعش المن على الجسر والناس ملتمة

يا هو اليعاين ليه يبجي على حاله

باب الحوايج جاوبوني او سابع اليمه

مات ابسجن هارون والسندي چتاله

\*\*\*

## في رثاء الرضا عليه السلام

ويل قلبي اعلى ابو محمد ذابت من السم چبدته

\*\*\*

يقصر الساني يحيدر شبلك امنذكر امصابه

وعگب ابو موسى بن جعفر ما فعل بيه الكرابه

سيره امنرض المدينه بيسر ولبغداد جابه

وعن وطن جده تبعد \* اوقام يظهرله المودته \* ولجل چتله أنطاه بته

\*\*\*

بگه ويا بالوطن حته الطوس راح اوياه تعنه

اوراد ينطيه الخلافه ما قبل وعستدر منه

قاله اليوم الخلافه اصبحت الكم ماهي انه

والله يامامون يشهد \* هلملك ماريد امرته \* وانه مقصودك عرفته

\*\*\*

اتريدني اقبل ابملكك والخلافه اجدم عليها

اوتسمع الوادم ابفعلي اوتكفر ابعترت نبيها

گله چا اگبل ابمهدي گله هاي اگبلت بها

حيث هذا الخبر مسند \* من ابوي اوجدي اخذته \* انه اموت اوتبگه انته

\*\*\*

بگه المامون ايتفكر ابياسبب ليسعي ابچتله

حته جاب العنب سمه اوشاله بيده اوجابه لهله

گله هذا العنب ابدن ما رايت ابطوس مثله

اولا اصدچ مثله يوجد \* وعنتيت اوليك جبته \* حيث ما مش منه شفته

\*\*\*

عاينه اوشاله ابيمينه      اوسالت ادموعه اعلخده  
 گله عف عني تراني      هلعب ماگلي وده  
 گله لابدمنه تاكل      اكل منه اولزم چبده  
 اوقام دلالة ايمرد      \* اوصفگ يسراه ابيمينه \* اوسالت اعللخد عبرته

\*\*\*

حينما هيس ابسمه      بعث خط لرض المدينه  
 بالعجل يختي تعالى      موتي اريدج تحضرينه  
 لفت لاچن نص دربها      شافت الوادم حزينه  
 غدت من عدها اتشد \* وحين ما عرفوها اخته \* خيها خبروها بچتلته

\*\*\*

طاحت اعللگاع ميته      ابهل الخبر حين خبروها  
 گبل ما توصل الداره      اوعينها اتعاين لخواها  
 ساعد الله گلب زينب      من وقع ويلى بن ابوها  
 شافته اعشره امدد \* ولعه قطعو رگبته \* او تلعب الخيل اعلى جتته

\*\*\*

### وصية النبي ﷺ بالعتره

وصه النبي ابعترته ايرحموها      ليش ظلموها  
 مابين سم وچتل گطعوها      ليش ظلموها

\*\*\*

چم وچم اخبر الامه      المصطفى سيد البريه  
 كل نبي ايوصى بعترته      لو دنت منه المنيه  
 وعترتي عدكم وديعه      لاتمسوها بأذييه  
 لو دنت مني امنيتي      هلتن هله ابعترتي

من عقب عيني ابأمتي لا تضيعون الوصيه  
من تظلموها الظلم يا ذينى من عكب عيني  
ومنه الوصيه هاى سمعوها ليش ظلموها

\*\*\*

ما اجل منها على الله عترتى ابكل الوسيه  
الكم ابها الدنيه رحمه وبالحشر هيه الشفيه  
يمتى من عكب عيني عترتى عدكم وديعه  
الكم ابدياكم ضخر وتنفعكم ابيوم الحشر  
طبعوني يمتى ابها الامر ويخسر امري الما يطيعه  
يحرم عليكم چتل اهل بيتي وظلم ذريتي  
هاى الوصيه لا تضيعوها ليش ظلموها

\*\*\*

انه يا الامه بعثني الكم المعبود رحمه  
وبهل بيتي وبين عمى تمت اعليكم النعمه  
ابسمه الدين انجوم چنها وثبت بيها الدين اسمه  
لولا هم العالم هلك ولادار بالكون الفلك  
كل وكت يخدمها الملك ويفخر ابهذي الخدمه  
تخدم املاك السبع بحماها وبها تتباها  
الكم امان وفخر خلوها ليش ظلموها

\*\*\*

تدري يا رحمه الباري امتك من غبت عنها  
نصبوا اعلى اهلك سقيه وهاجت اعليهم فتنها  
غصبوا الزهره فدكها ونحلتك غصبوها منها  
ولدارها انوب اعتنوا النار الضغايين سجرؤا

للمحسن ابجدھا اصکطوا      وبجو حسين وحسنا  
ظلت عقب عيناك يلمختار      تون ليل انهار  
ومن البواحي اعليك منعوها      ليش ظلموها

\*\*\*

هذا اول ظلم منها الجره      اعلى الزهره الزچيه  
وسرت هاي النار لمن      سـجرت بالغازيه  
ذبحو حسينك يطاها      وهل بيته اهل الحميه  
ومن بعده يا سيد الرسل      ركبت بناتك على الهزل  
مسلوبه مچتوفه ابجيل      ومشت للكوفه سبيه  
وصيتك لعدامتك      يهاديها هاي تاليها  
ابناتك على الهزل يرچبوها      ليش ظلموها

\*\*\*

وگام هذا الظلم يسري      ويو الزهره اعلى الأيمه  
الذي بالسـم توفه      والذي سابح ابدمه  
حتى للهادي عدوه      ابمثل هذا اليوم سمه  
ظل ينتحب شبل الحسن      ودموعه لمصابه جرن  
عقب الغسل لفه ابچفن      اواره يالمختار جسمه  
ما ظل ثلاثه اعلى الترب      عارى وچفنه الذارى  
وحسين جشته الكفر عافوها      ليش ظلموها

\*\*\*

صاحت اعلى حسين زينب      والدمع چالسيل جاري  
مايكم يا گوم مسلم      لعد هالجته يوارى  
ولا يصح واحد يچفنه      لا يظل بالشمس عارى  
ما واحد الزينب نغر      واره والگبره حفر

ظل بالشمس دامي النحر      تسفي اعليه الذواري  
ويلا بهظم حسين وعياله      وذلت اطفاله  
بسياطهم لمن تولوها      ليش ظلموها

\* \* \*

يوم الوعد يمن الحسن يا بوي      للثار يمته اتگوم  
على الهظم عينك ما كفاها النوم      للثار يمته اتگوم

\* \* \*

ناعى الحزن ما تسمع اينادي      من جـدك الهادي  
گوز ومن عنده الجبد مسموم      للثار يمته اتگوم

\* \* \*

### (مدح للامام علي عليه السلام)

بيك القلم بيك اللوح      وملاك السبع تشهد  
يا فارس بدر لولاك      لا عابد ولا معبد

\* \* \*

حاربت الشرك كلها      وهذا الدين شيدته  
كسرت اللات والعزه      ومنها البيت طهرته  
غيرك لا تظن غيرك      يبو الحسنين بس انته  
گدر يصعد على الكعبه      وعلى متن النبي يصعد

\* \* \*

انتہ العلمت جبريل      درسه ومنك اتعلم  
ونته الميت حاجيته      وبمرك گام يتكلم  
انتہ الما تهاب الويد      بالحومه ولا تهتم  
صمصامك جسم مرحب      ونته الجدلت بن ود

\* \* \*



بِأَسْمَاءِ الْبِسْمَلَةِ أَنْتَ يَا مَدْمُوحُ بِالْقُرْآنِ  
شَخْصِكَ رَحْمَةَ الْبَارِي عَلَى مَا يَعْبُدُ الْبَارِي

\* \* \*

بِإِيمَانِ هَلَاتِهِ وَعَمِّهِ وَيَاهُوَ الْكَلِمَ الْمَيِّتِ  
مَنْ يَكْدُرُ يَصِلُ مَدْحُكَ عِلْمُكَ يَا عَلِيَّ وَفَضْلُكَ

\* \* \*

لِلْمَعْبُودِ بِكَ اسْرَارُ لَجْسِكَ آدَمَ أَوْ إِيُوبَ  
رُوحِينَ أَبْجَسَمَ وَاحِدًا خَصَّكَ لِلْإِمَامَةِ أَنْتَ

\* \* \*

لَمَنْ سَدَرَ مِنْ مَكَّةَ نَزَلَ جِبْرِيْلُ بِمَرِّ اللَّهِ  
أَنْصَبَ حَيْدَرَ الْكِرَارِ وَالْيَعْصِيَةَ يَعْصِيَنِي

\* \* \*

حَيْدَرَ حَجَّتِي أَعْلَى النَّاسِ وَلِيَّيَ وَبَيْنَتِ فَضْلَهُ  
نَارِي وَجَسْتِي بِيَدِهِ الْيَحْبَهُ أَيْرُوحَ لِلْجَنَّةِ

\* \* \*

نصبوله الحدج منبر  
غام اعلی الخلگ یخطب  
رتل آية التبلیغ  
وگلهم هذا امر الله  
والهادي اعتله اعلیها  
وتسمع وعض هادیها  
وخبرها ابمعانیها  
وهذا الامر ما ینرد

\* \* \*

حیدر من بعد عینی  
مني ابمنزلة هارون  
صار الیوم بمرالله  
یا ویله العکب عینی  
خليفة یمتی اعلیکم  
وعلی الخبر یهدیکم  
یهل الاسلام والیکم  
عن اولایسته یرتد

\* \* \*

لمن سمعوا الخطبه  
لاچن الحسد والغیض  
یدرون الخلافه اتصیر  
وحیدر ینسجن بالدار  
گاموا بایعو کلهم  
شب نار ابضمایرهم  
من بعد النسبی الهم  
ولا یدخل علیه احد

\* \* \*

### مدح للامام علي عليه السلام

هذا یوم البیه امر الله نزل  
وبیه شرع المصطفه ودينه کمل  
علی الهادي اوآمره ابترك المسیر  
وتمت النعمه ابعلم یوم الغدیر

\* \* \*

من گضه المختار من حج الوداع  
والنجایب غدت تکطع بلوساع  
نزل جبرائیل بمرالله المطاع  
ربح زمکک یا لرسول ابهل المحل  
ودع البیت ولعد یثرب گصد  
والخلگ ویاه ما الهم عدد  
بیه للمبعوث تهديد او وعد  
وبشر الاسلام یا الهادي البشیر

كلهم اعليكم علي خير العمل من عكب عيني الخليفة والامير

\*\*\*

من سمع رحمة الباري ابهل الامر وعته اعلى الحدج يشبه للبدر  
غام يخطب على المله ابهر الظهر صاح هذا الخير على الوادم شمل  
اولاية الكرار بن عمي الفحل نزل عن الراحله ابذاك الفله  
يمه حامل رايته عمقد الوله والخطبته شابه اعين المله  
وصار هذا اليوم عيد الله المجيد نزل بيها الامر من الله القدير

\*\*\*

انه يا گوم المدينه للعلم انه والكرار روحين ابجسم  
ماكو مايز بينه غير الاسم كل نبي گبلي الذي الكومه انرسل  
حتى لو عنهم امن الدينه ارتحل وهذا حيدر بابها وعنوانها  
ماتميز ارواحها امن ابدانها هاي خوه او الله رافع شانها  
من اهل بيته وصي بعده يصير بالنوايب والشدد بي تستجير

\*\*\*

هذا جبرائيل من باري السمه اولاية الكرار حماي الحمه  
من تطيع امره او امرها اتسلمه هذا امر الله ولا عنده بدل  
طيعوا امري وبايعو مير النحل يگول بلغ يا رسول الله الاصحاب  
طوگ ثابت صارت ابكل الرگاب ارفع النيران عنهم والعذاب  
وانه الكم يمتى امن الله نذير والد الصبطين شبرها وشبير

\*\*\*

الذي منكم يريد اولايستي بايعوه وببيعته من ببيعتي  
صاح اشهد يا الاهي اعلى امتي ونسته اعلم بالسراير والعلل  
ايوالي بن الفحل حامي الدخيل ولكم على الخير من بعدي دليل  
بلغتهم بالنزل بي جبرئيل والسميع انته يلاهي والبصير

عادي من عادة والفضله جهل اوالي من والاه اويصبحله نصير

\*\*\*

حين ما سمعوا الهادي خطبته  
وگالوا الهادي فرضها اعلى امته  
گالو انبايع ولاچن بيعته  
وعگب عينه الامر للامه يظل  
ينعرف مگصودها ابذاك المحل  
دبه الشك بگلوبهم دبي النمل  
وهاج غيض السامري وربه العجل  
هاي مادام النبي بعده عدل  
هيه تختار الذي عليها يصير  
ويا هوللامه ابفلك فكره يدير

\*\*\*

وحين ابو ابراهيم وافاه الكدر  
كل هذاك الجمع بالبيعه كفر  
باطل الأمه على الحگ انتصر  
ونگطع من خيرهم حبل الامل  
ايشوف ريس تيم بالناس اشفعل  
اودع الاسلام بالدنيه وضعن  
وهاجت اعلى آل النبي سودالفتن  
نصبوا وعزلوا ابو حسين وحسن  
وظل جليس الدار حماي الكصر  
وهو ما بيناتهم مثل اليسير

\*\*\*

### مدح للامام علي عليه السلام

يا رسول النصح مثلك امته  
وبينها احكام شرعه وسنته  
وبذل يالهادي الجهد وياها  
النفع بالاخره ودنياها

\*\*\*

رحمه للمخلوگ باريك براك  
لانبي مرسل ولا مصلح سواك  
انته يالهادي وعلى حامل لواك  
بيه سمعت والاجانب طلبته  
صار عصر النور هذا وفكرته  
عمت اعلى الواسعه بر وبحر  
خيره على المخلوگ بالكون انتشر  
بالعلم والحكم هذبوا البشر  
سعت ليه وربحت ابمساها  
ولسلاك للى يشع اضواها

\*\*\*

انته يالهادي المدينة للعلم  
انته والكرار روحين ابجسم  
ماكو فارق بينكم غير الأسم  
هلذي المعبود جلت قدرته  
وبيكم اعلى الناس تمت نعمته

\*\*\*

وبن عمك بابها وعنوانها  
ماتميز ارواحها امن ابدانها  
هاي خوه والله رافع شانها  
املاك سبع اشداد بيكم باها  
ورفع بيكم بالغدير الواها

چم وچم ناديت بالسر والعلن  
كل نبي لو غاب عن امته وضعن  
وانه من بعد الوصي عود الحسن  
هو هذا الدين حامل رايته  
لاشبه سيفه ولا شبها فته  
ليلة المعراج بيها امن اصعدت  
المن اخلافك على امتك خلفت  
گتله انته اختارلي أبهذا الوكت  
اختار لي حيدر ابعلمه وحكمته  
هوه ممدوحى ابعمه وهل اته

\*\*\*

وخبرتها بالذي صار ويصير  
لابد يخلف عكب عينه وزير  
اوبلغتها ابخطبتك يوم الغدير  
وسبغه للامه الذي يحماها  
بالحرايب من تنور ارحاها  
للسمه السابع وكلميت الجليل  
علم يهديهم وللثايه دليل  
ناصر الدينك ولي خل وخليل  
وگال هذا الامتك يرعاها  
وهوه باء البسمله ومعناها

نوره من نورى ومن اسمى الاسم  
انته للامة المدينة للعلم  
بيه ارحم بالقيامة اونتقم  
طوگ ثابت بالرگاب اولايته  
والذي اتبايعه وتسنكر بيعته

\*\*\*

وهو الحجه اخلافك اعلى اعبادي  
وبن عمك بابها يالهادي  
يوم حشر الوادم ابميعادي  
ويل ثم الويل للعاداها  
يا رسول الله اسقر مثواها

همه من عندك خذوا هذا العلم

وحنه من عدهم تعلمنه السفور

همه بالمبعوث سعدوا للنجم  
 ما بقه من اسلامنا غير الاسم  
 منه اهل الغرب هذا الرادته  
 عفته علمك يبو الزهره ولزمته  
 وحنه برحات الجهل گمنه ندور  
 هلذي عليه العده گامت تجور  
 نخضع الها ونظل نترجاها  
 وقرت ابهذا العلم عيناها

\*\*\*

### في رثاء العباس عليه السلام

اريد اعتني الحامي الضعينه  
 وحاچيه وشلع سهم عينه  
 يخويه عداكم لفوالينه  
 وفرت يتامانه امن ادينه  
 ويساك من يثرب لفينه  
 ودور على ايساره ويمينه  
 وگله يعباس انولينه  
 وحرگو مبانينه علينه  
 يعباس ليش اقطعت بينه  
 اوييه الاجانب تخلينه

يا هو اليردنه للمدينه

\*\*\*

لمن لفانه العسكر اصفوف  
 تعنيت لك ولون مخطوف  
 لگيت العلم على النهر ملفوف  
 وشبيجت عليك ارماح وسيوف  
 وسلب براجعه ولشفوف  
 ردتك الحالي وذلتني تشوف  
 وراسك لگيته ابعمد مخسوف  
 عذرتك يمن ما عندك اچفوف

\*\*\*

اختلفك وجيت اوياك وتته الجبتي  
 يحسين عدمن ودعته  
 حرگت خيمنه وفرهدته  
 يا هو الوطن جدنه يزته  
 والاخت ما تتعاف عدمن عفتني  
 من تنچتل والخيل اجتنه  
 وحنه حرم لو فارگتنه  
 عسانه گيل هليوم متنه

\*\*\*

وبأجر يخلونه وحده  
وعن دور أهالينه بعده  
يا هو الوطن جدنه يردنه

هليله اخوتي ضيوف عدنه  
ولا يظل والي اليحمي حدنه  
بأجر لخواوتي لو فگدنه

\*\*\*

وعرسك ردت افرح ابزفتك  
ما چنت اظن احضر چتلتك  
وسسمع يبعد الروح ونتك  
بعد ما ترد سالم عرفتك

يجاسم ضخر للغيب ردتك  
وچفوفي احنيهن ابحتك  
وشوفك خضيب ابدم طبرتك  
للسحرب يوليدي ابطلعتك

عيني العمه ولاچان شفتك

\*\*\*

وحسب بخوي الطب للكون  
صهيل اسمعت گاصد الصيوان  
ليه اطلعت والگلب فرحان  
رحت صارخه الخيمة الوجعان  
لفاني المهر فارغ ودوهان  
ناده يعمه ابدم جروان  
وراسه تعله ابراس السنان  
وبخيامچن تضرم النيران

انا بخيمتي والگلب حزنان  
وصوته خفه ابجيمة العدوان  
ظنيت اخوي ابظهر الحصان  
لگسيته مرج يسحب بلعان  
گتله يعمه اگعد يريسان  
تچيتله وعانين الميدان  
اخوي انذبح بالكون عطشان  
ساعه وفت ليچن العدوان

\*\*\*

خطاب زينب للعباس وجوابه عليها

اخستك وجيت وياك وانته الجبتي  
والاخي ما تسعاف عدمن عفتني

\*\*\*

زينب يخوبه البين حكم عليه

شبيدي على سهم العين وچفوف اديه

\* \* \*

يفارس بدر يا داحي الباب  
منك يهاب الليث بالغاب  
وصل مسجذك والهامتك صاب  
ودمك الشيبك صارله اخضاب

\* \* \*

يموت الزلم ينزع يفتاك  
انته التلوذ الناس بحماك  
وخضبك يا كرار بدماك  
يسر الغضه ومخدوم الملاك  
اشلون بن ملجم گدر يدناك  
وخيب يتامه الناس برباك

\* \* \*

لبست الحزن يحسين جلباب  
يبني العصرني وضلعي انعاب  
امصابك الما مثله امصاب  
هو الرفع راسك بلحراب

وسوه بدماك الشيبك اخضاب

\* \* \*

وللي سگط محسن بلعتاب  
وچف الصطرنى ولا الي هاب  
وناره الغدت تسعر على الباب  
كلما جره اعلينه امن الصحاب  
هو الرضيعك بالسهم صاب  
سلب خواتك منها الحجاب  
حرگت لك ابطف كربلا اطناب  
يحسين يبني هو الأسباب

\* \* \*

القواطم زيدن ونى وناحاي  
خواتي لا تگربوهن وناحاي  
ابعدوا خيولكم عنهن وناحاي  
عدل ما دامني والنفس بيه

\* \* \*



يبو فاضل سره الحادي ولاعن      وخواتك على الهزل حنن ولاعن  
يكلها اچفوف لاعندی ولاعن      عليچ وعلى الحرم يختي اشبيديه

\* \* \*

### نظمة بمناسبة

#### وفاة ولد الشاعر السيد عبدالحسين الشرع

يا شمعه اليشع البلد بضواها      وسافه الكدر گبل العرس طفاها

\* \* \*

يا شمعه النوچد ادروبنه بيها      سمع بيها الزمان وصول اعليها  
طفاها وظل يشع وينور ماضيها      وظلت تمدح الناس ابسجايها

\* \* \*

يا شمعة النادي ويا ضوه العين      ما انصف اويانه ولا وياك البين  
هاي اخوتك تصفح وسف بالچفين      مهضومه وعليك الكدر بچاها

\* \* \*

يسهيل الزرگ بالكون لحضه وغاب      يا صافي الضمير او ياذهب تيزاب  
يا محروم من شم الهوه يا شاب      يا دره الخفه اعلى الناس معناها

\* \* \*

يا زهرة النادي وشمعة الديوان      يمونس ابچيک هلك والخوان  
فرگاك اعلى عودك وخوتك ماهان      مدري اشلون هان اعليک فرگاها

\* \* \*

تعال اوشوف ابوك اصبح ايباحاله      يسون ودمعته الفرگاك هماله  
انته مسهجهتہ وسباح دلالة      وفرحة خاطرہ وللروح سلواها

\* \* \*

ينوح عليك وفراگك مرد چبده      ياماي الحياة الراح وتبده

الف يا حيف صارت موتك برده وروحك قبل يوم الكدر وافاها

\* \* \*

الف وسفه على طولك والوسف شيفيد عكب الكرب شخصك صار عنه ابعيد  
نتنظر العرسك مثل يوم العيد لاچن خاب اخوتك بيه رجواها

\* \* \*

شموع العرس فوگ الكبر علگوها ولملبس ادموع عليك نثروها  
اشلون افعالک الطيبات ينسوها ورسمك كل وكت جدام عيناها

\* \* \*

### نظمة بمناسبة

اربعين ولده المرحوم السيد محي الشرع

نار گلبي تشبه النار الخليل وبالحزن يعگوب چني الثاني  
من فگد يوسف ظل جسمه نحيل وانه مفگودي نحيل ادعاني

\* \* \*

فرق بيني وبينهم نور وظلام لو مثل فرق القيامه ويه الوجود  
هذا ناره عليه غدة برد وسلام وانه ناري موجره وكلسا تزود  
وذاک يوسف عاد اله ونال المرام وانه اللي هيهات ليه محي يعود  
وين هذا وذاک من نار الدليل من هظم روحي ومن احزاني  
وهم تظن يحصل لعد حزني مثيل وحالي بچه اليحب والعاداني

\* \* \*

حزن ما صار وجره مثله حزن ليل ما طبگت لحظه جفوني  
ليلي ونهاري عليه ابچي وون حتى اهلي من البچه لاموني  
هذا حالي وحال كل من ممتحن وصبر على مصيبته يردوني

لا عمل ودي ولا انساني  
ولو بچه من هظمته بچاني

والابو على الولد صبره مستحيل  
شلون صبري لو شفت محي ذليل

\* \* \*

وشمعة البيت الكدر طفاها  
وفكدة عيوني الثنين ضوها  
راح بلسم طيبها ودمهاها  
ولا ابالي بيهم اللي ينهاني  
حتى ويا يندفن جثماني

شلون صبري والصبر طوده هوه  
باد حيلي وهرش دلالي النوه  
بعد ما يحصل لعد علتي روه  
لحن لفراگه حنين ام الفصيل  
خل يظل جسمي على افراگه عليل

\* \* \*

مو على ذاك الولد ومصابه  
ويون ون الوالد من صوبه  
وعلى يوسف دمعته سچابه  
ملك يرجع والوعد رباني  
ما گدر يعبد وهو روحاني

الصبر ممدوح لاچن الصبر  
اشلون صبره اللي يبات على الجمر  
هذا يعگوب النبي گضه العمر  
وهو يعلم رادت الباري چفيل  
هذا للي لامني اكبر دليل

\* \* \*

اخذ محي وگطع سباح الغلب  
وظلت دموعي على اوليدي تصب  
وانه عيني تستدير على الدرب  
ويرد يضوي بطلعته ديواني  
ولا نسيته شلون اهو ينساني

وياي ما انصف الميشوم الكدر  
هدم حيلي وكسر من عندي الظهر  
غاب عني وصار اكثر من شهر  
بلچي اگول يعود من هذا الرحيل  
يدري ما اتحمل فراگه الطويل

\* \* \*

وانه ربيته بدمعة عيني  
وانحب على افراگه يخليني  
وحال ملچ الموت بينه وبينني

اشلون ينساني ويروح ومايرد  
ما يهون عليه اظل دامني الجبد  
لاكن شبيده عگب صار البعد

ولا بامر ولا نهي لاحاني  
وراع امر الله ولا راعاني

بالوصل ما چان ابو محي بخيل  
لاچن بوعدہ صدر امر الجليل

\*\*\*

والذي نشف دموع عيوني  
والذي بمصيبتي واسوني  
انفرد بالنياحه يسخلوني  
ومنهم الكل بالحزن ساواني  
خاف بيه تشمتت عدواني

واليهون علتني وهذا الولم  
نعي اخوتي اهل الوفه وهل الشيم  
عيت نفوس الابيه والههم  
نهظو بحمل وهو حمل ثجيل  
مين ما مال الحمل ويا يميل

\*\*\*

شاع او وصل للبصره الخبر  
كل فرد منهم لهالينه شكر  
لا يراويهم مصيبه من الدهر  
وعلو ابين الخلايق شاني  
وانه عاجز عن شكرها لساني

شاركوني بمحتني وسود الايام  
هناك اخوتي واليحبني والعمام  
اسأل الله ابجاه مرقدھا الامام  
شاركوني ونشفو دمعي اليسيل  
بيش اشكر طيبها وهذا الجميل

\*\*\*

## المحتويات

المقدمة.....	٤
تقاريض.....	٦
الفقيد يؤبن نفسه وهو في قيد الحياة.....	٩
في حق النبي ﷺ.....	١١
في حق الزهراء ؑ.....	١٢
في رثاء الامام على ؑ.....	١٨
في رثاء الامام الحسن ؑ.....	٢٦
في رجوع السبايا الى كربلاء.....	٢٧
في رثاء الامام الحسن ؑ.....	٢٨
في هلال محرم.....	٣٢
في رثاء الامام الحسين ؑ.....	٣٨
ندبة للحجة (عجل الله فرجه).....	٤٠
في نهضة الحسين ؑ.....	٤٣
في زيارة الحسين ؑ قبر جده ﷺ.....	٤٥
خروج الحسين ؑ وملاقاته مع الحر.....	٤٧
نزول الحسين ؑ في كربلا.....	٥٠
استعلام الحسين ؑ بقتل مسلم بن عقيل.....	٥٥

٥٨	مكالمة الحسين مع الانصار .....
٦٢	في خطبة الحسين <small>عليه السلام</small> على الانصار .....
٦٥	في مكالمة الحسين <small>عليه السلام</small> مع الانصار .....
٦٧	العليلة وكتابها .....
٦٩	في حق مسلم بن عقيل <small>عليه السلام</small> .....
٨٢	كتاب الحسين <small>عليه السلام</small> الى حبيب .....
٨٥	خطبة حبيب مع الانصار .....
٩٣	بنو هاشم والانصار .....
٩٥	حر في الدنيا وسعيد في الاخرة .....
٩٧	خطاب الحسين <small>عليه السلام</small> .....
١٠٠	او لست تسمع ما تقول سكينه .....
١٠٤	في شجاعة العباس .....
١٠٧	القاسم بن الحسن <small>عليه السلام</small> .....
١١٩	شبيهه جده رسول الله <small>صلى الله عليه وسلم</small> .....
١٢٢	في شجاعة الاكبر .....
١٢٨	في رثاء علي الاكبر .....
١٣٤	في ليلة العاشر من محرم .....
١٣٧	الليلة العاشرة من المحرم .....
١٣٩	وداع الحسين <small>عليه السلام</small> لعائلته .....
١٤٢	ليلة العاشرة من المحرم .....
١٤٧	في رثاء الطفل الرضيع .....
١٤٩	الحسين <small>عليه السلام</small> يستغيث فلا يغاث .....
١٥١	ليلة الحادي عشر .....
١٥٨	ليلة بلا حام ولا كفيل .....

- ١٦٠ ..... ليلة الحادي عشر
- ١٦٢ ..... يوم الحادي عشر
- ١٦٤ ..... في مسير السبايا
- ١٦٨ ..... عتاب لبني هاشم
- ١٧٢ ..... رجوع السبايا من الشام
- ١٧٣ ..... رجوع السبايا
- ١٧٥ ..... في مسير السبايا
- ١٨٠ ..... يا اهل يثرب لا مقام لكم بها
- ١٨٢ ..... او ما سمعة بمحنة السجادي
- ١٨٥ ..... يا صاحب العصر (عجل الله فرجه) ادركنا فليس لنا
- ١٨٧ ..... في رثاء موسى بن جعفر عليه السلام
- ١٩٢ ..... ندبة للمهدي (عجل الله فرجه)
- ١٩٤ ..... في رثاء الكاظم عليه السلام
- ١٩٩ ..... مستهل ممشه
- ٢٠٠ ..... في رثاء الرضا عليه السلام
- ٢٠١ ..... وصية النبي صلى الله عليه وآله بالعترة
- ٢٠٤ ..... مدح للامام علي عليه السلام
- ٢١٠ ..... في رثاء العباس عليه السلام
- ٢١١ ..... خطاب زينب للعباس وجوابه عليها
- ٢١٣ ..... نظمة بمناسبة وفاة ولد الشاعر السيد عبدالحسين الشرع
- ٢١٤ ..... نظمة بمناسبة اربعين ولده المرحوم السيد محي الشرع

تصوير الكتاب  
صين الخزامي  
ايران - قم المقدسة



انتشارات  
المكتبة الحيدرية